

欽定四庫全書簡明目錄卷十六

東萊詩集二十卷

宋呂本中撰本中有文集及外集皆久佚此其詩集也其詩得法於黃庭堅故作江西宗派圖列陳師道等二十五人而已居其末其紫微詩話及童蒙訓論詩尤多精語故吐言天拔卓爾成家教陶孫詩評譬以散聖安禪自然竒逸可謂善狀矣



涼風森爽遽如許。天氣蕭條殊未佳。密邈留陰
竹敗畦藏雨鬪。蛙墓碧雲莫合人。千里丹鳳
一匠。唯有雙叢庭下菊。殷勤還作去年花。

符離諸賢詩

窮居日荒涼。杜門與世絕。親故日夜疎。詩書固且缺。
符離雖陋邦。賢士稍羅列。德操青雲器。議論輩前哲。
外貌發英華。中心瑩冰雪。介然特立士。勁氣剛于鐵。
攘臂辨是非。孰能逃區別。信民粹而和。名利誠難悅。
汨沒稠人中。獨袍雲松節。偉哉二三子。寔乃邦家傑。
我來從之遊。內顧慙踈拙。欣然對三益。放懷歌數闋。

已矣不復言。渠當為君說。

德操充之皆約。九月間見過。今皆未至。扶杖
出門悠然有感。

病着文書懶出門。偶扶藜杖看行雲。屋頭日在轉花
影。水面風來散穀文。不厭莫城千嶂合。稍令明月萬
家分。小庭留得清秋在。已見霜紅未見君。

游劉氏園

大觀元年宿州

暖日溫風破淺寒。短青無數簇幽蘭。三年止酒償春
意。可忍花梢戴面看。

上元

步履荒園日已昏。呼兒當逕掃苔痕。春愁不作遊人地。細雨殘梅遇上元。

柳

含煙帶雨過平橋。嫋々千絲復萬條。張令當年事風流。才似女兒腰。

喜雨

天乞幽人一夜涼。故教微雨送斜陽。暝陰籠樹山更好。爽氣侵人土自香。多病不眠唯藥裹。居閑長坐只繩床。五年謬作江湖客。幾對鱸魚憶故鄉。

舍東舊有花數百株。自去歲大雨道路阻絕。

不復可尋感歎成詩

無數新花替舊叢。兔葵高卧占春風。向來桃李成蹊處。今在陂塘渺莽中。

送文潛歸國成一絕奉寄

水天空闊片帆開。野岸蕭條送騎回。重到張公泊船處。小亭春在鎖青苔。

謝人送牡丹

晚風初染嫩鵝黃。小雨仍添百和香。折與病夫元不稱。玉瓶留待冶游郎。元一作渾

宿州初暑

暑氣侵人始欲愁，箬瓢窮巷不堪憂。
亂蟬泊雨林塘靜，密迳吹花草樹幽。
春盡茆簷深着燕，日高田水故飛鷗。
莫欺湫隘無餘地，待借元龍百尺樓。

夏日書事

小行畏蛇蝎，端坐困蚊蚋。
終日方丈間，茫然宣唯供。
病本無恐，添藥費小園。
新雨餘蔬畦，共飽聞簷門。
柳清陰妙無對，便思携杖往行歌。
當游千秋陶淵明，此意渠亦會。

寄吉州若谷叔

念我江西老，斲輪久無漫。
卑與揮斥千金，莫買娥眉。

笑留寄溪堂病主人

寄江信民

時信民在京師有京子博士之除

萬里江南兩外船，長腰杭米縮頭編。
廣文繫馬無由去，更有何人贈酒錢。

同諸子游城東園

昔聞城東園，欲往常不款。
今來天氣佳，茶甌起衰懶。
杖藜出門去，如膜開病眼。
木葉犯新霜，瓜田帶餘暖。
川源疑有無，風雲遽舒卷。
不期魚鳥會，偶逐鷗鷺遠。
淺水亂菰蒲，荒亭千苔蘚。
青山近在望，更悟秋意晚。
同行二三子，詩語各蕭散。
不愁罰觴難，苦恨白日短。

千秋高陽池令人憶山簡

楊道孚墨竹歌

君不見渭川之陰卧龍橫千秋貌取者誰文湖州十年筆意閉黃壤只今妙手唯楊侯楊侯畫竹盡真跡功奪造化令人愁滿堂迴頭看下筆擾擾雲烟亂晴日大叢縱橫高入雲斜風落葉秋紛紛小叢欹傾病無力旁水長根走蒼石門前車前_馬汗成川何得動高壁楊侯嘻笑辭未工此意不與丹青同效無一錢費酒炙能使千家空韞材遠寄動盈屋我子盡無由窮剡溪寒藤不難致須君放手為雙叢須

君放手為雙叢與我俱隱南山中黛一作繪

謝無逸秦處度諸人皆許省試後見訪冬夜有懷作此詩寄之

八年去東都觸事無一好沉綿淹歲時憂虞滿懷抱欲歸故里閭稀復舊耆老悠々歲欲盡忽々身向老小堂佳有餘所恨來不早飢蟲語夜霜踈星亂衰草支撐壞壁高側轉寒木小詩書久棄置詞林迹如掃佳人何時來路遠音信少庭前冬開花扶杖起千繞春風回馬首清尊待君倒先期留酒錢仍須具梨棗

歲晚

野竹新開徑，踈籬自著行。暮寒收雨雪，落日散牛羊。
生事顏公拙，才名謝奕狂。藥囊無奈汝，春到莫相妨。
寒
作雲

晚步至江上

大觀二年真州

浦口生春綠，未酣南山初見碧。巖風散入樹，翻歸
鳥月影浮江。倒客帆破甌，不堪充酒券。短蓑真欲換，
朝衫往來泥雨。城南路可見，輕鷗定不凡。

訪晁進道歸

樹陰殘雪半成沉，尚想狂花一尺圍。小雨似酥
盡澄江如練，白鷗飛未辭酒炙。為公費政恐親

面稀南市津頭行，髡子無人識我醉中歸。

怨歌行

借君手中板為君歌一辭，中宛轉君不曉為君說。
盡長相思，輕霜夜度吳城暖。楓葉蘆花秋意晚，萬里
春隨驛使歸。十年夢逐佳人遠，當時笑語似兒劇。象
牀玉手無消息，古岸風江千里船。咫尺春愁那得憐，
君不見信陵門下客，侯嬴不用今頭白。

雪盡

大觀二年宿州

雪盡寒仍在，園荒春欲歸。晴空落雁小，古木聚鷗稀。
肺病猶堪酒，囊空合典衣。碧雲愁不見，千里故山薇。

三月一日泊舟宿州城外因縱步至城北遂

過天慶觀道士留飲乃歸

冰霜連暮春既雨寒愈重扁舟纜荒亭淺水咽微凍
今晨稍和柔始覺芳意動經旬厭拘束樂事須一縱
籃輿無俗情鷗夷當賓從十花犯濃雲紅紫相餞送
未知滕薛長乃若鄒魯閭媿媿北門柳別淚作淒痛
陵陂少荒蕪亦未妨耕種道人喜我來清談破昏夢
彈琴不須絃風林助吟諷嫩玉擣香杭浮蛆撥春甕
嘉蔬剪朝露竒采市新貢西鄰亦可人明窓碾雙鳳
人生一飽適此外更何用七年城北交事與朱阮共

長詩不成篇臨行當三弄瓊瑤報木桃為子末

宿青陽驛

燈火客帆盡人煙村市幽晚風號古木高岸東黃流
物色淮山近春光霧雨愁棲遲舊游地來豁十年憂

游南山歸簡張嘉父博士

吾主復何往樂身亦忽忽寶塔千帆外春城萬壑中
亂花綠側逕晚照落斜空坐想西倉老掀髯一笑同

逕一作

書懷

挂腹文書未補飢積瘕潛塊不堪悲免曹怪我踈愚

甚不見田光盛壯時

客居書懷奉寄介然若谷才仲兼簡信民

客愁如長河浩蕩去不息未來已相闕千里在咫尺
抱疾守寄他鄉終年守岑寂中虛耗神志內熱損筋力
長虞二豎嬰復有寒餒迫怪渠旣上煙愧爾囊中帛
平生所讀書已如不相識坐貽鄉黨笑敢辭塵埃沒
舊游今幾時轉盼忽陳迹死者不復見墓草春已碧
生者天一涯未免陳蔡厄兒曹乳臭在瞑目分黑白
雖無未免書頗多雌黃筆出言輒周孔而不辨菽麥
啾、要酬和內頌頌牽率坐令懷抱惡更覺天宇窄

忽、十年事俯仰同戲劇從來肺腑親翻手胡與越
獨餘二三子肝膽猶鐵石尚怪東郭貧亦訝懷祖黠
西軒來何時簞瓢共飢渴念君不能已一飯再
誰能明予心皎、霜夜月

小園

小園常在眼春事已天涯雨暗堤前路苔深林外家
曲池通小徑密樹隱殘花長愧隣翁酒囊空尚可賒

謁雍道人

雍有古畫甚衆盡為郡掾
取去雍游貴人門甚熟

紛、乾沒混泥沙暫遣塵言掛齒牙妙画已歸三語
掾妙画一壯游空記五侯家古壇背日藏芳草小樹

留春放晚花。能共山翁同活計。隔林分聽一池蛙。一作坐不造

春日即事二首

隱几虛堂俗客稀。片心真與道相宜。風搖柳帶千絲亂。雨勒花心十日期。瘦病才蘓休強酒。良辰雖好少題詩。賈生詞賦常流落。歸去來兮在幾時。

其二

病起多情白日遲。強來庭下探花期。雪消池館初春後。人倚欄干欲暮時。亂蝶狂蜂俱有意。兔葵燕麦自無知。池邊垂柳腰支活。折盡長條為寄誰。

寄前鎮西楊法曹

楊子文章老更新。狂吟寡和過陽春。雙轂疊韻俱難敵。指物程形似有神。畫馬已無韓幹肉。草書真得伯英勛。可憐一首閑居賦。解道連螾能幾人。

飲酒

人生百歲能幾何。顧我把酒胡不歌。窮通大抵夢南柯。我復夢中多蹉跎。自古英雄亦何有。往事紛如酒嗟予。真得酒中趣。幾度尊前揖星斗。病起槐陰鷓已老。今日相逢還草草。忽忽數日是行人。且向尊前一傾倒。人生樂事亦難并。明月清風况都好。

讀史

陳壽謂諸葛將畧非所長私恨寫青史千古何茫茫
謗詠終自頌公論不可當是非儻可定青蠅果何傷

戲呈七十七叔

大阮愛我詩謂我能詩矣我詩來無極愛之終不已
吾非聖者也但智慮多耳賜始可言詩吾智由商起

偶作

去年芳草又萋萋休歎王孫猶未歸更見春深送春
雁三三兩兩傍雲飛

謁陶朱公廟

悠悠千載五湖心古廟無人鎖綠陰為問功成肥遯
後不知何術累千金

睡

終日題詩不成融一午睡夢頻驚覺來心緒都無
事牆外啼鶯一兩聲

夢

夢入長安道萋萋盡春草覺來春已去一片池塘好

讀陶元亮傳

我愛陶彭澤解言歸去來醉眠猶遣客却使世

其二

東坡先生詩集
我愛陶彭澤不求絃上鼓琴中如有趣曾遣幾人聽

寄壁上人

出門厭交情袖手看世故紛紛駒過隙忽忽豹隱霧
生平喜退縮未到心已悟尚餘好事人相就討新句
雖非琢肝腎終自費調護君看雪霜根豈受桃李妬
昏疏老吏離前牒舊賓傳何繇兩行纏遠泛一大瓠
從君乞妙語一洗詩酒污

寄壁公道友

符離城裏相逢處酒肉如山放手空已見神通過鷲
子未應鮮健勝龐公且尋扇子舊頭角一任杏花能

白紅破箬笠前江萬里無人曾識此家風

用前韻寄商老

先生昔據道玄峰咳唾珠玉家為空只今江西二三
子可到元和六七公雙鬢只期它日白千花猶是去
年紅湏君吸盡西江水不假扶搖萬里風道玄一作通玄扶搖

一作
鵬搏

又寄無逸信民

文字撐腸不療窮詩來想見左書空雖非問道睹狂
屈璧公教訊二猶勝道書訪子公銀杯久拚浮大白
桃花且看舒小紅記取浮盃無刺語它年說似馬牛

風

奉答璧公兼簡諸友

江山取別太匆、對面難尋一段空。顧我自無
樣如君合是黑頭公。客塵袞、催前浪俗眼紛、替
舊紅炙日茅簷。那接膝重來肯借一帆風。

得李去言詩次韻答之

歌呼屢回曹相國。牋書或似魏司空。半生懷抱向餘
子千載風流獨此公。未用反身藏白黑。更須看眼辨
青紅。無人與助亦田費。雅稱謝家林下風。

督山伯蕭遠和詩并示舍弟

愛閑多病老封戎。看子垂天上碧空。懶墮未須攀此
老典刑政爾。賴諸公須如震澤三春綠。詩似芙蓉五
月紅。坐此逃禪夫可恕。不應獨許我乘風。

用寄壁上人韻寄范元實趙才仲及從叔知

止兼率山伯同賦

故人瓶錫各西東。吾道從來異北空。病去漸于文字
懶。南來猶覺歲時公。江回夜雨千巖黑。霜看高林萬
葉紅。政好還家君未肯。莫教慚愧北窓風。
是時范元

歸知止得官穎川趙才仲在郢久不
聞耗三子皆奇士故以北窓風諷之

夜作呈諸公

東萊先生詩集
風江舞暮帆野樹散歸鳥寒燈上壁角疎星綴林杪
歸來靜無事獨坐搜點藁放筆有新功無人與傾倒
不知新恨多但覺舊愁少石鼎倚殘爐茶煙看清裊
明朝尋酒錢折簡喚諸老

野樹一作遠樹

東萊先生詩集卷第一

東萊先生詩集卷第二

呂本中居仁

山陽寶應道中與汪信民兄弟洪玉父杜子

師張益中日夕過從自過高郵不復有此

樂也因作此詩寄懷

日、南風沙打圍掛帆端為故人回長空渺、水無
際遠掛冥、花自開疾病久辜鸚鵡初江山稍近鳳
凰臺月明雪霽山陰道尚想王郎乘興來

李太白有鸚鵡盃

鶴杓二物名雖異其用則一也故行借用亦以發諸公一笑

春日

春風未雌雄尊酒自聖賢燕巢樓閣間鶯語花柳靜

知止散傲軒

貪夫九鼎猶不足淵明一軒長有餘人生趣向
壤鷓嚇腐鼠猜鷓雛中即妙處世不識風期自與常
人殊開軒便有千載韻友葛天氏無懷徒坐看松菊
換時節兔葵桃樹紛榮枯五年却走各南北千里懷
想空煩紆雙魚沉浮久不至三徑寂寞今何如文章
潦倒付丘壑病疾蹭蹬思江湖何時共坐北風裏煩
君小摘園中蔬

暑夕乍涼

○三旬埃鬱得清風領袖猶翻汗摺紅已是鬼清無俗

夢更移涼簟月明中

其二

暮蟬蕭瑟下斜陽已似茅簷氣味長團扇未須憂棄
置竹奴猶可助清涼

寄知止

少年樂事未全諳疾病侵凌已不堪尚喜步兵頻入
夢、中猶復似曹南

其二

竹林還往風流絕剡縣交游氣味疎今代高人多惜
費千金未抵一行書去秋知止與石子殖皆
許見過已而俱不來

游北李園

兩暎煙籠萬竹蟠
枯條高下不堪看
非于秋後多霜露
自是芙蓉不耐寒

其二

去馬來舟絕往還
此中情味却相干
明年知是明寒食
待約花梢月下看

其三

壁間詩字有凝塵
庭下梅梢又作春
獨有城南授當時
同是看花人

游北李園

小徑縱橫出紫苔
綠陰高下綴黃梅
榴花却是多情思
宿留薰風未肯開

寄李愬去言

東南之望廬山英
李郎落一竒後生
鳳凰麒麟在郊
藪芝蘭玉樹生
階庭文章初如濫
觸鴈水行見萬里通
滄溟汪侯愛君筆
不停謂君詩似秋
風清世間兒子
甘縮手蕪過趙栴
俱抗行少年才氣
乃如此後來定
是資公卿伊昔先
朝又物盛君家諸
父當朝廷外允
復是不世才竒祥
異瑞相輝映翻雲
覆雨十年後昏
昏醉夢須君醒
我生未壯日向衰
疾病侵凌心已灰

眼中之人不易見千變百技常追隨詩書深藏半鼠
矢筆墨高卧封蛛絲功名已矣付公等田園肯放吾
先歸

贈汪莘叔野

汪子宦不進四海漫聲名有弟極磊落氣宇和而清
三冬文史足十年書劍成出言見瓌穎府庫森五兵
於身則已拙泛如池中萍輕肥置度外辛苦抱道經
乃知佳子弟必由賢父兄念子初來時我方疾病嬰
相從四寒著所歷不可聽昏一醉夢裏得君時
擁爐共殘火軟語當盃鐺君亦不我厭為我雙

勿云軀幹小氣吞橫海鯨懸榻念文舉開筵憶淵明
二子風流遠感君兄弟情窮通有時節此士爾勿輕

新冬

西風吹禾黍落日在陋巷杖藜訪新冬霜樹眇空曠
人煙村舍西行旅古原上晚山晴更好秀色常在望
居閒得真趣日欲就踈放豈惟憎俗徒庶自免嘲謗
東鄰酒初熟清香亂盃盞徑須騎塙頭挈榼獻窮狀
吾生足羈旅久病非少壯銀杯多羽化布帆且無恙
雖非陶潛隱不負徐邈暢多一作驚
且一作保

贈謝無逸

君不見城南千樹桃君不見澗底百尺松
生偃蹇卧霜雪桃李一笑隨春風百年澗底終自若
桃花猶得暫時紅嗚呼志士每如此衡門高卧不
尤用心雖無瑕飢欲死

贈張若虛

病憶江湖去書無尺寸功
平時婁人子忽是富家翁
活計呻吟裏交情夢寐中
獨與張處士相近數邊從

贈信民

五年客符離端坐受貧病
從來踈出門今乃懶成性
官多豪富即分明與時競
取醉不論錢定無塵生甑

豈但相娛樂頗復自賢聖
汪侯雖官居笑語怯折腰
衆人後瓊林自輝映背後足
官府眼前謬偷閑過草堂
遣興眯眼淨雖非醉紅裙
清談却差勝秋高數能來
勿馱阻泥濘

符離之民難與居五年坐此如囚拘
比屋生涯但剝劫諸生學問只鄉閭
南鄰經年不相見北里雖見復麤疎
窄衣小帽走塵土也復生貌施襟裾
對此自然憂氣滿疾病日益何由除
君不見圖經所記又可哀此州自古無賢才

探梅呈汪信民

縞帶銀杯欲着塵，小園幽樹已含春。
風流王謝佳公子，臭味曹劉入幕賓。
細朶定無泥土浣，暗香猶帶雪霜新。
剝摩枵腹搜奇句，去惱城南得定人。

泥土一作塵土

奉懷張公文潛舍人

顏子置身陋巷，屈原放跡江湖。
何似我公歸去，馬羸不厭長途。

又

腕中有萬斛力，胸決乃千頃陂。
字畫顏行楊草，文章韓筆杜詩。

答無逸惠書

三年讀書少餘味，燈火可親病為祟。
謝侯好事憐我窮，時遣雙魚問鷓鴣。
交情乃似親骨肉，學行坐越諸公輩。
胸中萬卷書，屈蟠少日力。戰登諸壇下，帷

謝俗子凍吟，不管兒號寒。只今食粥已數月，千慮百憂煩筆端。高才本是棟梁器，苦語終無儒生酸。
樂章短句又清絕，陶寫萬象嘲江山。江南草木不得閑，問君何為愁肺肝。千年行坐想風來，宋千里魂夢勞追攀。我無良田歸不得，忍窮氣味君應識。囊貯未了歲寒計，學道空愧琳與璧。交親零落半鬼錄，白日輕去真

可惜終朝撥火煮蘆菹南山之南待君喫

寄知止才仲

一門叔父到鄉好中衣弟兄惟爾賢往事關心空自
語新詩好句與誰傳溪山已近堪投老文史雖窮莫
取憐仲弟墓頭今宿草為渠先賦補亡篇

寄張益中

五年望張子兀坐四壁空今晨千里來如熱濯清風
笑談不改舊憐我衰病攻斯人舊豪氣頗似陳元龍
只今更省事終歲兩頰紅何知珊瑚樹却倚塵埃中
晁侯夙所敬見渠如見公網羅枝出脚遠逐冥鴻

全會得玉卽敲門夜相從殷勤一盃酒目送西歸鴻
人生少如意此樂難再逢君家老季鷹高韻留吳松
風流遠孫在一櫂何時東不嫌道里遠為我略從容

元日贈沈宗師大觀三年真州

東家起傳觴西家起相喚我亦了新詩成此奇一段
念無毫髮益但見日月換出門詩沈卽造請我亦漫

又

念昔從諸賢關注老耆舊是事今則無斯人亦難又
爾來見公子却立兩公後不倦以終之可以為子壽

又

東坡先生詩集
沈郎固可人好善乃天性迹隨萬事遠心與一物定
蕭然四立璧筆墨自溫清更持孟賁勇少折楚士輕

又

君無綺紈氣我有冰雪容相期五石瓠共濟萬里風
江山秀句在內子空洞中還身視塵滓當有一日功

梅

南雪看未穩北風吹已殘才堪十年夢不稱一生酸
日月方回首風霜與凭欄遲明出謝客頃覺帽圍寬

苦陰

破臘冬仍在逢正陰更頻寒流未解凍雪意欲妨春

畏病還踈酒逃寒懶見人知東小桃李還是一番新
還一
作別

贈泐上人

一庵便送淵明老四海共傳摩詰詩本自妨人枕邊
夢不能陪汝劍頭炊交遊大半飢寒裏疾病中分少
壯時西寺木魚東寺鼓三年三見泐闍黎

五月十二日夜作

春來消息未傳真久自蒲團一味禪燈火侵尋作佳
境冰霜偃蹇過新年江散候落三更兩野色遙看萬
斛舡咫尺風光不相貸忍令好語到愁邊

咸安公主

漢朝公主歌黃鵠秦地佳人唱柳枝想見雲車度沙
漠一盃湏酪酏明妃

明妃

秦人彊盛時百戰無逡巡漢氏失中策清邊烽燧頻
丈夫不任事女子去和親君王為置酒單于來奉珍
朝辭漢宮月暮隨胡地塵鞍馬白沙暮旃裘黃草春
人生在相合不論胡與秦但取眼前好莫言長苦辛
君看輕薄兒何死胡地人

正月十三日河堤上作

雨着河堤柳着煙小樓燈火又今年東風不與行人
便留滯長亭十里船

昨日晚歸戲成四絕呈子之兼煩轉示進道
丈

疎燈欲盡漁商市小雨似開桃李顏一夜簷鼓鳴鑿
盞無人知我坐蒲團

卧疾江邊久未回懶隨見輩走塵埃天公尚有餘情

在肯放梅花自在開

疾一作病

春愁故、妨人樂舊蘇新苔不暫晴想見江郎閉舫
卧滿川風雨報天明

晁卿白髮風流在肯伴香車作夜遊借問典衣充戲
責何如沽酒喚吾曹

上元夜招沈宗師不至聞已赴郡會作二絕

戲之

燈火滿城公不來為公雕句洗塵埃春愁不到城西
寺更約梅花緩一開

白酒紅燈稱意春知公未免踏黃塵繩床好在沩相

憶輸與瑯琊浹上人

白酒一
作綠酒

浹上坐求枯木庵詩戲成兩絕贈之

枯木菴中浹道人百年無影卧輸囿未湏特地通身

去放取枝條自在春

前身石霜後身浹如印泥風去塵認得當時侍者

意無人知是密庵人

密庵人
一作呂居仁

正月末雪中小酌

柳着河冰雪着船小桃應誤取春憐床頭有酒湏君
醉又廢蒲團一夜禪

次韻張生

密庵居士渠不識齒髮則衰心未然樽下不知公子
貴酒中差覺孟生賢已吞舌本三千丈却任人間五
百年觸忤風光君莫怪棒頭無地可逃禪

東坡先生詩集
追成舊作

滿江風月一船霜無計留君只自狂燈火隔簾香隔
坐無人知是竹枝娘

久不得才仲書因成兩絕寄之

望大趙書如渴驥憶老汪膠無續弦看遍江南與江

北小屏微雨是斜川小屏書淵明孟夏草木長詩

病去詩無一點塵亦知摩詰是前身憐君更似西江

水合伴倚松庵裏人

晚晴

斜陽入花柳渾欲不勝情春事乃如此病軀安得平

尚堪衝宿酒復作快新晴荒簷足烏鳥莫厭晚來聲

安得平一作殊未平

連日與一土人會話密庵清坐附火乃有山

居氣息因成

春風吹苑簷落日半花柳餘寒盛氣來佳辰為誰有
公來但默坐有味皆可口端如列鼎食衣被以醇酒
煩言不知要實自費斗數南泉山下人了不計可否
山柴晚復煇當為一舉手荒江甚沉寥此味亦長久
不嫌薰病眼重當為公取

一上人屢言瑯琊南塔之勝予蓋樂之而未

東萊先生詩集
能往也

二頃良田一畝宮好山當自屬林公
須君留我卓錫
地安聽颼颼萬壑風

夜坐有懷

西懷豈不好本自乏周旋道有魯一
變歲無官九遷
疾風驚半夜惡况極今年咫尺沙頭路猶堪着釣船

晚春即事

春色不自惜曉寒摧折之殘花帶雨去薄酒信風吹
尚有尋行債初無了事癡論詩得奇味當使阿戎知

廣陵道中寒食日

風雨屬連春春事休碧鱗三尺薦行舟短牆不見桃
花面付與長江自在流

又

南來消息不真傳政恐相逢却未然何處青帘足沽
酒粥香餠白是今年

就甯子儀求酒

鼻息咈然君莫驚飢腸渠自作雷鳴須公一勺羔兒
酒伴我夜窓聽雨聲

東萊先生詩集卷第二

東萊先生詩集卷第二

十二

東萊先生詩集卷第三

呂本中居仁

廣陵

借韻戲用
文潛體

往來六十里各是一江郊柳色團渦岸春風楊子橋
好山當斷岸野鳥度空巢一任雷塘路暮天風雨號

沈宗師甚喜江梅而微貶酴醾因成一絕

淡綠衣裳玉作粧好風涼月自相當沈郎笑汝多情
在不似江梅滿意香

○勸張李二君酒

張侯好詩如好色不敢為主而為客李侯好酒如好
詩心雖甚壯無人知兩侯風味俱不惡如芙蓉與木

芍藥午窗留客看筆快曉枕無人猶睡着廣袖漸變
天寶粧大字不作元和脚世人譏笑乃其分政是仍
叔之子弱病夫坐穩無所求荒簷斷雨鳴春鳩爐煙
未盡消百憂悵不緩帶從公游何時清江橫小舟與
公一醉荻花秋却來密庵參牧羊

庵居

鳥語花香變夕陰稍閑復恐病相尋正應獨有江山
分素自都無廊廟心堂上老親雙白髮門前稚子舊
青衿兒曹不會庵居意古澗寒泉疑至今

小園即事

千花老無蹤衆草來可喜欣然得幽尋我亦病良已
飛々兩蝴蝶不悟塵土裏禽殺甚可人亦似相汝爾
人生貴愜志不必須甚美三年白沙詩已費千幅紙
問君何所樂赤手費摩洗短屏看遠山心作千萬里
此豈盡者功實自一念起君當如是觀在此不在彼

登舟

夜雨曉猶滴怒風晴更吹已無行役念寧有別離悲
舟楫三年路江山一月期東庵舊還往不廢百篇詩

張樺秀才乞詩

白蓮庵中張居士夢斷世間風馬牛風塵表物自無

意。神仙中人聊與遊。張奮與前輩名士往還甚衆澄江似赴北城
曉苦雨不放南山秋君當先行我繼往向吳亭東留
小舟

效古樂府

君住長江邊妾上長江去長江日夜流相思不相顧

住一作家

又

長江日夜流妾心終不改誰謂江頭人相思不相待

又

東家石榴紅西家石榴紫俱是一種花同生不同死

讀太真外傳

上盡馬嵬路東風吹舊京乾坤已新主草木自秋殺
錦鞦千年恨皇輿萬里程寧知挽船士亦有別離情

簡甯子儀

○只恐老去被花惱更欲忘憂須酒澆何似山堂病居
士閉門高枕過春朝

又

新晴欲上南樓月柳可藏鷓水蘓牆無限客愁芳草
裏不知風雨阻斜陽

書寄泐上人

胸中無一毫事筆下有千筋力走遍江南江北山滿
堂禪和不相識

呈愚上人

不能歸續侍中貂遂有般名伴老饒万里更行看
驪。裹一枝才足賦鷓鴣詩囊硯礪君其漫藥裏侵尋我
亦聊舉目雲天畫新語殷勤收寄一牛腰

贈浹上人一上人

君行南山南我在北山北不聞浴鵠白但見染絲黑
老境欲垂々快意須得々孰知百雉堅而有一日克
浹如澗底松縱老終不陪一如雲間鶴不復可羈勒

我如千里風遇此兩鴻鵠明珠脫氛翳曉日破昏塞
宿障不盡除胸次猶筆墨君看說詩，乃是拔山力
冰霜卧偃蹇歲月飽封殖誰能窺藩籬未易得閭闔
政當歛光芒不必須緣飾相從無何鄉敗衲依破衲
更令好事人妙語添一則

政當歛光芒不必須緣飾
一作政當磨其鋒共掃煩

惱賊

○雨後月夜懷沈宗師承務

雨雲攬江色偃蹇破昏睡千花閉紅紫妙見一室內
披衣行夜永明月在船背微風過蕭瑟古柳立蒼翠
脩然一蒲團堅坐覓詩對我生無南北所到意輒遂

孰知十年游保此清淨退頗念城北人結友老衫櫛
漫隨長缺歸甘作短檠棄出門萬里涂已駕安得稅
何當持被來把酒相就醉開一作開

秋夜示李十

晴鳩不時鳴雨鳩不暫歇相去跬步間屢見夜齒折
寒泥擁衰草秋扇罷殘熱今晨好風景稍貸屋頭月
清光冷相照玉艷滿金玦喚客坐前意文字相凜雪
殷勤傍詩律未暇了麴蘖瀾翻談經口邂逅如意鐵
我歌君輒書字字有行列不須陞桓嚴但要兵衛設
譬如南山石琢蓋當并潔直成一戰霸未可三鼓竭

人生各涇渭世事亦滕薛高堂食肉人兩馬方蹠齧
何知緼袍底猶有不安節

中秋日沈宗師約遊城西泥雨不果因成四

十字兼寄趙才仲

遂阻城西步兼懷雪上游長風掠歸燕苦雨應鳴鳩
月向誰邊好寒催社後秋傳杯有新韻能憶老長兄不

桃花菊

嫩粉殷勤換淺黃裏金叢見新粧已翻百疊紅衣潤
更沐九回沉水湯

九日晨起

東坡先生詩集
漸歇敲蚊手真成把酒天長河印曉月老木聚荒煙
了、江山夢區、文字緣南堦兩三菊極意作今年

王氏郊居

江山處、好落日極登臨雨續疎畦潤風吹柿葉陰
客船頻上下水鳥故浮沉尚有南飛雁丁寧可寄音

對菊

稚子尋花莫漫狂已知衰疾負重陽新霜有意留青
藥更放殘枝十月黃

雨後至江上有懷諸子

落日滿寒雨長江收夕霏定知聊復尔敢望不相違

野鳥晴相喚殘螢晚自飛殷勤兩山口好為放朝暉

登南樓

疾風吹沙不成雨十日狂陰倒殘暑江頭樹木半焦
枯不厭潮頭洗塵土南樓反照千丈紅落日却在洪
濤中舟父漁子莫惆悵更借朝來東北風

歲晚作

南山雪雲千尺高北山晚田無寸毫富兒巨家飽欲
死笑我陋巷長蓬蒿道人坐穩忘作勞百念解縱如
垂橐但當折簡喚我曹並坐擇蟲煩抑搔筆力可借
淡秋江濤莫學人間膏火熬

弔古塚

荆榛閉莽蒼千歲一孤墳坐則無是叟死應冥漢君
略無他日念唯有不堪聞想得西陵道荒臺亦暮雲

奉送子之還京師

日月老投閑文字介削跡便然腰十圍欲吐咏三尺
頗懷平生友相就語肝膈諸江好兄弟夫子眉最好
詞林三二公子宴門下客布帆千里來許我間賓席
階庭出蘭樹戶牖照圭璧詩如駕高浪萬頃隨筆力
寧為首陽餓不作嬖奚獲乃知工語言要是飽糠覈
茫然李杜壇未免陳蔡厄出門觀善陣歛手避勅敵

澄江搖夜霜歲晚見沙石釵頭冒蛛絲即有梁宋役
士生多艱虞道遠自古昔相期逍遙游不計天地窄
名穀了三黜談笑供百謫別君為此言可當繞朝策

外弟趙才仲教以書來論詩因作此答之

君才如長力大竅當一割正須襲襲其鋒却立望容
髮平生江海念不較文字渴茫然攬轡來六驥仰朝
秣病夫百無用念子故踈闊未能即山林頗復便裘
褐前時少年累如燭今見跋胸中塵埃去漸喜詩語
活執知一杯水已見千里豁初如彈丸轉忽若秋兔
脫旁觀不知妙可愛受不可奪君看擲白盧乃是中前

苦不聞鐵甲利及畏弩弓末興薪遵大路過眼有未
察君能探虎穴不但須可探捫才仲佳士也年十七
州子開及晁四諸人比其文柳子厚時隨其父演在定

過子之泊船舊亭

江即泊船處草徑不勝秋客裏終年別春前萬斛愁
山橫采菱口片滿望江樓政可夢春草莫令吟白頭
望金陵偶成兩絕

臺城南望入斜陽尚想能詩玉樹即乘興風流莫相
笑眼看直北走雷塘
雷塘別有風流坐可作南舟兩日行江水自流春日

好不知芳草為誰生

烹茶

水光欲盡瑤璃影玉色初浮翡翠斑便覺麴生風味
惡小爐新火對蒲團

西樓

小院無人日自長隔簾時有芰荷香客游未作安居
計更借西樓一夜涼

寄信上人

笑語三年別舟航十里淮新霜變草木好雨過風霾
萬事不如意一生常好乖何因伴明月特地入君懷

秦處度與一上人全宿密庵處度為一畫斷

崖枯木

小庵無客亦無氈遂有高人借榻眠一夜西風撼枯柳不知春在石崖邊

寄謝無逸并汪叔野兄弟

老謝風流綠綺琴小汪兄弟亦南金文章已悞半生事江^極略酬他日心好酒不當愁偏^反舊書差慰病侵尋平生恩義伴宮老斷縷寒泉百尺深^{汪信民沒方數月}

月下

白鷗笑汝不能飲澄江惱人勤作詩可惜南樓好風

月只無春柳對瓊枝汝一作我

劉穆之

金样一斛貯檳榔戲調兒童走欲狂不謂林間有元亮念公時在酒中藏

戲贈道浹上人

忽逢^邪邗溝道人浹如見錫山居士秦問着世緣渾忘却知公不是箇中人

喜章仲孚朝奉見過十韻

昔語不難好舊交今則無但能留客坐已勝折腰趨只有連^根枝煮初非滿眼酤苔痕記拄杖雪影傍跣跌

東坡先生詩集
語道我恨晚說詩公不迂丁寧人漢魏委曲上唐虞
歷、有全體忽、或半塗真當置度外不敢望庭隅
日月換新歲江山非故吾他年佳句在與畫密庵圖
山谷論作詩法當自舜臯陶賡歌及五子之歌
以下皆當精考故予論于詩必斷自唐虞以下
觀甯子儀所蓄維摩寒山拾得唐畫歌
君不見寒山子垢面蓬頭何所似戲拈拄杖喚拾公
似是同游國清寺又不見維摩老結習已空無可道
牀頭誰是散花人墮地紛、不須掃嗚呼妙處雖在
不得言尚有丹青傳百年請公着眼落筆前令我琢
句迤幽禪異時淨社看白蓮莫忘只今香火緣

寄朱時發

菱橋眷梁硬如鐵天下拄杖打不折倒騎佛殿出三
門南頭學來北頭說昔苗未生今作米更判阿師三
尺觜公但吸盡西江水莫怕庭前簸箕尾

寄穎昌諸叔

身如許縣老聾巫心是湖版下僧萬事聊憑曲肱夢
一尊時近短檠燈舊遊可數終難又惡况雖多不厭
曾尚憶少年情話否夜窓相對髮鬢鬢心是一
作心似

謝人送瓊花白沙人謂瓊花為無雙花戲成

兩絕

凝塵欲滿讀書窓忽有瓊花對小缸
更喜風流好名字百金一朶號無雙

斷腸風味久難尋尚有名花寄此心
折盡長枝已春晚只宜涼月不宜陰

觀甯子儀朝奉山堂諸石

箇中真味久難忘但覺人間萬事忙
今日為公留不得剩分詩思入山堂

又

向人懷抱終何有過眼崢嶸得暫醒
更喚秦髯與浦袂為公題作小南屏

又

知公心似山堂石悞落人間几案間
今日風光已相負看朱成碧未能還

十一月五日與才仲弟相別于白沙東門之外
悵然久之不能自釋乃知謝安石作惡之語
不為過也因成八詩奉寄可見別後氣味亦可
并示京洛間親舊也

終年想顏色未有食頃忘君寧不我念
苦畏冰雪妨斯文百戰罷閱士如堵墻孰知五湖口
一葦可以航

又

東萊先生詩集
君才不長負太阿之在匣故知諛慝口不受龍象踏
此道有從來翫骸端不乏相期甕頭春夜語重一呷

又

盛欲與子談乃復為此別忽々得餘歡把酒到耳熱
人生不如意肝膽有楚越何知若人胸中有積立鐵

又

伯姑無恙時今我與子友周旋以至今各是遺裡叟
文字種穀名於身亦何有還書問兩弟是事君識否

又

婦如先姑賢兒似乃翁好識君相與心見我亦傾倒

頻年作離情悟賞到丘嫂卜鄰洛水陽此語當在早

又

低頭拜東野未厭擿抉窮停軍問縮酒不計牛馬風
胃次脫塵滓欲與秋水同斯人未遠遠當在阿堵中

又

往者汪信民愛我不自勝以我如古人得與子並稱
若士不復有斯言當伏膺期君極膏沃更作無盡燈

又

鍛以百鍊剛淬以萬里流閉門待疆敵忽見天地秋
以石投水中萬歲終不浮堂々倚松老於今忘百憂

東萊先生詩集卷第三

東萊先生詩集卷第四

呂本中居仁

山水圖歌

君不見南江老龍夜不眠令我破屋開青天千巖倒
壁卷角上一榻却在洪濤前又不見江頭古木一尺
圍猿猱接手懸高枝雨中寒蘆披靡去天際風帆先
復歸陳生故是可憐人筆雖未到心已親南村北村
渴欲死怪此一室無纖塵鄭虔初獄不解奇韓幹畫
馬空多肥萬里咫尺君得之更看湘江雷雨垂

陳生欲畫

湖湘圖

庚寅年正旦郡中客次作

晚霜扶霧入寒廳，四坐伊優不暫停。剩欲禪房作新
歲，念無餘瀝到空瓶。詼諧與世聊從俗，嘯傲他年可
乞靈。更為旁人住，俄頃坐間愁殺兩螟蛉。

題李伯時維摩畫像圖

老松挽天四無壁，小菴不勞容一室。野竹入戶芭蕉
肥，下有無言病摩詰。文殊妙對亦未真，身如浮雲那
得親。驚倒同行問話人，彼上人者何所云。龍眠好事
筆有神，不避世間狐兔群。掃渠胷中千斛塵，多口阿
師聞不聞。掃渠作洗盡

遣懷

何山不堪隱，何家不可居。古來子華門，亦着荷畚夫。
荒田脫積雨，未免供晚租。今日視昨日，但見有不如。
故人勸加餐，老親憐嗜書。寧知毛錐子，不可一日無。
一作一日不可無

又

秋風襲殘暑，忽過江上林。旦日扶杖來，不見十畝陰。
蔬畦甚寂寞，亦受霜雪侵。念此不常好，如我宿昔心。
濤頭落崩岸，野鳥助謳吟。潛魚著沙底，避網冬更沉。

襲一作塵

又

異時忘言人馬鬣今宿草生平不如意欲伴寒木槁
遂令藜莧腸更盡組繡巧三年對空案誦子詩可飽
從來文字上不解顏色好相逢期後身再訪西院老
謂信
民也

符離阻雨

東風吹船窻未曉天復雨篙師促添纜卧聽泥濘
不知城北園春事今幾許舊游如宿昔花柳默可數
鄰里先後來頗復相勞苦東家獻牛酒西家饋鷄黍
感渠長久情愧我無所取汪侯哦詩處積水敗環堵
念此不忍行不但出入阻七年此端居畏病如畏虎

故人饒與黎此老可共語

伍員祠

伍員廟前一丈碑上有野鷄鶴雙來棲水雲杳杳涼
去遠風雨冥冥秋到遲江花相趁野花發舊燕不隨
新燕歸大夫遺恨竟何許楚越勾吳今是非

東園

垢汗久思出江山秋更新荒田出龜兆老檜落龍鱗
風月猶堪夜蒲蓮浪作春籃輿亦乘興寔自厭冠巾

寄琦監院

往時濟陽晁公子今日靈巖琦上人千山不礙一月

曉北樹忽見南枝春箇中有味渠不識底處無情公
得親不知碧眼之面壁何如黓顏西入秦

即事戲荅季一

斜陽着高柳環堵半黄昏小圃三年旱荒池一尺渾
粗知詩有味寧使婦無禪不信晁公子猶招楚些魂
季一詩云思與諸公論
人物試憑清議賦招魂

湘竹

小雨催寒入夕曛湘江風味可味可憐人斑斑玉淚
無時盡暮暮金相別是春

有懷宿州城北因作詩寄才仲

宿州古城：北隅雨罷晴開如畫圖雜花亂藥未須
道白杏一枝天下無香風裊裊入短袖明月蕭蕭隨
蹇驢二年不復見此樂清江萬頃正愁予

示沈宗師

十日見號不出房殘梅猶在小瓶香沈郎喚客煮湯
餅政恐匆匆未得嘗

又

九日狂陰一日晴落花飛絮作清明與君携手南樓
去共聽長江月下聲

夜坐戲成呈迪吉宗師二友

夜窻燈火著新寒喜見蒲團一味閑縱有好詩人不
要却須還與檻前山

又

踈簾欲上梧楸影遠枕微聞盆盎鳴甚欲分身就公
宿只愁塵土變江穀

奉簡章仲孚兼呈宗師

日、勃鳩相應鳴年、春草起愁生道人不怕冰霜
面又作南舟十日行

又

沈即愛客如愛酒章子問詩如問禪肯共寒爐撥殘

火共搜佳句作新年

老松

奉君以綠綺琴報我以雙南金盃中琥珀不須盡聽
妾一轂行路吟君看庭前老松樹上有杳默不斷之
清陰牆低未礙髯髮古歲晚不辭霜雪侵東園桃李
自妍好與君百生同此心

揚州雍熙寺納涼

高樓有餘涼但見旗脚動鳥語簷角來仰聽風響弄
江山舊還往草木老賓從平生一笑遠可得萬鈞重
脩然六尺床更許佳月共

訪張鑑秀才兄弟

眼看霍、萬錢食便就、五鼎烹何似張侯五兄
弟閉門相對飽芹羹

卽伯埭路中

行前蒲柳後鷗鳥、乃似白沙之舊居、忽見雲天有新
語、不知風雨對殘書、往來河樹幾傾蓋、上下江船如
貫魚、更與河山結香火、夜窻重枉故人車

寄周司理

日月走動勸舟楫、卧煩暑涼秋在萬思容、于安得語
周侯磊落人、憐我自熬煮、殷勤半月留、可得一笑許

別來今幾日、坐此百里阻清風、不時來曉月仍半吐
卷簾看修竹、忽似對眉宇、人生行樂耳、舍此皆自苦
終期卜隣歸、重聽對床雨、雖無塢、歌亦有坎、鼓

山光寺前泊舟值雨

輕雷喚小雨、憶在白沙時、綠酒留連醉、紅燈取次詩
好風那復有、涼月自相隨、獨上山光寺、清歌無柳枝

步月有懷

平生最愛花梢月、可與青樓一等看、病去老來渾忘
却、曉窻晴日上蒲團

揚州留一上人

日、東風吹客衣。小園春在掩芳菲。殘花過雨飄零
盡。好鳥穿林自在飛。往事虛成采薇瘦。故人頻有食
言肥。知公未厭西行晚。且江船緩、歸

送一上人之京師

東風吹雲十日雨。卧聽城頭打衙鼓。道人遠自山中
來。共坐南窓灌泥土。自然高韻到羲皇。豈止微言變
齊魯。萬牛回首不震掉。一葉橫江且掀舞。未能入水
取蛟蜃。尚欲投戈伐貔虎。念公守此非一朝。木病魂
瘵無枝條。已盡千峰西嶺雪。更夢八月錢塘塘。潮京
城塵沙深一尺。是中莫留公履迹。樵門蹲啗兒女笑。

我一思之不能食。片帆無事早歸來。為公一洗山中
石

擬古

狡兔死三窟老。松堅百尋物。生各有願。共此分寸陰。
荒城六月早。長江三日霖。稻苗不遂死。幸無蟲賊侵。
皇天不私覆。一語銷百士。先王典刑在。落、傳至今。
願以小人腹。而為君子心。

又

寒雞不能晨。苦雨自朝夕。上為雲雷巢。下乃龍蜃宅。
坐懷陰外天。缺月掛殘魄。少來可喜人。牖戶陳玉帛。

平生千萬言略省二三策牛山所種木日在斤斧厄
念君十年心使我雙鬢白

潘邠老嘗得詩云滿城風雨近重陽文章之
妙至此極矣後謝無逸後成無逸詩云病
思王子同傾酒愁憶潘郎共賦詩蓋為此
語也王子立之也作此詩未數年而立之
邠老墓木已拱無逸窮困江南未有定止
感歎之餘輒成二絕

漫營新句補殘章寄與烏衣玉樹郎他日無人識
佳景滿城風雨近重陽

二

好詩政似佳風月會賞能知己不凡萬里潘郎舊鄉
縣半江斜日落歸帆

寄李商老

竹不可一日無酒不可飲不醉平生嗜酒愛風竹此
意不許凡兒會南來經年飽塵垢袖手甘隨百夫後
文章漫作無功身只了兒曹補窗竇黃沙障日江漫
流青山喚我十年舊憶昔泊船鵝翎口把酒遙為故
人壽只今身在心已老千巖想像靈芝秀君家兄弟
固不凡解挽三友勤相勉就中即卧病過春晚昔則

酒狂今詩瘦山房大名不墜地諸老風流未宜棄老
檜參天可乞盟案食劍羹乃無味如君高韻千載同
可更託身三教公丈夫勁挺要長久百萬叩關一夫
守胷中江海不須道此流何必計升斗眼前勃宰訴
二友聽客所為公絕口

雨中作

咄、真成夢悠、復未知寧為牛背語不作劍頭炊
雨挾秋聲亂江含暝色悲故知無事飲猶勝頃來詩

示內

貧賤不可忘富貴安足羨足羨我生未三十種、巖

貧賤宦情眩九折老味金百鍊稍回功名心來結香
火願平生所知人久已焚筆硯是中無真寔不在儒
術緣有如退飛鷗更借送風便病妻頗癡絕可與共
開宴小女真吾兒語學春鳥囀初非本來有且作夢
中見居看手捉鼻絕勝扇障面他年從吾名同入隱
士傳

○寄外弟趙枏材仲

長年更多疾念爾不能忘夢去關山靜書來道里長
形骸且憔悴草木自蒼唐古縣踈還往微官絕黻揚
頗聞能吏事仍不廢文章客舍襄江下人家筑水傍

屢成千里目虛斷九回腸我老知無用身閑欲半藏
預愁章服裏仍怯簿書忙事業煩詩卷生涯在藥囊
得非嵇叔懶寧似次公狂野檜多鱗甲寒松半雪霜
高天一雁遠小徑百年荒每惜朱絲斷空懷素錦張
舊交渾潦倒此語更微茫欲判五斗米先尋百本桑
殘羹得共啜薄酒要同嘗匣裡出鳴劍眼中除昧糠
未容窺突與虛自倚門牆指點飛鴻路何人識故鄉
一本自野檜多鱗甲寒松半雪霜下云直須守歲
晚莫羨踏春陽夙受祖師印得遊夫子牆直言無
異理未學故多方必若除煩惑先能起仆僵君才

可辨此吾說未應亡匣裡得明鏡眼中除米糠高
天一雁遠小徑百年荒每惜朱絲斷空懷素錦張
馬難逢伯樂麟有遇鉏耨却倚摩天刃兼除治水
航舊交渾潦倒此語更微茫欲判五斗米先尋百
本桑永無南浦送頻受北風涼想弟眉宇好見兄
籌策良殘羹可共啜薄酒更同嘗龜勉初無害衰
遲却未妨時尋二三子同看億千場指點征鴻路
無人識故鄉

京師贈大有叔

尊酒相逢十載前綠髮紅顏俱少年尊酒相逢十載

後皮黃肉皺俱白首叔如鴻鵠但高飛姪似麕鼯更
深走南來行李初一逢長安舊第冰雪中閉門不識
故人面豪氣直欲輕元龍平生為道不為食少小所
期皆目擊何時相就過江南同訪曾遊舊泉石

寄蔡伯世

我恨不識鹿門公蔡公即心期千載同不隨吏部曹中
板去赴長蘆寺裡鍾

又

一坐十月長江濱自君之來心轉親還書起居清源
君人間紛々何足云

又

同行者誰平原孫於我不但骨肉親誰言不為莠花
去只愛江山亦可人

又

二子逃禪不計年江湖重去水粘天直饒透盡三閩
語到底終成百漏船

又

木魚光裡兩蒲團意氣與我平生歡盡底告君々不
會空得癡人尋筆端兩蒲團謂愚壁時諸人爭收壁書

寄范子

范郎平生萬人傑只今未免兒號寒三江五湖在胸
次琨玉清霜看筆端舊疾祇令肝肺熱春風欲開桃
李顏待約江南今夜月與渠萬里報平安

春風

春風隨長江一日行萬里蕭條起岷山歛忽度揚子
江南千酒樓春風樓上頭金樽開翠幄青帘吹客愁
長堤二月暖寒溪千古流紛紛桃李花處一作芳華
不見梁間燕空悲王謝家

聽琴

君不見龍門之下百尺桐漂霰飛雪愁寒空何年班

爾落君手小窗伴坐歌南風恍然如著山巖裏不知
身在塵埃中初聞平野飛鴻鵠歛聽金盤起珠玉逸
壇古樹鬱嵯峨六月吹霜作寒綠折楊黃花不須道
別鶴離鸞尚堪續君不見開元天子醉西都音聲十
院留歡娛當時臨軒奏此曲徑須解穢煩花奴乃知
恬淡世莫識無弦之趣何時已無歸家愁厭箏笛耳
此聲一聽還已矣會須流水訪鍾期試向爐中覓焦
尾

雨後

新花欲盡竹當欄喜見空牆野色團稚子乘陰蒔蘭

菊僕夫留水灌萬蔓茶香于汝初無分酒熟逢人也
強歡惱亂春光君會否小瓶猶占一枝殘

送山伯良佐東歸以務道期息塗為韵

荆棘生良心米鹽入塵務芬芳老不違豈不以此故
人生雖處囊穎末要立露玉壺近青蠅沒自點污
剗心萬物表却立看脫兔

臨別當一言懇念忠告縹囊可取足結徃萬古好
默識古則然愚智同一道遠師顏氏子近比伯業操
文章有妙斷期子開突與

吾詩如清風去留不可期灑然或一來不繫凡子知

兩即從我遊豈但窺藩籬山房光焰在實藉衆木枝
斯言可三復如我清風詩

昔我同學生文字虎而翼仲弟最多才志以六月息
自吾失若人每詩輒氣塞子如求教君慎莫怪蟲賊
胃懷但明了几案付塵黑

贈我貂襜褕報以明月珠古來聲名入一一行此塗
漢中屠沽兒適可曹公奴人生嗜好異至有海上夫
孰能識其然飽此萬卷書

河水清贈良佐兼寄商老

河水清江水黃南山北山自相望恨君不止白石房

與誰同遊南郡即白玉刻佩明月璫如鳳四海求其
凰道里遼遠日月長爽氣自足陵朝陽舉酒送君
莫忘

同晁季一李天紀過沈宗師北莊因成長韻
三年城南居不識城北土但聞玉雪即去作猿鶴主
今晨籃輿來握手相勞苦勝遊有佳士洗耳聽妙語
晴窓背雲壑落日在環堵晚風生白楊想像原野古
斷崖懸老木小港聚寒雨却觀城市人努力自焚煮
畏途出衽席禍福有未覩杜陵懷壯遊無忌笑豪舉
二者覓真是政恐君未許千秋柴桑翁妙句聊一吐

郵上祈雨

泥龍蜴蜥困追求旱遍淮南二十州寄語天公莫輕
許少留明月作中秋

清風

清風如君子所至有餘情忻然破煩溽有醉時一醒
嗟我二三友飄散秋葉零不知城南王何以識我名
欹斜左手字勞苦如平生會寫登樓賦一弔漳濱靈

學視

學視觀懸虱病耳聞鬪蟻紛然酬六鑿萬劫費楷洗
君看杯中蛇妄想從何起忽然一妙語初無強料理

回觀積年疾乃是一念使誰能明此心香山老君子
寄舍弟

殘暑墜空屋舊書穿破帷才蒙小雨潤遽得好風吹
逸少每作惡淵明常病羸他鄉憶君弟苦語自成詩

斷雲

斷雲西南來好風東北去翩然兩無心中忽相遇
化為一尺雪照我亭前路昔者甚可憐今來渺無處
故人多勸色留我不少住羈愁動中腸疾病增百慮
虛庭著明月皎々如積素不見乘鳶子空懷舊煙霧

○如臯道中

客路三日雨頗知袍袴單長河貫沃野薄酒動新寒
晚日魚蝦市秋風藜藿盤衰顏定可笑不必鏡中看



東萊先生詩集卷第五



呂本中居仁



○初去白沙再望路中江南諸山慨然有懷

青山如美人濃淡各有態挽之不肯來乃似孤竹隘
念無千里風限此一衣帶憂木與藩屏不畏炎日曬
三年白沙游藉尔寬眼界脫身塵垢中一笑終不壞
別君更舉酒未了清淨債雖無絲竹娛會有詩律快
何如少陵翁亦為杜鵑拜吾詩有餘歡此語君勿怪

赴濟陰留別一公

近別君莫嗟遠別君莫惜往來天壤間誰為不相識
十年幾相別日月虛棄擲見君長江口已作胡眼碧

別君廣陵城妙語推霹靂今別知幾時復念駒過隙
坐成千里阻當有片言益不勸君愛身不勸君強食
勸君以勇決萬事要努力愚夫之所欣智士之所戚
譬如醉而顛亦有傍震虩散色糾纏人萬劫困封植
本自驕墮生亦以因循得寔惟招侮慢豈止礙空寂
居然耳目內文務化勅適誰能深山中弄此無孔笛
芳草變蕭艾每為長太息如公定不然此語當謾憶
何妨膏腴地更論去荆棘君看一壺用亦有千金直

○五月五日泊舟非神與閔聖功唐克之李元
輔作別意殊惘然端午日行次洪澤把酒

眺望已如異世事矣因念屈大夫之死正
是此日慨然有感于心輒成長韻奉李民
師翁士時來可求和也

夢上蝴蝶飛水邊鷓鴣卧却望山陽城已若一夢過
今晨又端午把酒意欲墮風回浪撼船闌淺沙著柂
故人阻情話客子且清坐更念屈大夫是日遇奇禍
空餘後世名弟子只增些寶璐與明月皎：不受浣
固知汨羅沉可到首陽餓還書二三老此語君可和

贈唐克之兼簡益中

三年白沙看江山可當中原故人面今來千里逢故

人笑談却作江山見江山故人不相遠平生志願於
君滿唐侯獨立一代無張侯與之來集枯老松本自
歲寒外良馬不畏長途驅飢年百室仰粟廩暑路六
月懸冰壺念昔閔汪不相貸視世好爵如機械上書
索去不作難云我未了平生債後生少年延頸觀諸
公故人思一快基本未定天奪之賴有君侯教人在
龍媒已遠風馭回坐歎四海梁木摧爾來老謝又繼
往但覺眼界常塵埃長江無津出先怪迥野入夜開
風雷此語不誣君可驗請君更討防身劍

夜雨

夢短添惆悵更深轉寂寥如何今夜雨只是滴芭蕉

○出門見明月

出門見明月入門思故人故人如此月一見一回新
明月相見多故人相見少問爾何因緣長似此月好
故人在何處南北東西路明月在咫尺夜々庭前樹
明月莫虧缺故人莫離別願月如故人故人亦如月

庭前樹一作宿我庭前樹

○徃歲在白沙見江上徃來祠神者殺猪羊鵝

鴨日夕相屬也有感于心後至濟陰因成
長韻當托白沙故人授之廟前庶幾神少

知自戒乎

今日殺一羊明日殺一猪問神何所樂而必為此歟
羊死喋無聲猪死足號呼傷哉鴨與鵝閉目頸已朱
問神此何負神亦何所取吾知斯民愚非是神所許
江船一帆風江田一犁雨民或謝神勞尚使相告語
但采澗溪毛足以薦藿營何須汚刀几而後羞鼎俎
于物固無怨于神亦無苦但更令鳴：歌時送坎：
鼓

濟陰野次

去年騎馬古城西雨泥鞍鞵一尺泥今日重來轉無

緒強扶衰病遠河隄

毛彥謨容膝軒

黃金為樓玉為梯畫旗素錦生光輝不如一庵醉而
歸倒卧倒立無東西君才于用無不如宜會稽竹箭
梁山犀買而不售君不疑亦自不以為珍竒淵明妙
處君得之萬古一首歸來辭一庵容膝君所知不用
芥子藏須彌望風懷想三歸依眼前有睫見者誰世
人紛：不自治何異羊質蒙臯比見豺而戰忘其皮
牆頭燕雀莫謾肥汝不仰看鴻鵠飛伯夷去採西山
薇想渠瘦亦不勝衣不羨汝曹腰十圍

一本倒卧側立無東西下云小窗容膝君所知不
用芥子藏須彌君才于用無不宜醫無閤之珣玕
琪會稽竹箭梁山犀買而不售君不疑亦自不以
為珍奇淵明妙處君得之萬古一首歸來詞望風
懷想三歸依眼前有曉見者誰我生甚窮今則哀
何異羊質蒙鼻比見豺而戰忘其皮恨不與子歸
今時君生于書無不窺文字皆好尤長詩令我琢
句相追隨墻頭燕雀莫謾肥汝不仰看鴻鵠飛伯
夷去採西山薇想之渠瘦亦不勝衣不羨汝曹
腰十圍

濟陰寄故人

柳絮飛時與君別南樓把酒看新月：似當年離別
時柳絮隨君何處飛子書百書要相就思君不見令
人瘦念君情意只如新爾我形骸已非舊朝來有信
渡黃河雁足繫書多網羅城南城北芳草多明月如
此奈愁何

晁叔用得古鏡二一以遺法一上人澄澈可
愛底水隱然扇樓突起又作杯渡禪師像
翩然衣動正在中流間也一求記于予
因為作歌

晁即高居卧冰雪得此懸空兩秋月已將屋角倒懸
魁更與人間洗炎熱一月團圓如扇面一月菱花光
掣電憐君囊中一物無意欲分君託方便菱花入袖
世莫識空堂夜留疎雨滴天生室氣有期會復恐藏
去終無益君行萬里尋劍術山精喚君莫出寒泉
百尺傍枯樹狡兔九月投霜鶻未須滿謂苦哦詩或
自蘓公識神物下有禪和不笑人人須君一照蛟龍
窟

別離行

城頭草木日夜黃九月北風天雨霜月色入戶侵我

床美人乃在天一方舊游可樂不可忘恨君不隨雁
南翔恨妾魂守此空房曉風忽來吹夢長夢中與君
還故鄉黃金為屋玉為堂與君更笑億千場不須合
佩雙鴛鴦

李念七久不見過

不隨殘暑退青蠅入眼鷺塵漸可憎靜裏工夫君莫
厭夜窗重對短檠燈

又

羅襦襟解燭滅後唱雉鳴盧人散時願君莫忘默軒
老少小先蒙國士知

往年與閔止叔相別甬上止叔見勉學道甚

勤且曰無為專事文字間也及今五年矣

尚未有所就因作詩見志且以自警也

老閔別我時笑我勤苦甚曰吾與子然同此一味靜
 收功粥魚底筆墨有訛評五年念此語但見日月競
 雖無蛾眉斧亦有宴安鳩斯人今何往想作大樹蔭
 我走足欲留始學兩鳥喋君看齊叅謳何異眾哭臨
 繁紅成春條本自其天性風雨頌繫一作摧之不有十
 日盛人生亦作聊共未免此病乃知纒頭通已勝狗
 脚朕洞山會下有僧法空其宿命時有通上座者刻
 苦練行空以水照之知其前身為魏孝靖帝也

時泉中謂通為纒頭通云

六月初三日雨後步至城東

涼秋生郊原快雨灑庠伏曲肱訪幽睡朝夢不可續
 開門招此山爽氣滿嵩谷村蹊沒衰草古院蟠翠木
 東行得幽亭小徑未已契下有十里濠暑退萬荷綠
 恨無沽酒錢一醉起枵腹人生要快意豈止寄幽獨
 若看後地蛙聲韻故不俗移怡然供清歡何必絲與
 竹

得楊州書

書來每恨日月晚書去還憂道里長但得老親常健

東坡先生詩集
好不辭新歲且窮忙文章已受塵埃浣禪觀多為疾
病妨趁得殘春北歸否近真臨穎是吾鄉道里一作道路

○ 歸計未成作詩寄懷

萬里田園半有無十年歸夢阻江湖文章繆忝聲名
在氣體猶須藥餌扶客路因風起舟楫水田無雨卧
菰蒲青帘白酒斜陽外不與行人滿眼酷

閱舊詩卷有懷

好詩無過亦無功準擬還家贈阿宗會有江山與浦
袂且無塵土共欣容大江矯：雲間鶴老謝森：澗
底松回首百年俱一夢暮年文采更誰從且無一作畧無

高郵道中荷花極目平生所未見

綠淨紅深水不流炎天烈日自然秋只供野父已無
計便與行人亦暗投明月不來江北岸好山應在石
城頭何年得映潘妃步更放君王作意游

高郵遇大熱作

南風極炎暑赤日不可傍扁舟在地底淺水安得強
坐懷長河水未盡暍飲狀甚憎食案蠅意欲不相讓
早苗乾欲死蒲藕秋可望平生投筆手中有無盡藏
爾來但深藏穩著犢鼻上有如三年艾更復加百
壯黑雲翻日脚好雨終不放雷聲無事來殷：車

東坡先生詩集
百兩東街暴泥龍西街設銅像利害有不同未易相
得喪農夫責催租日夕困大杖那知清歌前把酒有
餘量

題孫廣伯主簿家壁

古木輪囷老歲寒好花無力便凋殘秋風只在盆池
上但作江湖萬里看

贈孫廣伯

人皆笑君拙我獨喜君直拙則世所無直則未易識
昔者中丞公事主以一德從容進退間多士所取則
朝廷九鼎重冠冕萬夫特塵埃困大路此老難難再

得至今門下士必以身許國孰知強努末而有百鈞
力賢孫後來秀見我好顏色收功却埽中欲任門內
責空拳入善陣匹馬見勅敵不嫌不識察但恨無此
獲欲赤莫如丹欲黑莫如墨吾常持此言以辨主
與賊苟無牛羊害則有天地塞君能但拙直亦莫忘
黑白

與吳迪吉諸人赴晁季一陳塘范園之遊因

成十韻

東風未寂寞頻枉故人車客舍輕寒下村煙宿雨餘
曉紅留隱映新綠上扶疎妙墨懸高榜殘章得舊書

即所謂白水蛟龍忽舒卷草木自清虛渺：登臨地
滿時从鶯下蛟龍忽舒卷草木自清虛渺：登臨地
悠、水竹居只今那復有本自不關渠塘水空遺廟
塘即陳元龍所開今鼉淙亦故墟唐武宗時所建寺
有元龍廟在此塘上鼉淙亦故墟唐武宗時所建寺
遠有鼉同同行喜佳士所到即吾廬政恐習池飲風流
為木害却未如

送晁季一罷官西歸

少年閱人若却傳漢廷公卿日千變故人一感便青
雲咫尺相逢不相見丈夫鬚髯但如戟黃塵沒馬渠
未識晁侯文采老不聞兩耳壁塞目為昏三年刺促
簿書裏更覺和氣生春溫誰能種蘭生九畹從公不

辭墮車蹙冰霜入眼蚊蚋去堯李成蹊草茅遠胃中
滄海無水旱眼底浮雲看舒卷頃來江上幾送迎聚
蚊成雷公不驚笙芋佛地不知曉公但寒窗延短檠
乃知風雨晝窈冥我亦不廢晨鷄鳴箕山之下潁水
邊脫冠便歸須壯年請公先尋買山錢我亦從今當
着鞭

侯羸

游士縱橫覆鬪手山東諸侯望闕走歷下那無郵使
來長城易水非燕有大梁賓客舊如雲夷門監者未
有聞謾將苦語送公子市井屠兒虛見存後來毫髮

東坡先生詩集
爭得喪紛、小兒驚跌宕不知世有公子年一生放
迹江海工

昭君

凍雲霾空風折木烏孫公主歌黃鵠昭君請自嫁單
于當時各倚顏如玉露鬢雲鬟胡地塵帳中誰是可
憐人左抱琵琶右揮手胡地漢宮能幾春嗚呼古來
出婦嫁鄉曲何曾肯望秦雲哭

戲呈外弟趙才仲

趙郎風味春月柳可到阮公青眼邊秋水黏天刷空
濶曉霜扶月作嬋娟北來好句傳新雁一夜客愁如

少年安得瓊枝更當眼沙頭同理釣魚船

城北別江予之

但覺與君別孰知興歸長亂畦分宿雨老木掛晨暉
新霜未許綠詩瘦只知如許忙他年風雨夜重約細
商量

訪晁季一

近人烏雀帚弟語堆案簿書鳧鷖行是中亦自有佳
趣公但徐之渠自忙西風忽來涼月曉楓葉蘆花秋
意少勸君多飲莫多談截斷中流公更參

吳君求詩因作四韻寄之昨簡小吳與甯

文字縛人同束濕吳君不言如坐忘知公胃中有餘
地萬頃亦在一華航寒梢倒掛夜來語細草已披秋
後霜寄語西吳兼小霁莫因詩律廢相望

古劍歌

寒江九月雷殷空落日倒射千山紅江頭樹木半傾
倒哀、不盡洪濤風、中有物如長戟電光忽來傾
霹靂雨晞晴開不復知乃是潛蛟倚長石蒼皮半卷
頗飛動澁蘚中開欲跳擲青瑩野火不絕水天矯長
煙轉空壁天生神物有時出歲月飄流為誰得銅花

欲盡秋水渾尚有千年妖血痕向來天地亦兒戲俄
頃變怪徒紛紜君不見豐城之來亦不久室氣何為
上牛斗

初夏即事

歌呼連墻亦任渠移門賓從又何如是日西鄰置晴
壻仰日卧紅藥野水趁船跳白魚多病日參蘊桶話
得閑時近養生書平生不盡幽居興付與長江拉溺
車

偶作

鄙夫養病苦不足諸公覓官常有餘自是閑人不更

事可隨雲鳥更深居

癸巳自南京過泗上

昔我往矣天欲霜今我來思梅已黃淮山深雪塵垢
直魚稻騷除藜藿腸好風肯伴客帆遠故國不辭歸
夢長塔中老人莫相笑我自寂然渠自忙

泗上贈楊吉老

杯中蛇去無恙醉裏詩成有神相逢不及世故長年
倍覺情親

又

置王坦之膝上着陳長史車中何似維摩文室蕭然

一榻清風

題寶應張氏草堂

好風殘暑不同途穩看飢蚊自掃除不謂南軒有佳
竹捲簾相對一牀書

學仙行

長松拂雲根合抱雪虐霜凌不相到下有千歲老茯苓
化為琥珀光自照食之便可登廣寒不但無病長
年少浮生溷濁那可言和氣乃為塵務煎坐看靈藥
置泥土五味雜置成薰羶豈不聞齊天子黃金丹成
不肯仙且貪人間樂不能從汝飛上天惜哉常即之

妙語一失毫釐千萬年

冬日訪朱潏明博士

北風迎馬入裘茸
米訪殘炉半日紅
敗屋數間書百
篋無人知是陸龜蒙

又

見公便是倚松老
念我不忘擔板心
萬里江山一尊
酒主人無古亦無今

東萊先生詩集卷五

東萊先生詩集卷第六

呂本中居仁

初別清源姑才仲弟過楚丘作

前村後村鳩亂鳴
梨花點雪柳半青
斷雲忽過楚丘
縣驟雨已見龍丘亭
故人愁緒各南北
宿酒別時同
醉醒語離情緒乃如此
故園可歸公不聽

宿楚丘懷石子植顏平仲趙才仲

暮行楚丘北
適與寒雨遇
旅舍一尺泥
又乏蜀秣費
故人渺天涯
客子初宿至
披衣附殘火
煮茗當晚饋
昏：傍晚枕悄
入清睡
向來談笑聲
已若異世事
但覺舌本間
尚有宿酒味
鴻鵠乘秋風
意在網羅外

強飯無多談此語敢失墜

發召伯埭

柳外鶉鳩相應鳴屋頭新月半輪生知公未便為官
去且放扁舟自在行

又

曉日烘窗不得眠夾河高柳亂鳴蟬西風種種入愁
思更有長亭十里船

余病不能蔬食惧有五味口爽之責作詩自

戒

君不如屈大夫夕餐但秋菊又不如顏平原未晝且

食粥雖知舌本欠滋味頗覺和氣實其腹癯人要盈
餘椒有八百斛錢有一百屋鼎俎澆腥羶杯盤眩紅
綠四方採珍異亦未極所欲寧知下箸處但有一飽
足坐償性命債百宛有未贖何如野僧飯晚菜下晚
粟撞鐘擊鼓坐高堂童奴唱飯未相續竹間新筍大
如椽樹頭老耳肥于肉亦不見蟹踪擾亦不見牛齧
棘石即愛惜非萍蓬晉侯睥睨熊蹯熟以此相重輕
于君未為福

南山

南山佳有餘我病不自得今日飲君家把酒到曛黑

秋風浩萬頃涼月掛江色對此不能歡何以消偏塞
人生少如意百語輸一默喜逢仁主人畧為解羈勒
歡然有餘味即此是溫克陽春內空洞隱如一敵國
世賢首陽餓我愛鄭朝穉却懷三年艾未盡一醉力
青蠅閨殘暑小雨頻敗北漸須把蟹螯莫計舟催抑
君看兒女笑終勝官事逼殘盃蓋餘滙慎勿貸雞肋
要看我知貞不獨觀酒德

與諸弟諸李同登塔山愚壁以事不能來因

成二絕

李家漾南江漫流幕阜山前春更愁無人肯會西來

意且作小詩盟白鷗

道人_不來花滿山蹇驢出沒松聲間待約江頭今夜
月與渠他日報平安

春日

春日紛々一段奇無言飛李任春欺要湏及契蘆灣
去莫看風吹雨打時

又

誰將舊日狂蜂蝶誤入春風飛李溪咫尺風光不相
貸無因乞與上天梯

即事

東坡先生詩集
經旬無客事亦少多病閉門身更輕我自不能知許
事暮江斜雨送蛙聲

和李二十七食蛙聽蛙

膏香未即輸鮭菜煎和真同食蛤蜊北人驚嘆不下
箸乞與韓公南食詩

又

莫驚用類多驚爆曾伴中郎鼓吹未今日屬官本渠
分晚江煙雨開池臺

題秦惇秀才園亭

秦郎重構水邊亭髣髴疎林過雨聲更喚清泉入屏

坐少留他日濯吾纓

別夜

薄酒殘燈欲別情暗螢依草不能明懸知先入他年
話一夜蛙聲連雨聲

寄題蘓州靈巖

水分西子採香徑山是吳王避暑宮可憐同來不同
賞落花飛絮曉濛

呈甘露印老

水滿南河月滿床市樓燈火隔秋江無人可會庵前
事一夜北風吹破窗

壁工人欲行為雨止戲成一絕用前韻

東風不借南舟便細雨輕寒鎖暮江更想亂山明日
路暮天風雨打舡窗

江口送壁上人

小雨浮江霜送秋曉山晴遠讀書樓道人不作當時
面萬里一帆隨白鷗

又

今日鉢囊南去人當時離句作新春更知自昔相逢
意定是他生骨肉親

送朱時發

眼底家鄉不自歸癡人爭認劫前灰直饒古廟香爐
去也要披毛帶角來

送甯子儀

洪波奔放不停塵萬劫茫茫寄此身畢竟無人會休
去滿堂枯木不能春

唐張瑄書記梁時婦人黃鼎因侯景亂沒北

齊為小校胡兒所虜生二子後附海舶歸

聞鼓角得岸乃知是會稽郡鼎先在梁許

嫁張固及歸固遣為剡令求與相見不可

乃遣令送之宣城鼎在齊時作秋風曲渡

東萊先生詩集
海時又作詩三章瑄書稱其辭淒怨自瑄
時已不傳

萬里秋江曲三章渡海詩絕 漢公主畧似蔡
文姬故國山河在荒城鼓角悲何如覓張固不
用憶胡兒

夜坐呈吳迪吉

伏暑不能早楚天頻復陰疾雷衝雨斷亂草接江
深舊圃可小摘老盆餘數斟明朝有傾倒相待沃
愁吟

與李天言諸人分題得之字

人生行樂耳此去復何之酒憶侯公聖月如京兆
眉未須誇敏捷或恐勝肥癡不作別離見却憂鬼
革知

訪秦氏北莊

午日城西路籃輿疑舊尋稻田疎野水草徑接秋
陰飯憶分盤玉書藏遺字金不須千里目枉費百
年心

喜才仲兄弟至偶成四十字

落日下喬木好風來暮舡徑思投轄飲復作對床
眠寂：驅愁外紛：着酒邊平生五經笥不直一

囊錢

春日

數畝幽畦滿小園
兒童無事亦嘲喧
水搖日影上簷
角風送花香來鼻^根
過病去只留花作伴
客來常久
應門城南 塵埃裏不惜春江一尺渾

甲午送甯子儀歸洛

異時從公游頗恨相得晚^{一作見}
同參長蘆禪共聽資
福板公今三年病我亦百事懶
春風廣陵城笑語有
未款嵩陽有歸^{一作贈}
路河水漸清暖豈無一言贈慰
此千里遠青松老 抱意不在俗眼豈如山上苗共

盡白日短一身隨藥囊
萬事付茗盞 爐烟裊晴窗
自足了遲緩奈何孔文舉
苦思坐客滿更知蕪門公遠
效稽中散舟行儻見念此語試三反

讀舊詩有感

但聞微雨響梧桐
不悟高樓盡日風
團扇向人仍有
意短繁于汝漸無功
候游兀 形骸外恐墮淵源雲
霧中刺攬飢腸供好句
為君常占一生窮

別後寄舍弟三十韻

還家日已短况此獨行情
客路三年別秋帆十日程
小船携手工斜柳縱篙撐岸失
乖龍蟄窟留素月瑩

東萊先生詩集
重回召伯埭虛住廣陵城破屋仍堅坐殘鷺只強鳴
江猶渺莽去草欲蔓延生水縮蛙蟄闕塲空霧雨橫
土風沾癘癘民俗混蠻荆豈識排門入兼無倒屣迎
好詩思共讀薄酒念同傾枕席煩團扇膏油乏短檠
可無道里念或恐夢兔驚惟昔交朋聚相期文字盟
筆頭傳活法胃次即圓成孔劍猶霄隸隋珠有夜明
英華仰前輩廊到諸卿敢計千金重嘗叨一字榮
因觀劍器舞復悞擔夫爭物固藏妙理世誰能獨亨
乾坤在蒼莽日月付崢嶸凜凜曹劉上客沈謝并
直須用款々未可笑平々有弟能知我他年肯過我

初非強點灼畧不廢訛評短句筌篔引長歌偏側行
力探加潤澤極取更經營徑就波瀾淘勿求益益清
吾哀足敵臧汝大不敬傾莫以東南路而無伊洛聲

記夜

殘暑薰炙入客夢不得長忽蒙千里跼慰此六尺牀
高梧舞清影上懸明月光初枕簟穩未厭塵土忙
中宵有臭虫其大如蝓蟻排闥觸屏帳怒欲凌空翔
熟視不得名但見兩翼張本州所不載尔雅所未詳
夏虫盛百族此物尤猖狂東窓不得睡幸無疾病妨
惜哉有知物點汚此微涼人生要更事美惡無不嘗

東坡先生詩集
悉除糞壤念預悟食服方去為千丈松凜然衝雪霜
慎勿學水滸置身籬落傍

夜坐

廣陵城中聽夜雨倒牀不眠向更鼓西風萬里卷長
河通與淮山洗塵土淮南米賤魚亦好敢復摧頽歎
羈旅重簾褰幕嬾相負細字寒灯且如許漫如尔雅
注虫魚更就篇章考齋古粗知俯首受寒餓未暇着
意尋豪舉冰頭有酒不敢飲况復閨門画眉媿故人
此去今幾時亦有文字相撐拄東明縣前濟陽路每
一夢至猶能數少年不憚道里遠平生未省別離苦

只今多病鬢已白尚能呼渠醉而舞田園未還君可
恨歲月漸晚吾何取飢虫逸壁不自聊爾獨何情促
機杼

寄唐充之二十韻

俗事自相促吾生常作難長河已萬折險路復千盤
坎壈深藏步岑嶽穩轉鞍誰知守擗散略不悞泥蟠
未學多乖謬微軀寔控搏小兒成項領烈士吐心肝
許下少文舉吳中無伯鸞直須識根柢始是極波瀾
念此欲誰語想公還自寬屢成長劍倚得洗夜虫酸
邂逅終年別殷勤一笑飲已除舌本強仍斷鼻端漫

直節郡公念高名四海間相期更無事所祝在加餐
晚日留殘雪春雷續淺寒欲行殊未必堅坐只長嘆
不厭道里遠敢辭裘褐單却尋三語掾重對兩蒲團
刺欲洗曾次先留倒筆端何須灞陵岸回首望長安

竹西亭

十年走塵土重上竹西亭草木新容態江山舊典刑
狂風掃毒暑落日伴疎星認取揚州路荒城一抹青
邵伯路中途御前網載末利花甚衆舟行
甚急不得細覘也又有小盆榴等皆精妙竒
靡之現因成二絕

花似細薇香似蘭已宜炎暑又宜寒心知合伴靈和
柳不許行人子細看

玉檜盆榴作隊來異香相趣不相猜從今閉向深宮
裏莫學江湖自在開

飲秦少方家

秦郎家畔一甌茶何處清涼不是家客子三杯玉泉
酒主人一曲浪淘沙

孫量臣約遊乾明借秦少方韻見贈復次韻

答之

睦州香火趙州茶走遍叢林不着家今日為公拈出

也兩橋人語是高沙僧問睦州如何是自己州云看香火去僧問趙州云喚云茶去

春晚郊居

柳外樓高綠半遮，傷心春色在天涯。
低迷簾幕家，雨淡蕩園林處。
花簷影已飛，新社燕水痕初沒。
去年沙地偏長者，無車轍掃地從教草徑斜。

外姊趙夫人智量一作諒以良人沒祝髮感歎

成詩

故人前去家累，為恨為憂未肯歸。
縱有青山可藏骨，却無紅淚與沾衣。
饒三笑汝參禪誤，是四憐渠祝髮非。
猶勝同儕二三子，枉隨秋草閉斜暉。

代贈

十年流落漫西東，想見謝家林下風。
晉邑自思藥孺子，魯儒空望叔孫通。
風花已分飄藩外，玉樹何情著土中。
縱有春稍堪寓目，却無人面與爭紅。

又代贈

略無歸夢遶湖湘，漫逐微陰出建章。
月裡寒珠一生露，鏡中衰鬢十年霜。
逢人莫唱相思調，閱世終無却老方。
想得扁舟北還路，斷雲衰草更斜陽。閱世一作處世

臨川王坦夫故從谿堂先生謝無逸學北行過廣陵見余意甚勤其行也作詩送之

王郎別我春已晚索我題詩敢辭懶讀書萬卷君所
聞只要躬行不相反聖人遺言凜可畏小事未免書
之簡衣冠瞻視有法則何獨文章要編刻譬如逆風
曳長艦竭力正在千夫挽君行念此須飽餐即是豁
堂句中眼無逸嘗有逆吳君
詩云問我句中眼

登淮南樓

樓上西風日脚斜樓前廣道更人家高林稍二變黃
葉細草重二冒白花薄酒尚堪澆舌本故人何事走
一作天涯蓬籠二繫南亭下乞與寒江整釣車

題淮上亭子

亭下長淮百尺深亭前雙樹老侵尋暮雲秋鴈且南
北浙壑荒園無古今露草欲隨霜草盡歸檣時度去
檣陰秋風未滿鱸魚興更有江湖萬里心

夏夜大雨呈若谷叔并晁叔用江子之一上
人

中庭電光垂四壁雨脚溜初如單車馳忽若萬馬驟
並牆不相語燈影照圭竇隴思共案樂日月不得又
叔能糠覈肥姪且藜藿瘦買田嵩穎間欲往今已後
旦夕呼晁江把酒且相就更煩一上人不語居坐右

贈一上人

細褥紗幮臥軟綾，豈知秋色到襄陵。飢烏乍定門、
樹寶塔新晴夜，燈晚菜聊充肉。一鬢殘杯才當飯，
三升平生積癩成。憍愞慚媿空房獨坐僧。

○久雨路絕賓客稀少，聞后土祠瓊花盛開，亦未果一往也。

卧聞更鼓濕不鳴，曉窗但有摧簷聲。雲橫不放山入，
坐風怒欲倒江衝。城東家酒熟，花爛漫折簡喚客留。
娉婷街頭泥潦一尺許，意雖欲往無由行。儒生活計
亦不惡，蒲圃堅坐到日落。映窓香穗觸凝塵，過眼文
書開病膜。明朝新晴有佳處，穩看小檻翻紅藥。無及

亭下一枝春，玉潔霜清未。廖廓閉門嬾出君，莫笑着
汝多愁。吾獨樂故人無事，倘能來為君試舉舒州杓。

同狼山印老早飯建隆遂登平山堂

塵埃障西風，草木被朝日。籃輿郭北門，未厭求亡疾。
僮奴嬾不進，頗復費呵叱。道人先我行，宴坐已一室。
殷勤勸客住，午飯當促膝。爐烟窓紙明，鳥語樹葉密。
却上平山堂，晚景更蕭瑟。澄江渺天際，妙句不容乞。
平生泉石念，固自有遺失。何能從兒曹，十事九不實。
茲游豈不快，此老固坦率。尚從文殊師，一往問摩詰。

舟行次靈壁二首

往來湖海一扁舟
汴水多情日自流
已去淮山三百里
主人無念客無憂

小市荒橋貫濁河
故人雖在懶誰何
只因遠地經過少
更覺新年坐卧多

已亥上元數同晁季一叔用清坐不出

北風凜冽吹后高
萬水夜作窮猿號
卧聽車馬赴塵土
愛此一室明秋毫
小炉著火晚收焰
短檠照坐寒無膏
主人忘言客亦懶
更煩赤脚送茗盃
子雲事業本清淨
維摩方丈常蕭散
出游苦畏今日鬧
歸坐略盡平生歎
自知衰病損剛腸
只要文書遮病眼
公能

却掃趨閑暇
渠自低頭費牽挽
明朝乘興尚能來
咫尺吾廬不嫌遠

寄李商老

黃塵車馬流金火
戰殘暑西風迎潮來
密雲復無雨江淮早已甚
映眼但塵土田疇雜蕪穢
草樹翳洲渚緬懷平生欲捐棄
各秦楚予言徧曾次到口不能吐
君非一臂舊此意復可許
青蠅暗藩溷有似嚇腐鼠
須君濟川手畧為虹蜺舉
念之不能眠清坐聽鳴櫓

晚至城南

來往城南路今年又作冬
荒林掛落日古寺疊疎鐘

職事日三出交游時一逢可憐河上水唯少莫山重

慶元己未校官黃汝嘉重脩

東萊先生詩集卷第六

東萊先生詩集卷第七

呂本中居仁

汴上作

不使西風便解維且留殘暑震餘威累々野水循河
下攝々榆蟲撲面飛五斗漫隨王績隱一裘聊待晏
嬰歸平生事業新詩在送與江南舊釣磯

初抵曹南四首

未辦歸山計一作臥病初無策今年學作官簿書妨好夢塵

土敗餘歡但有妻孥累初無肺腑寬從來畜鮭菜不

上八珍盤

久罷攝生術虛一作空歲種樹書病多詩輒廢秋到客

仍疎約帶何辭緩穿靴不暇徐猶勝策高足辛苦曳
長裾

併足經庭右寒裳入二隅時一作容著帽進雅稱折

腰趨燥吻應難濕殘杯莫強濡平生駟跋覽今日更

長途

往時汪博士勸我便歸休細雨簷花夜長江楓葉秋
欲行殊未必高卧恐無由感歎思亡友端居可沮流

作可只

言志

馮驩客傳舍彈鋏歌不已託身孟嘗君惟有一劍耳

何事食無魚何事出無輿先生猶有劍至我劍亦無
一來曹南郡優游聊自娛春風吹我衣春草生庭除
小便脍略轉晚髮手自梳仰面送歸雁低頭羨游魚
幸有薄酒浸漬滿腹書安時待天命吾心亦何如
長鉄莫漫彈何必憶吾廬

學道

學道如養氣寔病自除驗之寒暑中可見寔與虛
頽然覺志滿乃是氣有餘豈惟煖臍腹便足榮肌膚
但能嚴閤鍵百歲終不枯道苟明於心如馬得堅車
養以歲月久自然登坦途江河失風浪草莽成膏腴

熟視八荒中何物能勝予時來與消息吾自有卷舒
死生亦大笑汝急吾自徐捷行不為速曲行不為迂
一漚寓大海此物定有無誰能具此眼况望持其鬚
學有不精益遂至玉砥硤昔人中道立為汝指一隅
千言不知要徒自費吹噓所以李路勇不如顏氏愚
請子罷百慮一念回須臾忽然過事入此語當不誣

和趙承之

十月九日昏夢集職事向人如束濕看朱成碧有底
忙然箕煮豆相煎急長官抵几入門去小吏垂頭就
行立塵埃上下久可厭學問崢嶸老難入平生謬欲

師古人遇事始知吾不及正須眼底去涇渭便自胸
中無戟級丈夫蓋棺事則已破屋頽墻使誰葺要隨
歸雁刺天飛莫待枯魚過河泣

曹州後園夜行

本欲生稜夢不成城頭高下打三更月明如畫柳如
畫更向瑤池南岍行

風吹蒲葦叢三首

風吹蒲葦叢中有霜墮意美人天一涯行一作子初
夜至風吹蒲葦叢秋色日向晚美人何時來行子飢
未飯行子惜日月美人輕別離風吹蒲葦叢及時當

早歸

曹南試院懷向子諲兄弟兼呈張擴

大向金相玉為表小向堅車取長道閉門不見今幾
日塵埃滿城何時好病夫坐穩百不聞讀書晤人到
夜分朝來雨過涼氣足思與張侯同叩門

試院中作二首

客夢漸復續角聲寒更長踈籬擁殘月老木犯新霜
鬪繫身何恨馳驅汝自忙稍知詩有味復恐道相妨
諸生未下筆客子且安眠老覺文章退官憂簿領纏
短檠仍有味高枕自無緣但願無他苦今年如去年

擬古

西鄰有佳人開戶納明月：照衣上纓同心為誰結
此結今幾時未解心已折隔林聞搗練起坐更嗚咽
情人在萬里我獨音問缺不聞行路難但見思歸切
年來契闊久烈士或表節如何空床居初未見短闕
胡馬而越鳥本自無離別草搖新霜白秋送池水竭
君心有斷絕妾恨無盈歇

正月十五日試院中烹茶因閱溪碑

小爐方鼎蛙蚓鳴那知簾外東風驚亂雲初破盤鳳
影缺月半墮春江明已驅簿領出門去更洗肝肺令

愁醒大碑古字久寂寞高堂素壁空崢嶸坐看光焰
掃塵土便覺水霰臨窓屏文章浙絕生氣在妙句直
欲無蘭亭嶧山野火燒欲盡瘞鶴半在江中陵不知
此書更奇古反覆厭飲無譏許山精地神肯愛護至
今歐虞來乞灵要令石鼓舉吉日不必細字臨黃庭
生平訪古少如意對此自足忘經營世間兒女爭媚
好紙上姓名誰重輕邇來半月得堅坐一室當行十
里程南樓燈火漫明滅北里笙芋頻送迎儒生事業
了不惡故人浮沈吾嬾聽更闌更自取書讀喚起奴
僕尋短檠

試院夜坐

急雨翻燈夜不眠小床欹側似乘船平生萬事不如
意病後一身私自憐海中神山渺茫裏方外酒徒憔
悴邊本自無心覓餘地問公何苦愛逃禪

清都行

我昔謁帝白玉墀獨駕翠虬驂赤螭御風而行過日
圖遂登清都遊太微廣殿上建明月旗綴以列宿懸
雙蜺帝顧而嘆憐其癡寸田不治來何遲我拜稽首
心自疑世俗逼隘臣所知黜慢之故還無期後有美
人雲霧衣玉坐交映生光輝不必翠被綠珠璣祕文

玉簡手自持見我而笑揚蛾眉問我此去來何時握
手贈我藍田芝汝生甚良學則宜無自輕厭令神馳
一來人間今幾時比如夢覺不可追骨肉腥穢顏怩
怩北風吹寒霜露微想視倒景凌空飛却從帝居尋
玉妃為汝更賦無言詩

試院中呈工曹憲子澤教授張彥實

十日虛房罷送迎不知新雁已南征忍窮有味知詩
進處事無心覺輕殘葉入簾收薄暑破窓留月漏
微明知公坐穩無它念識我階前拄杖聲

寄知上

近有書來欲見尋扁舟南下已春深濁河遠貫長淮
水峽岬遙瞻寶塔臨揚子官游常落拓茂倫心事轉
崎嶇雲橫雪擁藍關路總是平生願學心

印纍

印纍：綬若：不如相逢一餉樂谷量牛馬斗量珠

餉

不如閉門細讀平生書居閑意氣或有餘利害毫髮
過不能以手援其軀風吹月明落我庭樹宿鳥夜驚
徐：飛去晝夜有程汝何不住前畏彈射後畏網羅
熟：鴻鵠雲霄可摩亦如人生如意少不如意多富
貴欲長保執斧不見柯印纍：如此宿鳥飛去何

曹南過五大河隄入城訪顏岐夷仲清談久之乃歸

春色不自惜落花如許愁晴天一望遠漕水十分流
每遠長隄去頻因好句留相隨覓季主不必資河侯
論極文章秘居蕪竹石幽和風落香燼晚日泛茶甌
壯節知無用諸儒誤見收江山亦在眼歲月忽忘憂
南郭今喪我長知仍倦遊漫成長韻律勝與小蠻謳
簿領憎頻過塵埃嬾再謀何須五湖口風雨轉船頭

雪夜政和六年

曹州城南三日雪半夜疾風吹石裂先生睡美喚不

聞不信衾幘冷如鐵病妻索火少聲韻稚子哦詩應
歌節殘書向人老可愛舊劍空在磨先缺未能去尋
泉石伴未用深藏狐兔穴新正已過今幾日歲事嬾
復從人說長江略無千里夢故人動有十年別相逢
一笑之艱阻所向端坐盛癡絕城中諸公不相棄時
有妙句扶衰拙頗知晴意在明日泥深不怕車轄折
便當脫帽過君家共放南窓看新月一杯凍酒君莫
辭預借矣 洗煩熱

曹南官舍書事

去歲頭已白今年眼復昏不憂窮事骨仍有病傷魂

酒薄如官冷年豐荷主恩空庭閑草木終未蒼乾坤

早出

早出火莫厭此心吾已灰嚴風逸月落曉氣決霜回
疾病衝寒怯衰遲畏事催忽之節去衰之事未
破壁詩猶在荒城菊半摧還家一樽酒思与故人開

寄江端太子之晃冲之叔用

往歲孟秋月我行東出関人煙眇一作歸路風雨轉
河彎別恨交游失心成木石頑有随妻子嘆無話烏
烏閑曩事空回首微官真一作強顏舊諳塵土逆頻
辱簿書頌日月勤憂庭闈寶阻艱自忘身常束時

得浹潺湲疾病衰猶活漂流老未還悞露未字癖虛

覺鬢毛斑苦語終難好一作燕辭漫不刑絕一作知

出意表敢復見顏間二子今懷璧群公時賜環寄書

常恨草雕句得無慳晚照雲千疊新涼月半弯相忘

同應瑞民自不歲茲薄技寧堪奏餘光或許攀何須

陽翟望咫尺是箕山一作相期下江海不敢厭荆蛮

肥馬健目就小舡除遠樹出頭角諸峯明鬢與辭

兩鶴行

西風引湖光上每月色亂化為兩白鶴飛來洞庭岸
洞庭無網羅兩鶴願為伴鳴声既清好羽翼又璀璨

一鶴飛上天以厭俗眼玩一鶴不能飛摧顏自悲歎
三年望絕壁念汝腸已斷昔既薄恩情今還恨霄漢
未忍學鷓鴣裁永一枝換

陵城歌曹州城北十里有陵城坡冢纍然即
定陶恭王丁傅陵也余往來過之傷嗟再三
因為作歌

北風吹沙秋草黃漢家故陵當路傍殘墓新隴趁風
雨狹徑小樹行牛羊當時王子朝未央飛燕姊弟承
寵光大榮已定回朝陽不知外家諸舅忙後來變化
尤猖狂佞賢賊莽分行歲豈知漢運中更長濟陽舍

中方赤光終亦變化隨飛揚何獨此地令人傷人主
觀此當自顧位高金多終此路君不見五陵佳氣且
如此更復何情說了傳

早至天寧寺即趙州受業院也

殘月曉未落疎星點寒林嚴車城南路先聞鐘磬音
道人迎我入共步重廊深瀾瓊施淨供水味雜海沆
蒲團近宿火不受塵埃侵欲求半日息籌領勤相尋
東堂老禪師枯木尚龍吟一轉庭前栢諸方疑至今
我生晚聞道所向足崎嶇謬傳無字印嘗恐力不任
淮海罷行後吾人多滯滯於焉一枕夢可見平生心

曹南寄親舊

淨名居士默無語
翰林子卿虛見尋
半世泥塗催老大
中年詩律費光陰
江湖每有同歸酒
尚初無獨飽心
三尺枯桐取煨燼
斷弦遺譜有知音

大雪不出寄陽程寧陵

簿書終歲忙
風雪一日靜
閉門近殘火
稍覺諸事勝
平生汗漫游
已負糜鹿性
微官不能歸
但見日月競
老人去已遠
我行復未定
訓言實在耳
無因問溫清
歸心止陽程
悲夢識新鄭
大女癡無比
有語多未聽
小女索乳啼
不雨窮屋稱
想喚添丁來
與汝相和應

低回坐兒曹
氣血安得盛
非無車馬心
未忍求捷徑
願自阻飢寒
疇能免訛評
諸郎何時逢
相作玉樹映
文章有活法
得與前古並
默念智與成
猶能愈吾病
與寧陵叔弟別後有懷兼寄趙才仲二首

一別又經月
欲來渾未期
寧知萬卷讀
難療十年飢
長物新添女
生涯舊有詩
更傷新况味
不報老親知
表弟今何在
中郎亦漫游
平生足艱阻
今日倍遲留
誤辱瓊瑤報
兼蒙札翰投
南憲五更月
常照別離愁

大雪不出

晶二日欲出
飈三風自橫
近階三尺雪
附火一杯羹

老樹春難別深簷烏欲鳴新春第三日堅坐若為情
自曹南至陽翟追懷江上舊遊呈叔弟

醉別白沙江上亭晚蟬高樹各秋聲風乘小艇危驚
進雨歷疎簷環珮鳴家事不隨王事了新愁常接舊
愁生只今疲病嫌鞍馬十日同居眼暫明

自陽翟至寧陵與虛己叔諸弟別還曹未久
知止復來偶成二十八字

綠遍牆頭楊柳枝小亭春盡阻歸期頭昏目暗無情
緒不比少年離別時

試院中作

職事侵人畏作官略偷身去不能還樹移午影重簾
靜門閉春風十日閑尚有文書遮病目却無塵土犯
衰顏故人何處蓬籠底看盡江南江北山

去冬試院中嘗作詩云衣敝蝨可拾髮垢櫛
不下披衣坐牆角尚有微火跨平生足拘窘
今日幸閑暇新文加點竄欲歇不能罷雖微
塵事妨頗畏俗子罵出門見諸老此語君可
畫今年復入試院職事多窘迫者簿書滿前
如赴蹈湯火也再次前韻

誰令君作官衮之簿書下誰令君不學陷穽乃欲跨

東坡先生詩集
一作欲 凌跨 緬懷北憲翁斯人蓋多暇田疇望家遠日月
已秋罷尚蒙諸公憐未至官長罵何時歸來圖更作
一段畫

雨後數與李仲輔兄弟往來且約十七日同
過士特因成長韻

鄰雞再三鳴不改風雨晦東裝向前塗恐與泥潦會
故人時一來共此一室內微言久已絕苦語或未遂
子生甚竒古却立有餘地舊從伯氏游則已聞令季
斯文倘未遠吾今尽憔悴相期無何鄉獲保清淨退
身稠人中着眼世事外山空倚巖石雪立老杉檜

往來相遇難更自少如意旦日過城南把酒公一醉

首夏二首

生平寡嗜欲頗願得少閑盡讀未見書徧尋雲外山
往來二十年昔者盟未寒妻子見驅迫低頭言作官
朝翻朱墨案暮對藜藿盤豈無一畝宮令汝得少安
向來棲息地苔竹奉餘歡何時二三子共駕牛車還
汝實江海人悞令塵土干舊遊在彷彿欲往當不難
但去眼界窄自然心地寬

空庭下疎箔樂此樹蔭美鳥聲相續來百種皆可喜
日長少文字俗事不到耳開窓畧頌夜月露欣

頗念閑居樂感歎投筆起吾家
髓還家治場圃喚我共料理會同江海去更欲附船
尾平生跨款段不敢廢鞭箠誰云馬中龍一日有萬
里卜鄰吾所知江是老兄弟一作深

我入骨



東萊先生詩集卷第七

東萊先生詩集卷第八



呂本中居仁



物生無榮賤悉是君所見相值有相違誰能滿吾願
田園棄荒蕪官居走郵傳誤尋文字盟秣馬當百戰
一飯或未飽逢人足嫌怨窮於投林猿窘若巢幕燕
思學少年子羽翼偷絢練百萬買纏頭千金奉娛宴
願為匣中玉不作秋後扇丈夫重許與正爾未為倦
絕糧有不死酒肉虛健羨古人馬伏波吾猶識君面
將去曾南連得江晁書因歎存歿諸友遂成

長韻

西風脫殘暑我病不自聊吏舍少還往亦復長蓬蒿
欣然脫帽去念此非一朝陽翟未遽往寧陵虛見招
初無食息地未免柴水勞故人數通書尚有江與吳
窮涂感節義俗耳受風騷向來相知人昔盛今寂寥
落日送汪謝荒山留老饒閑侯最傑立亦以膏自燒
後生有向子更盡兒女嬌出門天奪之不令上雲霄
坐看朋友淚未減春秋褒怪我但羸疾悞蒙風雨搖
日月費奔走文章勤琢雕會須領妻子更欲投吾曹
耆舊喚歸隱諸公憐久要劉丈器之及顏平仲何伯
恭韓秉則諸人皆相約為
一州之隱以便出同赴雜黍歸但守簞瓢相將訪雲
往還講習之益

山所至雜漁樵還當古渡口卧聽西江潮

精衛詩

西山有鳥其狀如鳥名曰精衛其名自呼精衛堙海
不堙不止問誰之報云帝之子帝子女娃往遊不還
精衛求之不敢有安海流不改汝堙不遷嘆哉精衛
志則可憐我昔讀書惟聖之求竭力從之以春及秋
老人宴居審吾之學惟時友朋日就雕琢聖言甚微
吾意則近之以識微退或有進三年于曹惟罪之恐
人雖甚厭子亦不勇舒其雲法其水子不與歸
而日有以豕羊在牢芻秣之戀烹庖及之抑又誰怨

予李日遠子道日疎有愧精衛其誰與居精衛之飛
不必戾天子之不如寧有智焉惟作與否愚智之擇
小人作詩惟一勸百

寧陵弟相送至南京因成四韻寄季一子之

叔用

白髮無端巧上頭鏡中顏狀不能羞要尋揚子一塵
地未用劉公百尺樓野竹連陰護蒼蘚暮雲生雨續
黃流秋風有信鱸魚在更約江晁共小舟

十一月一日步河堤上

簿書糾纏人欲出不自許老吏環我前更作附耳語

脫身上河堤頗似晝伏鼠河堤平如掌下有千歲土
夕陽歛殘照草木過寒雨遊魚著釣餌舟子快新煮
煮魚得放飯尚嘆行役苦江湖平生心歲月可逆數
故人書斷絕吾事有去取歸來討清尊妙句還一吐

○留侯

留侯下邳時豪氣或未除晚節欲輕舉效在黃石書
其書本無言一嘆三嗚呼彼公實天人識此鶴鳳雛
良田有蕪穢令子痛自鉏萬事不得已一身常晏如
袖手默無語四方瞻步趨不知隆準公果能知子無
小兒苟或輩下及崔浩徒謂能明子心此語亦已誣

不能處其知正足殺其軀所恨生已晚聖門無坦途
學不盡其才未免風俗驅詩書在煨燼子何不回車
試問禮之本更觀心地初莊生言欲當則緣于不得
留侯蓋庶幾于此韓非曰非知之難處知為難矣此
留侯与荀彧輩所以分也使其親受業于聖人蓋未
可量故安作此詩論其
人槩寔平昔所粗曉也

送韓摠乘則赴棣倅

公如玉壺冰見即離煩熱况當清秋懸更自貯霜月
中邊本無垢何處覓焚藝盛以百鍊鋼此亦不得折
初蒙一日款處有千里別扁舟轉青齊歲事當雨雪
遠行不羸糧已悟服食訣古來饕餮徒頗言一世傑

唾壺彼何知便為如意缺現其所用心舉不異鼠竊
首陽獨往人渠自飽薇蕨舉頭公一笑百慮無以絕
江源初濫觴未乃流不竭傷哉講上鷹一飽便飛掣

○ 讀秦碑

秦人跨九州欲以傳萬世立石名山旁往三章一作示
得意至今見遺刻字體甚雄異壯哉蒼蘚文未改回
屈勢風雨所侵蝕中有千丈氣巖如虬龍蟠深若鐵
石利餘威到山鬼謹守敢失墜漢魏能書人亦豈可
睥睨未能識藩籬何止趨姿媚初無一日雅但有三
舍避文章又奇古遷雄蓋苗裔現其所稱一作述肯

為尊者諱巧言未大失末乃為俗累嗚呼結繩前此
又誰與記君臣供無為垂拱天下治春秋紀日月大
易垂彖繫羸氏巖休息動以衡石許斯翁變古文程
邈分篆隸自此更滋蔓日以趨簡易馳驅千百年漫
有紙筆費誰能罷煩文盡掃著天外此書雖見存或
以少為貴持此槁木枝我亦無甚愧

次韻荅曹州同官兼簡范寥信中

好詩有味終難捨俗事無功莫羨渠
破曆屢翻深甕酒短檠時檢舊寤書
何年雞黍先投社是處田園可結廬
更請二公搜好句一身苛癢要爬梳

龔彥承現軒

愛山不能歸常恐山怪責終歲在行役
感動頭已白高秋強僮僕路過龔掾宅
蒙君開南軒除我眼界窄白波遠青嶂
彷彿見顏色江上飛來峰卻立對君側
蕭蕭蒲葦叢不受塵土隔知君有竒趣
笑我常偈仄人生無窮已得一乃願百
床頭貯美酒窓下著好客請公但默然
歲晚當有獲

畫馬圖

平沙遠草春未生萬馬夜起爭悲鳴
秋雲欲墜一作都護壘急雪暗下屯田營
胡人却走畏深入漢家飛

將已雲集此時一馬直一作萬錢隴右河湟更供給
邊塵淨盡今百年萬馬潦倒西風前天生駿骨倒殲
阻是處雕鞍蒙受憐君家九幅開新帳歛見騾囊華
堂上長鞭不用羈絡遠霧縠雲羅倚惆悵高旌嬾
霜露微首宿得雨連山肥同時戰士今不歸曹霸弟
子能神奇毫端妙處君得之駕駘往來空爾為

堤上

落花吹盡不堪憂只見河堤水漫流晚日強穿城北
市春風猶駐驛南樓妻孥轉覺為身累歲月終難望
汝苗萬里長江一尊酒故人何處倚扁舟

將赴海陵出京治汴覓舟候送客不至遂行

子行殊未來我馬已再秣略投故人飯苦嚴從者聒
長河見舟楫尚恐塵事奪風翻蟬急噪雨漱岸欲耽
南山已在眼想望淮水闊別離古所重况在交友末
翩然欲行際所寄一短褐路長書來稀何以慰飢渴
四月二十二日出城至子我家候子之民師不至因簡商丈壯與夷行伯野季一由中諸公
○京師新鄭與諸昆兄弟往還前後數詩

夜語不嫌久凜然天欲秋客燈吹屢滅細雨落還休
未許金張並虛為鄴杜遊江湖少歸夢知為故人留
我髮日已短公愁安得長牆根春薺老瓶水臘梅香

侍立無天女相隨有漫郎平生湖海興今夜宿連林
髮短各已白。眼昏誰復明。殘春新花柳。晚日閉柴荆。
潦倒書常廢。驅馳夢或驚。尚於團聚樂。雖老未忘情。
今弟窮顏燭。書生老仲舒。相招得共處。何往更安居。
歲月塵埃外。桑麻雨露餘。送行無別物。比上一編書。
苦語相留極。虛床會宿頻。山東今出相。海內不無人。
婦女能尊客。兒童不厭貧。長途有知遇。今日倍情親。
本中將為海陵之行。念當復與子之作別意。
殊憤。偶得兩詩。上呈并告送與壯輿叔用
也。

斯人如玉雪可愛不可忘。助以濯滄海亦復閱餘光。
今茲因塵土更伴衆翼翔。時來喚我語共此一榻涼。
春秋有體制子蓋能文章。要當纂微言不以近故妨。
粲然東園花不登葵藿塲。

老僕倦日長羸馬困道遠東行數日間尚欲一再款。
我能喻子意子亦識我嬾追懷十年遊僅得一笑莞。
時能煮湯餅更復下茗盃。晁即本京邑劉子蓋楚產。
江山兩秀異與子日在眼。南風動歸興感慨毛髮短。
相尋倘有口歲月亦未晚。

○鴈

鴈從何方來云自燕趙北今當何所往暖日近賜谷
寒雲墮江漢未見所棲宿朝憂稻梁少莫畏置網逐
惜哉還往頻愈覺歲月促悔不近藩籬隨群伴雞鶩
羽翰何必好志願亦易足物生有高下終恐最摧伏
公看滄海頭萬里飛鴻鵠

赴海陵行次寶應

一作過
白田

半升濁酒試尊羹賤買魚蝦已厭烹淺水依蒲有船
過淡烟籠月更人行交遊潦倒腸先折疾病侵陵涕
自橫北望中原一一作幾千里故人誰復喚歸耕

海陵雜興八首

四海今誰託飄然未有歸先生作詩瘦稚子食言肥
未忍螢枯死甘隨鷓退飛故人取堅坐不為賦無衣
相見各已老壯懷如昔然蛟龍夜改穴風雨暗移船
把酒猶堪醉逢人嬾問禪還家有餘地留我買山錢
諸老今無恙秋來數寄聲尚能無事飲猶勝不平鳴
行李虛長銖生涯共短檠江湖日在眼恐負白鷗盟
荒城足風雨今日更新冬草木山嵐暗人家水影重
漫看文字過時有簿書逢目極橫塘路西樓聞暮鐘
曾子不復見斯人絕可憐夢回千嶂裡氣奪萬夫前
異日文章社平生香火緣高樓更南望霜露路一作倚

江天

時曾元似
新物故

萬事不如意自然添白鬚極知少餘韻何敢嚴窮途
土俗尊魚婢生涯欠木奴東行見李白誰為致區區
空山鶴夜鳴海風令人驚對月且愁思看書終眼明
斗酒不為薄客帆那計程猶憐它夜雨曾作打窓聲
輕帆載曉月和夢到一作揚州木落山光寺江橫北
固樓漫拋三徑隱虛有十年遊尚勝劉師命才因越
女留

往來送迎城南道中二絕

破裘重補却勝寒暗減頭圍覺帽寬數頃桑麻遠城

路每隨妓更去迎官

海氣如煙跨市樓北風連夜舞

一作雨

梧楸平生事業

難牽強坐守寒燈聽聒囚

家叔舍弟與黎介然會于符離因用兩絕奉

寄

漫約同歸久未償只今雨滯各它鄉春風有信勤歸
鴈夜雨何時復對床

老覺為官百不宜故人雖在鬢如絲遙知再踏回遊
地更想汪饒曳杖時

余昔與介然德桑
信民同寓符離

病中夜聞雪作時克明有廣陵之行未歸思

為數語奉寄久之未就它日堯明歸携詩相
過飄然有馭風凌雲之氣因以前詩答之

公方它山行我此一室病擁爐聽夜雪若與風勢競
蕭條中疑休狼籍久未定平明望屋瓦入我眼界靜
所恨子猷遠無復肯乘興想當巖壑間玉立與輝映
時來有傑句遂入風雅正寒威固深避草木自溫清
公家鶴鬢翁韻與羲皇並流風及遠孫筆力如此勁
彫績或過眼惟我乃弗稱新春上河堤梅柳當歷聘
過從不厭數荒疇取微徑

次韻堯明貢院詩

忍窮不能歸強飯亦良計東風頻報春草木可次第

厭為龍頭縮寧作龜尾曳從來翰墨場一作文 一即作

乃有聞見滯譬如已耕一作田更欲深種蕪或蒙鹵

莽報未肯一作忍即弃置不聞太倉粟亦一作校毫髮

細王卿固倦遊穢濁有一作蟬蛻一作聲名動時人一作流

我寔託末契泥塗倒屐蓋塵埃一作滿一作衣袂要為無

用之乃作不事之下馬一作重尋舊戰場午日在庭庇一作

砌向來槁木枝忽有紅綠綴來非偶然一作往去一作亦

無所詣聚蚊著甌中得一作忽聽此鶴唳窓前一作有

餘馥勝韻入松桂扁舟下淮南閭里思少憇孰觀昔

所歷請与居士戲江湖要全歸不假木蘭柁一作万

戲滄浪要全歸
更整它日世

海陵夜作

夜長夜長天復霜海陵城中今夜長夜長夜長冬向

晚一作天寒堦無人看月滿一作海陵城中今夜短路長一作遠

家遠來信稀水闊山深歸夢短一作堂上書生頭已

白朔方健兒十年客想渠當此夜長時撫劍雖長酒

杯窄明妃愛惜漢宮衣烏孫公主終不歸戚姬去視

鴻鵠舉更為君王作楚舞當此夜誰送迎此月還一作

亦如今夜明夜長夜短公莫厭寒即重裘熱須簟夜

長夜短公莫憂多憂多厭公白頭

東萊先生詩集卷八

東萊先生詩集卷第九

呂本中居仁

秋夜行

八月九月啼寒螿十月北風天
雨霜客游無聊思故鄉書來不來空
斷腸鴻飛何為滿夕陽舉頭攬取明月
光置我堂上方天林蒲酌玉杯碧淋浪
喚取姮娥來共嘗人間歡樂壽命長不
須辛苦老柱傍

臘梅

學得漢宮粧偷傳半額黃不持供俗鼻
愈更覺清香

牧牛兒

牧牛兒放牛莫放澗水西澗水流急
牛苦飢放牛只

放青草畔牛卧得草兒亦嬾兒嬾隨牛莫著鞭幾年
力作無荒田雨調風順租稅了兒但放牛相對眠

○洞庭

嘗聞洞庭湖秋至清皎潔往來八百里長風駕明月
中有仙人居容顏若水雪我願從之游問渠傳寶訣
脫冠養霞佩長與塵世別

細雨

細雨不成雪北風來解紛冥々小江樹漠々暮空雲
誰惜江東弟今脩地下文西齊千萬里遺恨不堪聞

王陽

王陽作黃金才了車馬費苦身邀聲名未免遺俗累
何如陶淵明蕭散塵世外公田二頃餘覓酒償一醉
高風久寂莫斯文若疣贅白眼看世人此意渠不會

題趙丞瑞薏苡圖

甘泉殿中芝九莖不与百草同條生當時祥瑞已稠
疊薏苡亦未來爭衡漢星皇不容矍鑠翁此物不与明
珠同尔來万物更变化薏苡寧甘死荒野放遣根苗
霜雪白烟若微月來清夜趙郎好事古亦無俯拾旁
觀盡圖畫之師不辭粉繪費過時亦得千金價君不
見古來異瑞与奇祥何曾不致南宮下

即事

清陰庭中槐綠潤牆外草職事苦見妨令人惡懷抱
朋從多飄從今我獨枯槁高林書數帙時節豈不好
不能逐爾云但覺歸思浩人情便久習世態嫌衰老
閉門了殘詩昔者跡已掃何時北窓風清尊為君倒

寄晁以道

朝辭陘山清莫宿賴水綠往來百里間得此意已足
吾人少如願夫子更絕俗閉門觀易象未用傷局促
使我三日留共此一室獨皎如嶺頭月凜若霜後竹
欲為斯文壽以作學者福洛陽佳少年撫事多慟哭

此其於聖學何異狗尾續寧知草玄翁万事不掛目
深湛而雅澹亦不在反覆吾祖早聞道晚與夫子熟
相期千載外未得一世伏深山竄鼯鼯晚日度鴻鵠
誰能從公遊歲月如轉燭

轎上二首

城北城南柳絮飛街東街西鶉鴉啼海陵三月與春
別一夜雨成三尺泥

風雨屬連春事休日九日城頭雖無俗物敗人
意可使澄江消客愁

次韻遜叔直門見寄兼請堯明全和

紛、塵土計秋豪忽送長江八月濤陶令且為州祭
酒鄧公才可掾功曹但看秋到猶締綌即是花時合
緼袍待得公歸吾已老滿田菘蓼與誰媪蒿字全豪
字韻收

再和蕪寄奉符大有叔

血氣侵凌不復豪往來敬倒似乘濤寧知嬾過嵇中
散亦有詩如謝法曹蕪藁只攝供醬瓿故人相贈有
緼袍兗州賓主同風味惡句煩公更一媪

雨後至城外

日、思歸未就歸只今行露已沾衣江村過雨蓬麻
亂野水連天鶴鶴飛塵務却嫌經意少故人新更得

書稀鹿門縱隱猶多事苦向人前說是非

龐公

卧龍雛鳳不曾閑舉世皆危子獨安應念橋公無特
操晚持情話向曹瞞

衛青

將軍相繼出天山漢主吞胡意未闌本自無心接賓
客故人猶有一任安

雜詩三首

烹葵去玉畿剝棗在海角歲序忽已周月亦頻告朔
向來手中扇今此已倦捉尚嫌簿領繁不厭朋友數

塵埃向奔走文字費彫琢途人有前知子乃獨未覺
出門見大路夫子焉不學

結髮在簡編俗事方刺促往來三十年未見可棲宿
微官不能去尚恐遭逼逐歸棲則在念所望一枝足
頻蒙故人悞豈有鄰可 出門雖無車徑自騎黃鵠
重尋置錐地青燈一盂粥

飢蚊青而花怒目虬兩鬚黃昏與我遇且復少踟躕
肌膚恣啖齧熟視不可毆中宵盛徒黨意氣若有餘
傷哉陷穿虎有時被囚拘求食至搖尾曾此蚊不知
雲龍困蝼蟻此語不可誣

秋日三首

諸卿談笑賞先登我欲從之病不能門閉日長公事

少祗一作却疑身是住庵僧

塵滿文書燈暗檠荒城相望 殘更莫言愁罷無佳

處睡正熟時聞雨聲

往來奔走一作馳驅看渠忙疾病低回却未妨喚客不須

嫌酒惡隔牆時喜送橙香

橙二首

西風吹鴈欲斜行小檻寒花却未香
將謂諸公頻載酒枉留橙菊十分黃

不辭玉露著新行漫作人間徹骨香知道輸棊償舊
約故雨殘菊一時黃

寄京師親舊

屋頭橙實如李梅庭下葵花深覆盆豆田失雨不稱
意野菊出苗虛見猜故人相望一尊酒問我此往何
時回江山空自污敲扑筆硯洗復生塵埃交情自惜
少同調人事只今多好希欲隨明月覓公處限以白
浪搖長淮舟楫誤逢蛟鱷橫歲月苦遭霜露催側身
西望莫回首堂上書生心已灰

和成士鼓鹿女泉詩

成子東游十日程駝裘顛倒帽歌傾新詩頃數神仙
事病耳忽聞京洛聲去住閑一作經幾塵刹往來一作
還相望一牛鳴再尋六月山前路分我寒泉數勺清

春申君

少年談笑解秦兵便欲連從却未成莫謂江東可保
長暮年無意引朱英

秋日三首

罷馬厭鞭策征一作飢鴻思稻梁終年在泥土永路困
風霜慎勿鞍韉愛直須增繳防吾衰亦一作側已甚念
爾不能忘

交將大半死吾亦老相侵古木十圍大寒泉百尺深
恨猶能切骨愁或至傷心寄語南飛鴈君無笑苦吟
獄掾酸寒極官曹冗長催真同鶴久住不學雁輕回
婦女能相笑兒童思見猜猶憐舊耆老時有一書來
和成士毅海安道中見寄

成侯老更嬾處世一虛舟暫脫塵埃夢還尋江海秋
從來仙聖宅不數鳳麟洲有意相隨否因公更一游

送虞澹季然之官京師

車如雞栖馬如狗勸君莫笑循墻走車如流水馬如
龍不如還家行御風以尻為輪神為馬世人計出車

馬下出門險阻道里遠只今誰是能行者海陵事劇
俸則薄得公相從亦不惡小吏相欺官長怒我自作
煩公笑樂庾公故是豐年玉道兒更自見不足浙崖
獨立老松栢青天何處飛鴻鵠汴堤六月塵自障請
公登高更南望馬煩車急早歸來且從夫子濠梁上
獨立一作百丈
何處一作万里

海陵病中一作寄劉器之五首

病知前路資糧少老覺平生事業非無數青山隔滄
海一作海與誰同往却同歸

先生高卧了殘冬我亦年來不諱窮夜半打窻人不

會滿天風雨角聲中

客荐歷々都如夢身事悠々略似僧只麼隨緣作官
不知從古更誰曾

往來車馬鬧泥途一空蕭然百事無語默二途俱不

涉一作本自無不勞辛苦對文殊

久一作龜諳罷臥嬾呼醫刺讀文書不療飢數有故人

來問疾更煩著舊與傳詩

次韻李叔友賀堯明登第叔友丹陽人也未
中得其人之詳於王堯明恨未之識也堯明
擢第叔友作詩賀之堯明令繼作既喜叔友

能不安許可又嘉堯明進退取舍皆中乎道
也三首

柴桑無復陶元亮谷口虛傳鄭子真二子風流知有
在且留餘味及吾人

澄江雖近不容親亦是人間可喜人枯木巖前有岐
路一杯濁酒自成春

二子深居筆吐虹從來氣節萬夫雄欲知聖主求賢
意不為相如詞賦工

次韻堯明見和因及李蕭遠五詩

小閣才堪置一牀病軀雖在鬢蒼浪隨身行李無長

劍猶勝堆錢與窟郎

交捋潦倒漫虛名悞結它生文字盟踏盡塵埃公莫
厭不應因酒愛江清

文人飄散各窮途諸老交情却未踈賴有清詩在書
案時時翻讀伴更初

萬里星河指顧間此中何自著江山精金百鍊終無
用才與佳人照一作照指鑲

阮公遊宦喜東平賀監從來憶四明但得從容飽麤
糲不須辛苦辦青鯖

西歸舟中懷通泰諸君

一雙一隻路旁埃乍有乍無天際星亂葉入船使破
衲疾風吹水擁枯萍山林何謝難方駕詩語曹劉可
乞靈酒盃茶甌俱不散為公醉倒為公醒

寄馬巨濟察院時監泰州酒得宮祠歸南京
新春款南園積雨寒不歇起望海陵城幸未還往缺
聞公得安還未放車軌折毫端倒江海曾次湛明月
東風片帆來乃復為此別田園到荒蕪歲事有曲折
不見南山松高卧擁霜雪鬢鬢凜可畏此豈念容悅
願公考其然一向鼻頭說

寄趙十弟

十年流落各西東再見初非舊阿蒙晉邑自思樂孺
子魯儒空望叔孫通官情潦倒三荒徑世味衰顏一
禿翁石室度籌吾豈敢且看鮮健勝龐公

叔度季明學問甚勤而求於余甚重其持
有所成也因作兩詩寄之

兩章後來秀頭角固嶄然但語強弩末不爭駑馬先
寓言有十九曲礼至三千所要在守節未言能與權
世之學者忘迎而趨遠忽近而升高虛詞大言行不
適實雖始就學則先賢言必不信行必不果違節
行由仁義行而不信言必信行必果守節共學行
仁義之為先務也故脩其身荒唐繆悠之說施之于
事則顛倒博亂
而卒無所正也

念我少年日結交皆老蒼曹南見顏石角上拜饒汪
顏平仲石子值
汪信民饒德操
敢幸江海浸得霑藜藿腸諸郎但勉
力餘事及文章

與季宏子植同過信中飲薜荔亭下夜分乃
散別後奉懷遂成長韻

殘花無言卧風雨小亭寂莫延初暑范侯置酒呼我
來共坐堦前洗塵土坐間問有李與韓文字崢嶸各
竒古起卧逡巡失極杓笑語瀾翻雜歌舞滿城車馬
鬧侵淫誰解墻陰著樽俎薜荔扶疎出枝葉老氣橫
空君一吐人生此會不可常昔者各在天一方簿書

東萊先生詩集
相急如探湯好風吹我來君旁鶯啼燕乳各自忙
明日酒醴空新腸

秋日呈顏夷仲

老去身已衰事過意愈嬾斯人未寂寞吾此歸亦晚
踈籬帶落葉秋色忽已滿西窗可久皆喚婦同茗盃
舊讀無新功亦復費編纂凝塵亂朱墨妙句折編簡
往者荷蓀翁寔具世外眼不能與之將只有興盡返
曹南二三老夙昔荷推挽平生萬卷書未盡一日款
微詞絕端非自怪識者罕願聞片言佳庶用收褊短

謝任伯夫人挽詩

幽蘭在深山無人終自芳豈伊桃李顏取媚少年場
高氏有替德奕世被輝光自其父祖來低首不肯昂
夫人生既賢宜止閨秀房出身事夫子和鳴更鏘々
笙鏞列兩序圭幣羅中堂去何去日遠遂棄陵風翔
伋也奉慈訓持見久必昌瞻彼汝南路松柏泣新霜
凄然馬鬣封千歲終不亡

贈筆工安伋

昔人三年學屠龍技成不試身已窮安生不願泮泮
封嗜好乃與屠龍同使世淬礪磨其鋒側出逆曳求
新功伋也中立無適從隨所欲用吾能供歛溪亭石

南山松四方万里時一逢病夫乍開百念空敗毫破
管塵埃蒙明窓淨几聊從容恨無列宿羅心肯使汝
得見文章公展卷略書吾已慵

寄共城賈秀才

萬里歸來四壁空
舊游渾在默然中
明年我欲江南去
何處留詩可寄公

題大名官舍

宿昔尚殘暑晚風吹欲無
不知留此住更白幾莖鬚

東萊先生詩集卷第九

東萊先生詩集卷第十

呂本中居仁

離行在即事三首

昏且黃。裏經營。榻清看人長塵尾。讓我短燈檠。
舊友分窮達斯文鼎重輕。邊聲授明主禮樂謝諸生。
漂泊留旁郡煩人久厚顏強求微祿去未得故鄉還。
驛騎隨朝發舟師語夜聞到家傳一夢歸。山
客况多堪笑歸舟靜擁衾轉喉常觸諱對面即論心。
外物家無有園居念本深妻

廬陵相遇同 金液

掃地樗 陰

金馬 一朝陽

充翁未着

四海老子隨可惜

相勉各哀年省事

固根本過可

元氣日憊虧

次韻

詩

舊傳柳實來瓊州

楚萍出中流

護

送海若亦恐

神羞當時荔子寵妃子一日紅塵歸

帝里弃指碩果人不食正音鏗鏘不入耳勿啖砵礪

老罇壺中含瓊鼎碧琳腴聖門貌取夫子羽底事端

可銘璠璣新詩應欲泄感意更復誇談作真賜閱人

如此慎勿欺我

與君請世事

閑居

風土僮人住依樓縣令尊摘山春晚苦汲澗雨餘渾
白日供高枕生涯付小園時來携白鑿種藥兩三根

冬日雜詩

白日供多病青山且舊居柴門臨水靜風葉舞霜餘
老練時情熱貧家計踈墻東端可望矣皆飽翻書

春景晴乃暝寒江曉不波雲山明客眼風露淨林柯
紫塞傳烽急黃池帶劍蒼生好蘇息天意定如何

苦雨

雨添東澗連西澗雲斷前山起後山野水到門人去
盡昏煙迷樹鳥飛還江天日月渾無色客路風埃只
強顏舞石至今隨燕乳裁詩不復哭龍慳

題宮使趙樞密獨往亭

謝公為時出四海正仰渠雅志在東山本末固不渝
符堅百萬師一掃談笑餘今公抱長策豈止安石徒
平生獨往願結亭山一隅躋板上脩竹已自勝巾車
舉手謝世人不與汝同途出佐明天子意欲無強胡
行當復中原即日還舊都豈容思昔隱更作深山居
小人病無能悞入承明廬朝夕接効歸為公先掃除

申端應詩

避亂久去國遠游將抱孫氛埃到湖嶠愁嘆滿乾坤
氣力吾先老風流子獨存相逢能少駐重為倒餘尊

○丁酉冬江上驚報

京路蕭條信不通胡塵尚欲競南風三年避地身多
病万里携琴囊屨空天際每垂憂國淚日邊誰了濟
時功宣王自是中興主會見鑿輿返故宮

高安道中有懷李彤

寒起溪邊蘆荻風霜林病葉未全紅鴈隨雲落斜陽
外舟傍山行晚照中極目開愁二欲絕滿川離恨三

無窮天涯更送親朋去尊酒何時得再全

游陽山廣陵寺

汴流蕩槩到陽山寺在雲山縹緲間雨洗竹萌穿野
岸風吹榕葉落荒灣僧眠白日鍾聲靜花送青春鳥
語閑留醉嶺南無所恨不妨蠟屐恣躋攀

自陽山還連州

雨後輕裘寒尚侵杖藜終日共登臨水聲不似風聲
急山色何如草色深万疊殘雲渡晚照千章古木發
新陰飄零未忍踈杯酌欲醉醜嫌酒滿斟

○柳州開元寺夏雨

風雨脩々似晚秋鴉歸門掩伴僧幽雲深不見千巖
秀水漲初聞万壑流鍾喚夢回空悵望人傳書倒竟
沉浮面如田字非吾相莫羨班超封列侯

寄雲門山僧宗杲

隨堤河畔別支公目斷霜天數鴻去歲月崢嶸如許
久江湖漂泊略相同無窮烟草夕陽外不尽雲山秋
色中寄語只今能見憶書來莫遣太匆匆

懷從弟

折柳長亭今幾年一行作吏楚江邊音書頓逐歸鴻
斷消息時因過客傳五嶺風溫吹瘴雨九疑雲濕卷

東坡先生詩集
愁烟每吟春草池塘句尚想詩成夢惠連

柳州謁義帝陵廟

浙之寒聲未落霜蒲庭殘葉不勝黃
墻頭雨帶煙悲冢廬冷風飄
香脩墓尚應懷楚德入闕猶恐快
秦王追思往事空垂淚無限傷心對夕陽

桂陽鹿頭山寺次壁間韻

霜過雨不勝寒木落重見遠山風捲沈浮橫浦
外鳥飛明滅夕陽間頽肩道永方南去
跼足何時得北還杖屨登臨共回首自憐五澤入荒蠻

同諸人再登鹿頭山再次前韻

梅梢風動勒花寒淡烟橫天際山顧我未能超物
外因君聊尔出雲間水聲不逐鐘聲歇林影常隨塔
影還異日同歸嵩少路即將詩卷語南蠻

聞岳侯破賀州賊次韓端卿韻

旌旗摩日甲生光俘馘黃巾第幾滅賊未占闔
蟻破胡行且見神狼燕然刻石功昭漢太華題詩事
後唐從此兒童傳姓字風流何止繼韓康

送王循友任柳州

苦雨凄風未肯晴行李南征煙牽離
恨雲暗亂山迷對

長檠它年雁蕩天台路
万里君還尋舊盟

廬陵舟行

雨過歸雲山更昏
時聞鷄犬鬧紅村
風歛船側收帆幅
浪怕堤平沒石痕
憂患積年身益勸
功名他日志空存
又看秋色飛紅葉
故國歸期未可論

永州法華寺西亭

西亭清淨冠南州
蠟屐聊為半日留
蒼蒼輕麓連卷雌
霓落城頭禽声高
下雲間木帆影參差
天際舟欲去凭欄一
回首晚風吹角不勝愁

春晚

柳暗鶯啼春正妍
浙滕分水灌平田
花開花落幾番雨
山淡山明一抹煙
突兀初晴雲外寺
橫斜欲晚渡頭船
天涯因愜滄洲具
何用區區苦自怜

宜章元日

東風初解凍桃李
已經春避地逢雞日
傷時感鴈臣湖南
馳賊騎江外踐胡塵
憔悴成無用虛煩
泪濕巾

久雨

宿雨何曾歇濃雲未放晴
莓苔侵戶長蛙蝻入窻行
鐘送遠山響燈挑殘夜明
芭蕉添客恨只伴簷聲

界步河亭

窮山擁翠染人愁
亭下寒溪東北流
寄語扁舟：上
客為傳消息到筠州

涂中久雨乍晴

匝地濃雲散晚風
輕霜扶冷下長空
攢峯疊嶂來無
盡疑是舟行圖畫中

連州

再到連州却是家
逢人不復嘆生涯
尊前欲洒思鄉
泪羞見枝頭含笑花

寧遠道中

路轉寒松日欲斜
野梅初吐兩三花
溪流映石風吹

碧時有鱗：雨後砂

春晚

宴坐脩然萬慮忘
從他風雨送春忙
佛燈初上黃昏
後時炷郴州名乳香

湘江斑竹

湘江江上數重山
：遠雲深縹緲間
帝子不歸腸欲
斷竹梢空染淚痕斑

興安靈渠

淡日輕風細雨餘
陰：溪柳映溪蒲
清流平岸舟行
疾野鳥時聞聲自呼

野岸

淡日輕烟村徑斜長風卷浪欲浮花夜深隔岸漁舟
過螢火驚飛亂點沙

春晚即事

淡日陰雲晝掩門隔溪楊柳暗江村落花狼籍飛紅
雨又是潺湲過一春

香山觀壁間詩因次其韻

抗志欲學仙自恨無仙骨去國持六年避地欠三窟
禪房翳翠陰竹木可製笏誰持火君前指顧收回鶻

懷古

買臣負薪行且歌其妻羞縮悲蹉跎季子歸佩六相
印骨肉歆羨綠金多人生窮達等幻滅貧賤何憂貴
何悅爭如飢采首陽薇不慕臯夔希稷契貪功徇名
世莫嗤拖金曳紫同兒嬉一朝禍至幾發冢却思衣
布毋徒時丹徒風月依然好尔自升沉委荒草長
木拱荒煙寒此恨年々向誰道

近體詩二十韻寄秉之

憶昔春將莫分携桂領邊落花依浙隴飛絮滿長川
風急吹殘雨雲開放曉天山光如欲動草木不勝妍
沽酒村市停驂近郭田臨行思歎曲已別更流連

治邑煩游刃編祗荷息肩高才久藏巧篤行衆推賢
屢辱銀鈞况頻更玉律遷故鄉迷藪澤回夢眇雲烟
漂泊遙相望窮愁祗自憐愛閑身益懶多病氣仍孱
故國因人間新年底事傳止應升斗戀聊結簿書緣
諸老方推轂乘時好着鞭提撕起憔悴騰踏動蜿蜒
袖有平戎策囊無封禪篇功名期万里富貴屬丁年
范蠡中興越田單卒破燕異時歸相載乞我買隣錢

東萊先生詩集卷第十

東萊先生詩集卷第十一

呂本中居仁

食筍

窮鄉未寂寥五月富筍茁近山新得雨此物晚亦發
初看數寸出意有千尺拔長條不成鞭乃以美見伐
錦綉罷駢頭玉指已不韞坐令藜藿口如受滌澗滑
連年江海病未免魚蟹罰甘津到齒頰恐此或未察
居閑快一飽我已久斷殺更莫厭比鄰時一聽羹臠

白鬚

不作韓城住虛為河朔行白鬚鑷更出知為阿誰生
宿劉固寺佛殿下即劉伶墳也

東坡先生詩集
劉伶墳上土佛殿古崔巍坐久野僧出天寒飢雁來
千年醉裏魄一甬死前灰未盡先生意空留數字回
懷衛道中寄京師諸友三首

客舍冷如漿客夢甘如飴初無遠行念况有徂年悲
平生好交游大半走路歧不如亭前月所到長相隨
何時脫身去共採西山芝有兒當似公尚能傳我詩

其二

直莫如兩王清莫如兩方孫謝豈不美久滯尚書郎
黎子老歸國只今鬚髻蒼邵子住山雲欲出未肯忙
高子出林壑坐看天際翔

其三

人誰不小康李趙常窘束窮閭釁温火老未飽饘粥
它長未遽數此事已絕俗為人死不厭自奉一來足

河堤

平田接長河眼界起突兀今日並堤行麥壠青已出
客行不知晚但感此節物新霜被西山久厭塵土沒
坐懷故人面於此見髣髴

寄濬州張揆

張卿留客酒如澗我欲從之病不能憶過公家更東
望斷崖高樹雪層

田家樂

東家西家蠶上簇南村北村麥白熟小兒腰鎌日早
歸大兒去就田間宿斗酒相邀不為薄隣翁相對且
斟酌聖主當陽億萬年年一歲一田家樂

梅

獨自不爭春都無一點塵忍將冰雪面所至媚遊人

寄崔德符

江城昔還往耆舊各能文暫別猶相憶雖忙亦見存
好詩能愈疾濁酒不勝渾它日經行地相尋夜叩門

還家

解鞍歇馬倦西遊過眼文書且罷休薄酒向人殊有
味長年於世已無求常情未語講中木俗眼能驚海
上鷗何處雲山不堪隱更誰辛苦訪菟裘

即事

晚菘早韭老不厭夜鯉晨鳧多見踈地僻難尋野僧
飯路長時枉故人車青山出沒塵埃裏白髮栽培疾
病餘更有腐儒窮事業夜窓殘燭一編書

讀易

春溫瘡疥繁衣敝蟣虱細頽然坐南軒讀易初有味
初看象數殊忽此文象異紛一者衆說行各半途滯

東坡先生詩集
大言累千百雜說記一二坐令人分復以小大計
或強出枝葉或自起旒贅孰能言語表能使意獨至
空中本無華眼病因有翳沈思忽有得是則入精義
吾生晚聞道歲月今少憇遺經日在眼似足了一世
臨流濯垢衣尚勿惜餘棄

復往大名

復往真無策茲行亦漫遊塵埃走劇暑風雨占新秋
便欲還家去其誰為汝謀尚憐蘓李子虛敝黑貂裘

其二

我老不自得每為飢所歐漫拋青蒻笠空負白髭鬚

見賊猶堪鬪逢人莫問途囊區足秀句山澤有懼儒

其三

地濕頻經水田荒亦未收斷雲催雨過漲水沒橋流
半世想高卧十年悲遠遊藜羹不用扶尚足誑饑喉

開德道中

五更發荒村小憇草市北披衣渡積水月落天正黑
豆苗半委地野父厭匍匐我馬則已飢泥土污羈勒
翻思在家時一飯亦假貲小兒不解事笑詩頗自得
一官走道路此責久未塞速行勿遲留 hands 須擊賊

陽翟道中

不為傷離別其如漸老何祇應從此去轉覺白鬚多

長葛道中遇周原仲

羸馬衝寒驕不駛積雪殘冰雜泥滓長葛縣中日落
時舉頭忽見周夫子下馬相看兩驚怪各喜南歸此
身在僧房夜語久不眠更摩枵腹償詩債子行四方
尚謀食我亦年來倦行役櫪下驂騮世得知海底珊
瑚人未識長安公卿富貴客誰能日在子思側洛陽
少年未宜輕看子重陳治安策

簡叔易益謙兄弟

秋來歸興復何如李范般名更羨渠它日買田我有

策兩家兄弟要鄰居

贈益謙兄弟

范即走微官清固不絕俗家常四壁立腹有萬卷讀
尔來所為文深若泉萬斛紆餘風過水宛轉蟲蛇木
諸弟况可人不但好眉目丹穴固出鳳藍田自宜玉
行扛九鼎重頓使一世伏聖朝急用士如子尚窮獨
乃知德在躬不必富潤屋我病拙文詞筆鈍如髮禿
時逢子兄弟未語心已足長空絕纖埃何處着鳧鷖
朝來秋氣清佇看飛鴻鵠

題蘆雁扇

雁下秋已晚江天風雨微寧為聚沙立不作傍雲飛

游西宮有感

種々不如意悠悠無復聽漫尋村路好似得片時醒
水隱城均白山來樹杪青晚田收襍襖殘日度筇簞
興入山陰道詩如歷下亭荒原子胥廟千載想像型

送一書記杲公作天寧化士

田家得米輸官倉一粒不得囊中藏天寧化士去如
雨此亦未易能低昂因官乞取民始病况復妄邀檀
越敬縱令不得半錢歸堂中聖僧應自知

京城圍閉之初天氣晴和軍士乘城不以為

難也因成四韻

賊馬侵城官軍報捷頻民心皆欲闕天意已如春魏
闕方佳氣王畿且戰塵不妨來往路經月絕人行

守城士

北風且莫雪一雪三日寒不念守城士歲晚衣裳單
衣單未為苦隔壕聞戰鼓殺賊須長槍防城要強弩
砲來大如席城頭且撐住豈不知愛身一作傾心報
明主報主此其時一死吾亦宜未敢望爵賞且一作
今無事歸寄語守城士此言君所知

聞軍士求戰甚力作詩勉之

東萊先生詩集
今春賊來時軍士怖而走今冬賊來時決拾一作搃
兩肘憤然思出關不但要死守仰懷吾君仁愈覺戎
虜醜欲以占天心於焉卜長久暫勞何足道富貴要
力取行看斬賊頭金印大如斗

丁未二月上旬

丞相憂宗及編氓恐禍延乾坤正翻覆河洛倍腥羶
報主悲無術傷時祇自鄰遙知漢社稷別有中興年

又

厄運雖云極群公莫自疑民心空有望天道本無知
野帳吊黃屋青城插皂旗燕雲舊耆老寧識漢官儀

又

羽檄從天下於今久未回如何半年內不見一人來
周室仍遭變宣王且遇災猶存九廟在咫尺得祈哀

又

主辱臣當死時危命亦輕誰吞豫讓炭肯結仲由纓
洒血瞻行殿傷心望虜營尚留儀衛否早晚復神京

兵亂寓小巷中作

城北殺人殺徹天城南放火夜燒船江河夢斷不得
往問君此住何因一作寅緣竄身窮巷米如玉翁尋濕
薪媪爨粥明日開門雪到簷隔牆又聽隣家哭

圍城中故人多避寇在隣巷者雪晴往訪問
之坐語既久意亦暫遠也

雪泥春既融曉日初破霧出門尋故人來往不數步
共談江南勝閉眼想去路松風被茅屋稻壠立白鷺
行看賊圍解春水即可渡先當上鍾山次第入廬阜
生平泉石念久受塵土泥况今九死餘轉覺處事悞
豫懷岩壑裏所至陪杖履可行君莫辭行李我已具

城中紀事

生平足艱窘可嘆不可言兩遭重城閉再因群盜奔
今茲所值遇我豈不與聞脫身保兒女恐辜明主恩

傍惶不忍去敢計生理存昨者城破日賊燒東郭門
中夜半天赤所憂驚至尊是日雪正作疾風飄大雲
十室九經盜巨家多見焚至今馳道中但行胡馬群
翠華久不返魏闕連妖氛都人向天泣欲語數復吞
我病未即死爾來春既分剝床供晨炊兩眼煙已昏
豈無好少年可與共殊勳志士或不耻有身期報君
塞水湏塞源伐木湏伐根子莫笑短拙荆蠻生伍員

讀易

江北江南公不歸人言公懶笑公痴閉門端坐讀周
易直過新春圍閉時

東坡先生詩集
無題

胡虜安知鼎重輕禍胎元是漢公卿襄陽耆舊惟龐
老受禪碑中無姓名禍胎一作指繼

懷京師

北風作霜秋已寒長江浪生船去難客愁不斷若江
水朝思暮思在長安長安城外高十丈此地豈容胡
馬傍親見去年城破時至今鐵馬黃河上小臣位下
才則拙有謀未獻空惆悵漢家宗廟有神靈但語胡
兒莫狂蕩

讀司馬公集解太玄

京城半年圍道路三月病輕舟過江來所向復未定
客房夜涼冷氣體六粗勝月穿窻罅白風入洞葉勁
挑燈讀太玄愛此頃刻靜物數極三甲此理本天命
首贊則分行故來及世應古歷漢則亡易寔更三聖
哀哉揚子雲上與數子競雖云耗心力固自有捷徑
後來司馬公獨歛衆說盛錙銖判訛謬一宗蒙是正
讀玄則知易此寔公所證如何少年子便欲獻譏評
我老未知學讀此知不稱掩卷坐搔首一洗肝肺淨
明朝尋故人此語殊未竟

黃池西阻風

烏雲啣日、不出驟雨飄風吼三日扁舟寸步不得
行坐嘆輕鷗如箭疾我行去家秋復冬故園回思春
夢中客愁茫、若江水生計渺、隨征鴻三年京城
共憔悴一杯此地難從容長溪卷浪雲花碎遠山橫
空眉黛濃故人別我上江去亦有書來喚同住破屋
數間君有餘太倉五升我已具嚴霜未放鷹隼擊盤
渦恐致蛟龍怒片帆欲掛任篙師君但徐行莫深懼

景德北窓

雲橫樹陰濃雨漲溪水白故人喚我去已度蒸暑厄
北窓非不佳尚苦眼界窄小樓陰床後自與塵霧隔
更憐昭亭山相向有佳色君能具鷄黍略不厭須索
我能知子窮子亦能愛客人生要如是一舉乃諷百
我病思遠引未塞交友責便當約諸公歸耕作長策
囊無一錢贏歲晚會有獲

昭亭廣教寺

故人喚我去一作出久雨值新晴草暗鼯鼠出山深鷄
鳴齋厨半盃粥草具一杯羹尚肯頻來否門前春
筍生

昨日之熱一首贈趙彥強

昨日之熱未為熱涼風頗隨團扇發今日之熱不可

言西山火炎塵障天，高樓堅坐若燔炙。常恐秋到無
寅緣，與君相從今幾日。欲度一日如長年，憶昔京城
值秋雨，人家邂逅得細語。不愁歸舍少薪米，具喜尊
前好賓主。去年君自雲中歸，隔巷尋君相勞苦。是時
強虜在城下，耳猶厭聽賊營鼓。豈知喪亂到南城，同
向宣城過殘暑。晚來雨，天遂涼，便思約君來對床。
前適有新酒熟，君醉可舞，吾能狂醉中談天亦未妨。
回船吳中君勿忙。

又贈

日、住疊嶂君能同此遊，黑雲纔映日，白雨忽穿樓。

盜賊何時定，溪山且自幽。炎蒸不須厭，俄頃是新秋。

題涇縣水西

江東住已厭，又却復一作過江西。急雨投涇縣，窮秋渡
賞溪。稻田猶少水，山路已多泥。珍重高僧意，求詩索
自題。

宿秋霜閣後方丈

秋霜閣後山，屈蟠一作盤。行人衝泥脚未乾，正是水西
佳絕處，不辭風雨夜深寒。

水西與李彥恢相從，余將取旌德趨徽州。彥
恢先歸旌德，相候彭元任亦自太平縣來。

相送過于三溪驛遂同過旌德道中呈二
子

水溪投宿近秋霜起聽晨鐘厭一作東裝尚惜故人
輕作別亂山深處過重陽

又

村場路僻多無酒野菊寒深亦未花底事中原歸不
得又扶衰病過天涯

又

白頭懶入少年場二老追隨却味長預喜尊前聽清
話夜窓相對一爐香

休寧縣與汪致道諸公別後晚宿黟縣界魚

亭驛

竹密如雲不見天好山無數簇溪田祗因黟縣溪山
勝盡在魚亭驛舍前

又

故人相繼別休寧山路籃輿睡復醒所恨溪山正佳
處不能同我到魚亭

寄宣城故舊

宣城經歲無它事尚喜交遊不棄遺疊嶂樓頭納涼
處宛陵堂下探梅時君今尚要一囊粟我去亦無三

徑資歸卧雲山更深處因書頻報故人知

祁門道中

去程歸雁兩匆、行致荒山儘上頭試問中原何處
是只言東些是宣州

又

風落千山雨夜鳴時因歸夢識宣城欲知溪路行多
少已過徽州第五程

又

宣城人物未全衰四士風流世不一作未知別後略無
佳語寄道中纔有數篇詩

又

詹郎逸氣今誰似李令清言久不聞獨立共傳摩詰
後隱居還見伯仁孫

桂林別珂首座

故人相望馬牛風世事波濤滉漾中灘水東邊兩年
住往還有一珂公

又

北歸我已辨行纏久約相從却未然何處雲山堪著
子亂松回首嶺南天

答趙祖文陳夢授

嶺海畏深入江湖成遠遊猶懷不活怖少為故人留
苦乏瓊瑤報虛蒙札翰投因來問消息不必計沉浮
親朋雖近懶追尋湖嶺歸來病至今寄語洪州趙從
事忍令無酒過冬深

寄趙十一弟



東萊先生詩集卷十一

東萊先生詩集卷第十二



呂本中居仁



浮梁道中見小松數寸者極多然皆與蓬蒿

雜出不能即長也余傷之作書寄范四弟

青松數寸根意出千丈外如何蓬蒿底此志久未遂
朝為牛羊踐莫受塵土翳雖云歲寒姿當此亦憔悴
今年雖小出尚與凡草類會須扶其根與作棟梁計
大厦千萬間匠石所睥睨世或未盡知御名勿傷汝志

自祁門至進賢路中懷舊

雨歇路踰滑山空鳥不飛却思無事日騎馬踏泥歸

又

汴水夾榆柳今留胡馬蹤如何進賢路只是見青松
離洪州渡西江至翠微寺紫清宮

平明渡西江西山正崔嵬中流欲浪作細雨隨風回
促櫂赴前浦頗為風雨推寒沙引細路人家山半隈
密雨蔭修竹久旱無莓苔晚入翠微寺諸峯環抱來
其西洪崖居百代所仰懷何年蛟龍怒更擊深山開
懸瀑瀉洪井噴噫藏風雷客行少休息暫此得徘徊
城市二三老咫尺不得陪豈無凌風翰邀致山中臺
澗水清且寒可以當餘杯獨來不敢久恐為神物猜

宿翠微寺

西山今夜雨不為故人留泥滑淹行李風聲欲送作
晚秋中原且多事吾黨敢無憂明日經由地江南更
幾州

發翠微寺

古殿突兀風有聲粥魚欲打鷄三鳴披衣起坐問行
李僕夫屢報天陰晴昨日路長頻雨阻今日東風得
無若杉松連山寒欲動橘柚隔籬香半吐却憶京城
無事時人家打酒夜深歸醉裏不知妻兒罵醒後肯
顧兒啼飢如今流落長江上所至盜賊猶旌旗已憐
異縣風俗僻况復中原消息稀

送宋仲安往虔州

已流水之水不可以復回已往之日不可以復來惟有
野外籬邊之黃菊年、歲、見開花君如此菊不我
厭處、相逢不我同酒杯三年喪亂那可說君頭已
白我齒缺高才抑塞久未用坐守松檜凌霜雪君今
又作章貢游我猶少忍住筠州破屋不憂遭鬼瞰端
坐或恐貽一作神羞求田問舍古所嘆敢有遠去惟
身謀為約嶺南三數子明年乘興欲一作東流

與仲安別後奉寄

出門送君時一步再徘徊雖云非遠別念與始謀乖

欲求連牆居故作千里來君今不我待欲跨洪溝回
我獨滯一方後會良未諧冬初風浪息蛟龍深蟄雷
其如中原盜所至尚揚埃子行莫夷猶恐致狼虎猜
胡人更遠適畏死投煙霾皇天久助順似不及吾儕
獨以智力免寧有此理哉因書寄苦語亦以謝不力
新春好天色指望妖氛開即當候歸艎取酒尋尊壘
欣然得一咲便足禳千災豫章百里遠可以慰客懷
須君起我病同上徐孺臺

題筠州僧房

客來無語坐禪房共賞西窓一榻涼山路雨餘新筍

東坡先生詩集
出江城春色雜花香。厨烟已逐鐘聲遠，樹色初隨塔影長。敢道閑居便安穩，今年更欲下湖湘。

離筠州

舊日閑居日無悰，已倦遊如今避地走不復為山留。淮甸初經夏，江西復渡秋。今朝小亭望東北，是筠州。

題園悟與惇兄法語

果公昔踏胡馬塵，城中草木凍不春。胡兒却立不敢問，其誰從之惇上人。袖手歸來兩無語，如今且向江南住。雲居老人費精神，送向高安灘頭去。

建城道中

建城南路入袁州，怪石縱橫水亂流。盡日衣冠在圖畫，百年心跡付林丘。中原未作重歸計，胡馬能令此地憂。浪跡江湖亦吾分，運籌帷幄有留侯。

行至醴陵寄故人

淺溪砂磧寒月白，樹影踈我行天一角。所至尚躊躇，偶逢勝絕地不異。嵩穎居臨流，遂忘歸默坐。教游魚寧知胡馬關，江縣已立墟。故人亦未來，一旬三寄書。不必問淺深，但當膏子車。新霜隨北風，慘慘度重湖。相尋近五嶺，御名勿厭長途。

將至南嶽先寄演公禪師善公華嚴

胡馬揚塵烽燧作我行乃在天一角江西跣足過湖
南本赴郴陽故人約中途群盜又烽起所至往、為
囊橐避回改路心自咲隱忍畏事人所薄不因此去
渡湘水更欲何時到南嶽山中況有二老人萬里同
來且安樂遙瞻見我應大笑白鬚黑面都如昨平生
故舊幾人在不早從公老丘壑自經喪亂可過從每
一思之懷抱惡請公更說因地初一解人間因慧縛

避寇南行

何處田園不是家儘扶衰病過天涯山村酒熟人、
醉客春濃處、花敢道嶺南無戎馬側聞江左尚胡

沙囊空甑倒君休咲亦有新詩伴齒牙

貞女峽

欲上貞女峽江險未敢行豈是畏江險愧此貞女名
時經喪亂後世不聞堅貞烈士久喪節丈夫多敗盟
寧聞閨房秀感義不偷生窮荒禮法在尚在留佳殺
時事有通塞江流無濁清欲行勿憚險為君先濯纓

山水圖

君家茅屋低蓬蒿客來頗厭蛙蚓號何得有此山突
兀氣壓太華凌嵩高坐看遠澗愛懸瀑似聽蛙步鳴
秋濤槎牙老樹半枯死上倚絕壁緣飛猱我行日畏

盜賊逼敢厭瘴癘同腥臊偶逢生穩懶歸去豁連眼
界無纖毫嶺南山水固多異恨無中州清淑氣對若
圖障心恍然便如一作太華嵩前高但君對此能高
眠當有好句令君傳

連州陽山歸路

蒼黃避地出連州邃谷深岩懶轉頭歸路始知山水
好少留村驛當閑遊

又

稍離烟瘴近湘潭疾病衰頹已不堪兒女不知來避
地強言風物勝江南

又

嶺外從來不識春青梅年後已嘗新深山忽有殘花
在知與清明待北人

陽山道中遇大風雨暴寒有感

嶺南二月春已盡百花委棄隨風吹山前山後綠陰
滿已過中原初夏時不知何氣忽乖沴一作風雨夜

作雷乘之鞭笞宇宙蔽日月萬象倒錯藏光輝岩傾
澗絕水府現捕搏虎豹擒蛟螭百圍老樹不須說忍
凍欲壓摧其枝崢嶸屋瓦走飛電如戰初合麾旌旗
我行避地更值此閉目但聽兒啼飢僕夫噤死者數

東坡先生詩集
犖牛馬俱不存毛皮長途三日斷還往况有烏鵲凌
雲飛只今胡塵暗江路盜賊往、乘餘威良民雖在
困須索西海萬里皆瘡痍天公忍不一顧此反更震
動窮荒為此方亦是神所主吾欲告訴心先疑明朝
風定寒亦解收召魂鬼尋歸期澗毛自可薦筐筥試
出苦語令神知

答朱成伯見贈

三年轉東南足跡不得息新霜未壓瘴已畏賊馬迫
逼一作蒼黃度嶺去山路楓葉赤慨然念生平謬自有
欣戚交游半鬼錄在者費相憶朱卿早聞道一如見

舊識新詩入要妙如射已破的我行囊貯空所至但
四壁豈知投異縣忽枉和氏璧斯文得未喪豈不係
人力出門仰高山此道如矢直

又

我適蒼梧野君來洞庭岸相逢迫一作盜賊一咲未
得款欣然望眉宇於我意自滿天寒道路長歲晚日
晷短僧房肯再來晴窓自妍暖

又

入林恐不遠入山恐不深城市有深遠不必在山林
隋珠不自寶豈在須淵沉斷弦得遺譜千載有知音

又

昔在中朝時每從賢俊遊酒酣握手歡預懷今日憂
兩經嶺嶠春三度江湖秋朱卿抱竒節好語忽見收
我無濟世策君有活國謀相尋不相咲夜光猶暗投
道喪師友絕寧有民不偷風波極浩渺欲濟能無舟

○連州行衙水閣望溪西諸山

嶠南氣常昏終日如霧隔我來已經時初不辨山色
紛：翳犯眼默：悸動魄今晨忽晴快如語見肝膈
群峰挿天青野水恣意白深窺木杪靜細數鳥道窄
天心豈無意直欲慰北客終經盜賊擾更脫瘴癘厄

湖湘雖未定勢已初夏迫頗聞胡虜遠不復更追索
我歸當何時俗事累千百便擬衡山前今年飽新麥
憂慮則未已四海方逼仄群公獻納際或肯任此責
先當肅區夏次用及蠻陌豈容胡虜暴歲山有大獲
天雖未悔禍世豈無良策生一作人苟未盡狐兔當
有宅

贈歐陽處士

愛君年少便知足今君雖老更一作轉無欲閉門不出

動經時保此無窮清淨福黃衣弟子雜僧徒共守荒
郊數椽屋門前山水各有態君但踈籬對修竹直如

季路恥有聞清似之推不言祿坐看世事雲變化一
任兒曹手翻覆上皇龍飛三十春臨軒亦嘗思異人
詔書屢下廣搜尋當時幾人能識真若時聲名動天
子高卧不起空逡巡漫收符籙養丹火一旦四海生
風塵我來見君解嶺下識君無營真靜者殷勤愛我
莫遽行尚肯相從結茅舍時當喪亂足淹留豺狼恣
橫空山夜宅年有意過匡廬一作廬山更許淵明入蓮社

嶺外懷宣城舊遊

中原未敢說歸期却憶宣城近別離疊嶂雨來如畫
裡敬亭秋入勝花時每憎早濕尤多病苦愛風光屢

有詩今日衰頽那可說鬢鬚經瘴總成絲

余避地踰嶺寄書宜章孫氏賊去則盡失之

感歎有作

賊馬縱橫未說歸草間梁上借餘威布帆此去應無
恙銀盃從來小鮮飛世事只堪開口笑主人空有食
言肥自慚學道工夫少坐覺文書到眼稀

過嶺將至江華先寄朱成伯

自怪匆、來往忙又携兒女過湖湘敢言此地多安
穩且道新年離瘴鄉

又

東坡先生言集
嶺下微陰已自寒早行山路覺衣單故人見我應驚
咲疾病衰顏却據鞍

端午日北還至斛嶺寄連州諸公

嶺上逢端午隨家更北征隔村聞賊鬪通夕畏蛇行
厭病初辭瘴衡泥却勝晴猶憐昌歎酒不與故人傾

山居素飯

豆苗可瀹藪可羹僧厨半飯蒸香粳道人得此清淨
供下箸已勝肥羊烹平生為腹不為目偶逢一飽心
自足晚菘早韭舊所知五鼎百牢未為福

寺居夜起

山深夜無人竹密風露集長空新過雨尚覺星斗濕
避地走天涯如何免拘繫朝憂粟囊盡暮恐賊報急
荒城兵火後所至復來葺古寺半顏垣裊嘯鬼亦泣
感事念平生徘徊近堦立

寺居即事

瘴癘過庾伏庶幾其少瘳甘心忍殘暑指日是清秋
汴水他年別柳州此日留如何歸夢只見嶺南州

又

因循過嶺表忽復到湖南氣力渾非舊情懷老不堪
無錢供痛飲因病廢清談尚有尋書僻窮搜未免貪

又

○中原是何處敢道幾時回一夏無書讀經時畏賊來
老松猶偃蹇病鶴又推頽莫怪論兵少吾今心已灰

贈夏庭別兄弟

披沙揀金勤乃見讀書何止須百遍如君心期已不
凡况有長兵可鏖戰一寒濕薪薰病目君但讀書教
徹屋僧房夜永燈火足更肯襍被來同宿

墨梅

嶺南十月春漸回妍暖先到前村梅問君何處識此
妙一枝冷艷隨霜開長江凜凜欲奔岷乃見好事移

墻隈初疑滲漉入瘴霧更欲寂莫埋烟煤微風不動
暗香遠淡月入戶空徘徊坐看粉黛化糴惡豈但桃
李成興憂我行萬里厭窮獨疾病未已心先灰對此
不覺三嘆息恐是轉側同南來異鄉久處少意緒破
壁相對無根荄古來寒士每如此一世埋沒隨蒿萊
遁光藏德老不耀肯與世俗相追陪輪囷離奇一作護落
多見用犧尊青黃木為一作木災含毫吮墨去顏色况
自不必須穿裁歲窮路遠莫惆悵此去保無蜂蝶猜
賀州聞席大光陳去非諸公將至作詩迎之

一有次
韻字

五年避地走窮荒，嶺海江湖半是鄉。
歡喜聞君俱趣召，衰頽如我合深藏。
曉寒已靜千山瘴，宿霧先吞萬瓦霜。
日、江頭望行李，幾回驅馬度浮梁。

送周靈運入閩浙

青松著塵市，不辭塵土侵。
忍耻半桃李，不言歸故林。
交游在賤貧，始見平生心。
周侯客異縣，屢蒙金玉音。
殷勤不我厭，自昔以至今。
使其少富貴，未必能相尋。
豈謂子誠然，此風今則深。
子欲轉嶺海，歲暮足愁陰。
路經盜賊窟，往、未就擒。
加鞭策駑馬，欲行無滯淫。
故人散天涯，所在亦崎嶇。
相尋倘見及，道我病難任。

次韻錢遜叔見寄

異時文物漢庭臣，公是中朝第一人。
忍使閑行犯山瘴，不令疾去掃胡塵。
情懷縱老原非病，時運方隆只暫屯。
願我衰頽已無用，尚煩新語訪沉淪。

贈宗真上人

到處相逢是偶然，
淞江湖嶺屢經年。
贈君頌子君休咲，
我已新來不問禪。

東萊先生詩集卷第十三

呂本中居仁

○全州與解子申向伯恭相會

五年流落判西東尚喜交游一再逢
但得低頭拜東野不妨下卧見元龍
中原極目山千疊往事傷心酒一鍾
如我支離又無用敢因窮約廢過從

一作費

初至桂州

連年走避方所至若郵傳未論道艱阻先問米貴賤
賤勢來未已行役我已倦解鞍憇空館敢歎此異縣
清泉上短綆一洗塵垢面瘴癘非不深美醞良可戀

又

東坡先生言集
胡沙又衝突賊馬亦馳騫我行不得息終歲在道路
敢言更多事尚恐與時忤低頭訪殊路俗何處可放步
江流下滄海日慘蛟鯉怒出門尋故人風雨已斷渡

桂林解后拜見仲古龍圖吉父學士別後得

兩詩書懷奉寄

所至艱危裏如何更別離只看山似戟合髻如絲
湯熨徒增疾文章不療飢端居溫餘論苦語自成詩
折老久高卧曾鄉仍倦游今為萬里走肯避數年留
賊幟江湖晚嵐烟嶺嶠秋相逢得安穩乘興莫東流
比聞二公皆欲
為廣東之行

次韻吉父見寄新句

詞源久矣多歧路句法相傳共一家良賈深藏宜有
待大火圭可寶在無瑕長江渺、看秋涯孤霧悠、伴
落霞盛欲寄書商推此嶺南不見鴈行斜

桂州水西

隆、而雷風乘之斷霓落日江東西江頭古寺頗岑
寂僧簷正與南山齊我來端坐已寒暑終日看山默
無語盜賊連村那敢問藜藿充腸未為苦早禾已旱
心所知正待山前一犁雨

斷橋 三月中作

東坡先生言集
橋斷客途少春深花已休閉門尤省事於世轉無求
來往只諸老相期非壯遊欲知身所住同寓訾家洲
時獨漉叔器季平裴
夢貺數相遇從也

贈嶺東陳秀才

風吹賀江浪如雪浮梁左右行人絕病夫生穩懶出
行破屋只愁吹瓦裂東縣陳卿忽叩門笑語歡然相
暖熱怪我長貧走道路所至不安寧有說鄰州賊報
又警急欲泛扁舟窮百粵如君長材亦未用獨守區
區負奇節未能俯首効兒輩肯使出門探虎穴馬群
時致千里足烈士寧無一時傑我復何人敢言事一

世摧頹甘短拙幸君無事時一過喜聽高談健其決
瘡癘恭羨畏久留歲月崢嶸惜輕別

衡州逢解子中別後奉寄

我來筠水陽君亦發章貢相逢灞門外及此兵未動
卧聞羽書馳起已行者衆多不及款尚辱苦語送
慨然念平生相從已如夢交游半生死所至多罅縫
我衰學不入一作及君亦老未用孰知一世中有此九
鼎重子賤則君子閔子言必中師門未遽絕斯文寔
天奉別離又幾日坐想發孤諷衡州逼南嶽湘水寒
不凍頗傳江西擾盜賊已放縱往從田蘓游此樂不

得共

范縣丞惠雙鷄

羸病不能除肉味每逢齋鉢愧餘生
雙鷄未可為公饌留與山僧報五更

王撫幹失去毛裘

王郎隨身一駝裘偷兒遽作壑失舟
春初未免霜露迫逼一作歲晚可無遷徙
憂客房夜坐薪當燭不怕近
江風裂屋馬平編戶更艱難
君行莫忘民號寒

四十二弟將還賓州相還夜話

兵戈久未歇所至轉搶攘
萬里逢吾弟三年走瘴鄉

春風入古寺夜雨暗浮梁
尚肯留連否僧廬可對床

呈折仲古

市酒酸甜久絕沽濕薪薰眼坐僧爐
尚憐諸老無機一作幾事不待愁人折簡呼

又

龍閣老翁流落久如今
辛苦去朝天向來嶺海經行地
分付蠻溪著釣舡

又

已厚無原祿故人書
尚有相尋長者車
所至紛然兵火裏
不知從坎更何如

又

疾病侵凌百不能只今全是住庵僧謝安肯為蒼生起早與吾君了中興

次韻王撫幹見惠

新春忽、到庭除短褐經輕一作寒病却蘓漫以詩書教兒子嬾將薪水倩童奴天涯每覺人情薄眼界何知風景殊萬里相逢君莫歎好山無教簇城隅

次韻王漕見贈并寄曾吉父

前賢去則遠今代不無人小出已無敵深藏恐未仁兩章知思苦一語見情親徑欲忘衰病知公筆有神

又

曾子住南國端居無所思逃禪不用酒投筆謾成詩敏捷忘千慮縱橫又一奇於中有佳處莫待折肱醫

次韻折仲古見贈

未有絲毫補縣官幾年流轉但求安江湖自稱稽康嬾故舊空嗟范叔寒顧我初無食肉相喜公復著侍臣冠詩不忘東山一作志敢作尋常禁近看

再用前韻奉和

自昔友離畏一作作官只今猶望一枝安飽知時態病良已心喜故人盟未寒所至軍書銷日月幾回戎

馬汚衣冠公歸定有安邊策不學愚夫靜處看

夜坐有感

五更月落鷄未鳴小爐殘火猶晶熒道人強起理衰
疾不聞松聲聞雨聲跣趺坐穩百念去豈有宿夢令
神驚平生於世萬事嬾况復今茲飽憂患中原北望
四千里三年不見南飛鴈著身天涯未為遠所至風
沙莫深歎時寒但可一作通僧房火日暖可但赴鄰
家飯嶺南無瘴便可老江頭有酒猶堪喚嗟哉甯子
不自休辛苦飯牛過夜半

送密上人歸江西

輕舟君先行羸馬我已往湖山已在望南嶽行可仰
不憂盜賊繁漸喜草木長密也負奇氣少已離塵網
飽恭諸方禪所至被稱賞獨留末後句未肯休吾黨
徑尋卓錫地更足以自養囊空脚頗健體儉心甚廣
喜談江西勝妙處猶如一作指掌未見頻寄書悠然發
遐想

送常子正赴召

屬昔一作者閑居久今來促召頻但能消黨論便足掃
胡塵衆水全歸海殊塗必問津如何彼黠虜敢謂漠
世一作無人疾病老逾劇交親窮轉踈惟公不改舊怪

東坡先生詩集
我未安居日月干戈裏江山瘴癘餘回行見李白亦
莫問何如

頌送山上人遊南華

三浙三衢未說歸且從嶺路訪曾溪盧公若問南來
事但道湖盡鼓鼙

山頌送譚師直歸湖南

人事日翻覆昔同今不然於心苟有用與世自無緣
剩結官田社飽參雲蓋禪已勝高鳥盡徒泛五湖船
送能化主還法輪

嶺外三年避賊忙法輪元不下禪床君歸却說嶺南

事瘴暑作時君自涼

送夏少曾兄弟

處、人家避賊忙數因行李問舟航江橫晚照鳧鷗
春到空山草木香我行有緣離嶺嶠君今決策下湖
湘定知此去添貧病不及相從氣味長

本中將為江浙之行念當與夢旣遠別感歎
傷懷因成長韻奉呈

客行已無聊况此憂慮集頽然念遠役未見勇可習
虛庭覺氣潤遠視螢火濕故人不我厭踏雨相勞揖
朝餐共飢飽夜語今坐立問我去此邦何用如此急

東坡先生詩集
干戈與瘴癘未見可出入何殊知二五而不知有十
俛首謝勤意此非愚所及天涯重離別所至方業爰
感懷平生舊忍効兒女泣胡沙救中原道路滿荆棘
世事古則然臨分莫於邑

贈日者張直夫

因循避世不求名潦倒江湖過一生賈誼定能尋李
主子雲先已識君平獨行市肆口無語嬾踏權門身
自輕看甑生塵只堅坐世間似一作君寧有不平鳴

永州西亭

舊聞西亭勝獨盛湘湖間山秀水亦好千里在馬欄

今來乃不然眼境故未寬環城但濁水滿目惟荒山
如何柳司馬肯為此解顏始之憂慮久方覺所遇安
我從避地來山水亦一作既觀初不厭嶺嶠况敢作
復嫌荆蠻徘徊念昔人亦作故意看所慙二三子來
不倦躋攀開軒納微涼共享一日閑說詩到雅頌論
文恭誥盤快若箭破的圓於珠在盤此樂固可樂此
盟安得寒天暑畏道路時危安一作阻難相逢得少
款莫問何時還何須待杯酒始盡平生歡

浯溪

五月行人汗如雨意緒昏雜塵土浯溪一見中興

東坡先生言集
碑便有清風濯煩暑中興之業誠艱難敢作漢武周
宣看紛然大曆上元間文恬武嬉主則孱但知追咎
一祿山袖手不作如旁觀天亦未使庸夫子故生李
郭在人間一時節張許顏其誰不知唐已安道州落
筆風寒暑公大書鎮百蠻訶叱水怪推神姦有臣若
此世所歎而不能使君心還我來轉嶺逾千盤對此
凜然清肺肝想見群小遭譏彈爾曹何心猶誕謾至
今怒髮常衝冠

送元上人歸禾山

長囂而寂方作而息如射破的初不以力子居深山

又處絕頂避囂不作二事俱屏往來臨川道里且千
一見我喜如舊交然我欲屬子重於發言子請則堅
之子之賢遍尋諸方不主先入唯是之作何拘何執
惟昔善財我曹之師其心廣大誰能問之山高海深
德則不孤不深不高培塿潢汚奚必深山惟靜之守
求寂念息以閱永久

贈一上人

偶從嶺嶠轉江東得向疎山見一公所至疇昔共游

常草爾來相遇更匆、晁郎埋骨虛無裏壁老收

聲一作蒼莽莽一作蒼中二十餘年往還事半隨秋鴈落

寒空

贈珪公杲公

北歸住江西塵事日窘束兩公時踵門高誼已絕俗
空房擁殘火更許相就宿不嫌寒無檀肯厭飯脫粟

又

杲公玉壺冰所至自清淨珪公出林鶴肯與雞鶩競
吾窮得兩公頗覺意氣盛未能出艱危猶足起衰病

又

杲固昔所熟珪亦舊聞名江西一聚首遂覺南去程
掃除文字習追尋香火盟期君向此道隱若一長城

又

堂頭老居士我識蓋自早聲名從少年閉戶今却掃
公能為少留尚可慰枯槁欲知主人賢但看此二老

次韻錢遜叔清江圖後

公但一室豎坐我方萬里生還共作十年清夢今尋
五嶺名山

又

作清江三兩曲勝大廈千萬間若保此中安坐不必
中原遽還

次韻錢遜叔獨鶴圖

東坡先生詩集
長頸練身嬾不前此寧有望更騰騫懿公愛爾非無
意要壓曹人三百軒

又

粉墨半銷翎翅短正如衰髮不勝簪可憐少保功名
悞寫此凌雲意不堪

又

眼明見此出籠鶴似我北歸辭瘴嵐御名御勿莫一作低頭
待收養人間欣戚盡朝三

次韻錢遜叔畫圖

西風著人塵滿襟江山縱近難追尋當年寫此數幅

妙坐使几案頻登臨斷雲點慙出古寺遠岸杳靄連
荒岑渙舟蕩漾江路晚烟雨濛籠山店陰知己落筆
一作筆下氣象古一任世間消息沈最憐霜幹倚長石不
待歲久成枯林知公此中興不淺此畫故能留意深
只今燕坐一室裏尚費從來長短吟詩成掩卷坐秋
晚一唱三歎求遺音

送一上人

我齒久已搖君髮日向白相逢不相笑共彼老境迫
周旋三十年近多間隔伊昔無事時日夕望顏色
此道要琢磨苦語費思索不能如宿心每負朋友責

東萊先生詩集
別我寧陵縣隨我到昭德宅所期無二三可恨已千
百交游大半死况值兵火厄舉首望八荒無乃天地
窄涼風吹秋深江湖動行客誰能於此時際一作出語
見肝膈胡塵蔽中原盜賊暗阡陌公其無遽行待我
有良策

錢遜叔諸公賦石鼓文請同作

江頭羽書相續來城中草木凍不開腐儒坐視了無
策但守寒爐吹死灰我公送我石鼓文令我琢句要
春回簸蕩風雲走一作蛟蜃百虫久蟄聞驚雷錢公
自是力扛鼎持此浮游轉湖嶺漢碑秦篆已么麼况

復鍾王敢馳騁後來頗供兒女弄神物有知當遠屏
石鼓之文公所知正是周室中興時廢幾我皇亦如
此一掃狂虜隨風一作飛石鼓之文尚可讀小臣願
繼車攻詩

和邢子堅韻

萬里重歸舊秃翁笑談聊復與君今鷓鴣所願一枝
足鼯鼠從來真一作五技窮短髮自梳渾欲白殘爐因
客尚能紅正須混迹師元亮未忍低頭學敬通

東萊先生詩集卷第十三

東萊先生詩集卷第十四

呂本中居仁

戲呈東林雲間二老

幾年湖嶺費追尋尚喜歸來聽足音
 御虎已知吾有命問禪方見子無心
 風塵黷^病慘如昨歲月崢嶸窮至
 今猶覺相逢有餘恨老盆盛酒不
 分斟余常以謂共
 難得也二公超然之韻可與共飲也而不得共飲為
 可痛惜曉此語者許伊具一隻眼

佛日縱步相尋索歸甚苦戲成絕句

相逢不用苦相推一作到更深月上回莫怪室空
 直無侍者夜窓相對有寒梅

東林珪雲門果將如雪峯因成長韻奉送

東風被澤國君有千里行送君不能遠宿昔春水生
胡馬汚中原旁淮多賊城即今江南岸盜賊猶縱橫
頗聞閩粵靜農民方及耕雪峯佳主人况欲展履迎
兩公與談道正欲平其衡但見演若頭自然心地明
云何未覽鏡便欲其流清君行可語此勿憂兒女驚
鄙夫牙齒缺苦遭塵事嬰七年奔走一飽費經憂營
野鶴出籠飛尚須完翅翎今者與君別故鄉他日情
新詩見萬一庶用託同盟

贈童堯詢蔡楠謝敏行

七年避胡塵無復少年事適從嶺外歸眼病不識字

尚幸戎馬間得見此數士蔡童南城傑所養蓋有自
兩謝名家子學已前作似相逢眼轉明已足慰避暮
如何捨我去使一作我起千慮江深羽檄繁况此日
月驚猶餘大謝留與我相近住風霜眇墟落泥土暗
道路得無經一作驚一作此別各復走定處期君則遠甚苦
告一作語不厭屢微言恐遂絕其誰與一作知一作調護要當
發憤求不欲一作可一作僥倖遇聖門極坦平渠自有回互
河清倘有期未死或可俟

和范仲態舜元游橘園見梅

橘林經雨未全衰歸路人家已見梅風物粗知一作如

江左勝瘴烟新離嶺南來筆頭有眼方知妙句裏忘
言始絕埃但得一寒無事過與公還往勝街杯

答錢遜叔 一本有訪戴國三字

北風吹霜夜如雪江城草木凍欲折病夫袖手無所
為一坐臨川已三月忽蒙妙句起衰憊頓覺和氣生
毛髮公能忘機我亦倦不待曼殊見摩詰畫圖是非
久未解况保長年不磨滅請公置畫莫多求要與時
人除憂渴

與錢遜叔飲酒分韻得鳥字

客遊等浮 一作薄 萍歲事如過鳥逢公得一笑不厭古

寺悄雨散喧客耳燭影吹半裊宿醒未及解更覺惡
韵擾時方足艱虞身未識要妙如何一杯酒便出萬
物 一作表 別公願一言使 一作我 意易了

贈別范一哥

相送不嫌遠詰朝當語離文詞知子進道路覺我衰
力疾終無補徐行敢厭遲臨分更回首苦語漫成詩

送謙上人回建州

子來不憚千里遠我病可無終歲憂相見匆々又相
別主人無恨 一作厭 客無求

又

平生苦節胡元仲老大多才劉致中為我殷勤問消息十年堅坐想高風

又

遙山渡口晚猶寒道路奔波未許閑頗恨獨來不令賞竹輿穿雨出疎山

與范益謙炳文叔儀步月

一云與諸范步月

清

歲月忽已過羈窮非獨今福勝分白水月影上土陰
試畝平生事江湖定日心相過無百步猶覺費追尋

陸庭元紹意齋

聖人毋意物我同大賢庶幾其屢空今君胡為用此

意乃欲酬酢萬化恭天工客來無窮君不厭所施不
同皆有驗風寒燥濕互相代一理馳驅無損漸衡門
端一作晏坐一事無衆皆奴：君有餘見賢不避忘其
軀肯與俗子急鉤銖知君此意久已絕為爾病生吾
有說侍儲百藥待百病任爾紛：強分別君但守坎
心如鐵徧與衆生除衆熱是則名為無意訣剩放南
山一作憲著秋月

病中口占示益謙四弟

病來全少靜工夫藥裏關心計已迂縱使君來亦無
語更無餘法待文珠

○竹夫人

與君宿昔尚同床正坐西風一夜涼便學短檠牆角
棄不如團扇篋中藏人情易變不如此世事多虞只
自傷却笑班姬與陳后一生辛苦望專房

郊居

紛·俗駕不容攀尚喜郊居絕往還野寺並冬終日
雨客房無事一秋閑平生談說舌猶在病起彫疎鬢
已班始悟莊周太多事處夫才与不才間

送楊蒙秀才往樂平

我有閩粵役君成江浙行窮途一回首歲晚倍傷情

佳氣占行在妖氛是賊營如何抱奇策不一請長纓

寄題暨尚卿雙蓮亭

異畝全穎久未出雙脩共抵復何物今君何以得此
花和氣所致無它術雙蓮共蒂中連理相映合心出
秋水秋水池塘晚自涼雙蓮中含風露香飛燕姊妹
第一作不相始並騁逸艷來昭陽自然容質見高韻不
必粉黛呈新粧君家孝友聞近郡一作縣故使奇祥眼
中見一洗東南戰鬪塵小人知之亦革面我來崎嶇
山嶺間忽聞雙蓮能解顏請君更畫作圖看無使惡
木讖離殘

簡范信中鈐轄三首

交游契分如君少湖嶺溪山似此稀
夾路梅花三十里故人雖病莫先歸

又

海角相逢又一奇更憐朋舊得追隨
滿堂舉酒話疇昔疑是中原無事時

又

它日曹南十日雪訪君尋酒不能回
梅花此日懷安路更有清詩入坐來

次韵李仲輔簽判

曉晴破雨却寒天海上風光絕可憐
更欲陪公了春事不須乘醉始逃禪

西施舌

海上凡魚不識名百千生命性命一作性命一杯羹無端更號
西施舌重與兒曹起妄情

和秦楚村直閣韵

胡馬南來議擊毬忽聞羗虜斬楊酋
虜中欲謀舉事則先為擊毬之

會漢宣帝時羗虜酋楊王首等二人首降服
一年春事氛退萬國歡聲

佳氣浮臺閣如君須強起林泉容我且歸休
漢家基業無窮盡早晚留侯與運籌

和展鉢詩

紛々未了向來因同在浮漚寓此身顧我久拚菴外
事知公曾是箇中人齋盂已厭五鼎食詩卷初無一
點塵今代王孫能樂此中興祥瑞不須麟綠麟作

鼓山

危欄不知高下瞰萬里路滄海近咫尺大舶不敢度
風雲遞舒卷川原更回互如何共道場乃倚絕壁住
得非化人居無乃仙聖寓斷崖石懸絕壑水暗聚
行天一涯勝處時一遇衰病顏一作九死餘已乏濟勝
具登臨茲一作欲忘返尚覺慰遲暮山林与膏壤未

到已心悟

王傳巖起樂齋

人生各有樂所樂故不同吹竽與擊缶今在可樂中
孰能識至樂不計窮與通顏子在陋巷肯憂家屢空
朝從聖師游暮歸無近功忽然若有合此樂固無窮
當時二三子因之開蔽蒙君生百世下久已聞其風
端居有遐想客至聊從容四壁倚蓬蒿萬卷蟠心胃
回視世所求天道迷西東此樂既不遠欲往吾其從

寄范四弟十弟

俗事紛々如亂麻又扶衰病轉天涯文章老矣田吾

弟頭角嶄然勝外家異味幾回占食指遠書終夕望
燈花何時更住城南寺共聽春池两部蛙

春日紀事寄內外諸弟三首

水生溪漲欲容舸疾病因循厭作勞莫道深居便無
事午窓苛瘼費肥搔

又

自聞賊報離揚州準擬春來秦出游所恨溪山最佳
處不容老子便歸休

又

長閑漸化讀書癖遠道聊因避地行安得薄田了饋

粥便相依倚過平生

寄諸弟

九年在奔走一飽費經營此日窮居意它鄉獨往情
相憂只有病所至但論兵尚喜吾諸弟形模遠勝无

游鳳池

遠近諸山翠作堆鳳池北望更崔嵬青松夾路捲天
去白鳥翻雲旁海來喜有故人同出郭屬因衰病阻
銜盃猶憐不赴對床約獨上藍輿日暮回

題孫子紹所藏王摩詰渡水羅漢

問渠褰裳欲何往彷徨徙倚滄波上至人入水固不

濡何以有此恐怖杖我知摩詰意未真欲以筆端調
世人此水此渡俱非實摩詰亦未嘗下筆孫郎室藏
今九年往來周旋兵火間世人險阻更百難彼渡水
者安如山請君但作如此觀莫更思維尋筆端

送筍與何晉之

年來念、欲深藏頗覺看書氣味長莫怪囊空無一
物猶能分筍送何郎

次韵李伯紀園亭

昔者翱翔兩露邊已將勲業畫凌烟便尋松菊同元
亮不訪丹砂學稚川可但海山勝綠野頗知風物似

平泉小園只在虛窓外佳處常當几杖前

本無俗事可裝懷藥圃花欄應手裁乘興聊陪野僧
坐賞心時許故人來損令此地成三絕不為它鄉賦
七哀鍾鼎山林兩無礙豫章須是棟梁材

送林之奇少穎秀才往

我為福唐游破屋占城市城中几萬戶所識一林子
蕭然衆木中見此真杞梓未為棟梁具且映風日美
子之於為學其志蓋未已上欲窮經書下考百代史
發而為文詞一、當俊偉夫豈效鄙夫念彼不念此
今來赴行朝學已優則仕窮通決有命所願求諸已

聖賢有明訓不在拾青紫丈夫出事君邪正從此始
鄭昂用卷卷太白胡僧歌韵作楞伽室老人

歌寄杲老

楞伽室中絕皂白去天何止三百尺只今更住最高
峯齋木魚粥無鍾已將虎兒等蝼蟻更許蛙蚓今蛟
龍聞道禪說通一線為爾不識楞伽面一生強項我
所知氣壓霜皮四十圍世人未辨此真偽敢向楞伽
論是非諸公固是舊所適鄭髯從之新有得欲將此
意向楞伽但道鵲鳥今一色何止一作未到

贈王周士諸公

空房夜氣清落月旁簷明念我平生友相望隔荒城
我老未厭書破屋猶短檠君亦不奈得一作閑默坐數
殘更共結香火社同尋文字盟王子潮州來一笑冠
欵傾午飯展僧鉢村醪傾客罇相逢但談道絕口不
論兵未免俗眼笑屢遭時輩驚輕生各有趣大小
俱有程譬彼澗底松難伴池中萍雲鵬與斥鷃已矣
兩忘情一洗瘴海耳此言君可聽殘更一長更

贈范信中

異時携客醉家蠟燼堆盤酒過花萬里溪山隔春事
十年風景困胡沙鄭莊好渾容如昨何遜能詩老更佳

但得尊前添一笑莫一作言漂泊在天涯

會稽石道妻教授南劔兵火搶攘之餘興治
郡學尺椽片瓦皆其所自經營也未暮月
而學成遠近賴之又祠前輩賢者以風勵
多士使游其間者望之而心化由是而入
堯舜之道不難也古之教者蓋多術矣五
帝憲三王有乞言憲賢於乞言也道叟知
之矣呂本中為作詩叙本末云

聖遠道則微世久學欲絕區區續微言未易勝邪說
石戾東南秀睹此心欲折分教南劔州意在補正缺

歛令兵火後復見俎豆設廟貌甚尊嚴上下有區別
先生默無語風化動閩粵斯文自明白如仰見日月
坐令穿鑿悞不待湯沃雪不知旁祠誰今代古豪傑
孰能與之齊共此歲寒節入門日在望未返意已竭
由來正心術不在費頰舌乃知薰陶功自與聞見別
參魯回不愚亦豈有優劣此理倘可求萬古同一轍
前輩謂陳了翁也

寄計議弟張彥寔錢元成夏庭列

遠書來稍稀叙經月病微官自拘束歸興復未定誰
能勞苦相頗亦奉朝請安身子有道可保在不競寧聞

鄭子真肯待當世聘張錢平生歡未貴渠有命舊交
餘此人豈減昔日盛夏即來幾時問學當轉勝高風
隕寒梧想助筆鋒勁同歸定何日不必有三徑相從
說平生保此一室靜

寄內

一作家

弟并示仲輔諸公

江浙書音絕不聞每逢時節歎離群一炷多病常嫌
客日無聊只閉門淺學未容窺易象舊書作復
誦玄文莫言耆舊彫零盡海內交游尚數君

簡范信中

詩人例窮君不然畫堂繡戶羅嬋娟當時乘醉出三

峽至今妙句留西川底事新來多退縮梅花滿眼看
未熟便期載酒約來冬似要惡詩相抵觸曉來寒凜
似中原君忍閉門清晝眠我病猶能相追逐知君心
期終不俗但携二妙喚諸公一醉落花吾亦足



東萊先生詩集卷第十五



呂本中居仁



再簡范信中益謙呈張仲宗

昨日之游樂不樂主人愛客亦客一作不惡梅花遠近
遍川谷雨練凍一作風掃未全落明日之游復如何城
南城北梅更多對酒我不飲把琰君當歌酒高雖勤
主人費且幸吾黨頻相過梅花縱落君莫歡與君同
住海南岸花開花落都幾時君醉我醒人得知相逢
一笑俱有詩如何不飲令君嗤

寄晁恭道鄭德成二漕

二年住閩中不識建溪茶處得殘杯顧未篋齒牙

飢腸擁滯氣病眼增昏花故人持節來憐我病有加
會當餉^絕七品不但分新芽蒼壁月墮曉寶騰金披沙
一洗肝肺淨兀坐如還家陰雨又不解天氣復來家
持詩寄兩公請為交奮誇便續北苑譜即日定等差
連得夏三十一斐兄弟范十五仲容趙十七

穎達書相與甚勤作詩寄之

閑居病亦侵世務每絕念猶^憐二三子從我久未厭書
來不改昨意苦辭亦贍問我來何時期我早會面我
行但謀食欲去復來便要當相就居同止山水縣讀
我所傳書亦足滿素願開卷忽有得如酒^飲醇酒釀吾

聞古志士學也蓋有漸欲升夫子堂不摘屈宋艷倒
籬望青天豈必在窺覘它時倘從容此語子可驗

送錢子虛撫幹往洪州赴新任

君不求時用居然如病夫經過閱歲月相伴走江湖
白玉終無玷寒松保不枯同官多勝士總為致區：

又

老矣吾無用埽歎子未宜端能出奇策略為濟斯時
悶有書遮眼閑須笏柱頤西山有爽氣當報故人知

題晁茶道喜境界圖

疇昔相逢^從三十年如今休去不^此禪知君參見法輪老

始悟蒼、便是天

又

境界本來無善惡人間何處有新圖欲知箇裏真消息臘月寒松永不枯

簡乾元珪老

問訊乾元老江頭幾日回還應艤舫待不作御風來漫有經旬別頻思一笑開庭前荔子熟尚要著詩催

贈揚紹祖

城東往還者相近得楊卿處世如無事為官不近名匣藏防身劍案有讀書檠此外唯尊酒時時喚客傾

謝宇文漳州送茶

暑氣侵人病逾劇虛堂坐調出人息漳州太守送茶來王圭小鳳俱無敵太守憐我病無語故遣此茶相勞苦千金一餅君未許百金一盞如濃乳其它闔菜未足數不視絲絲等塵土病夫未飲病先愈坐覺爽氣生肺腑城中車馬鬧如雨更有藥善如君否

夏日

暑雨遂經月客來因稍疎閉門觀易象反復看何如妙處元非畫微言不在書故山初未遠舉首是吾廬

過劉忠顯公鄉縣作

疾風如勁草，去亂識忠臣。自古有此語，今代豈無人。
劉公生東南，節義邁等倫。時危出一死，以捍胡馬塵。
遂令天驕子，稍知吾道尊。至今生氣在，凜凜凌層雲。
我行崇安野，瞻望彼高墳。流澤既未遠，有子賢而文。
會當廣德業，早為達殊勲。此意苟不泯，楚人生伍員。

夏日深居

忽、車馬未言還，因病深居未得閑。更為故人留一
夏，稍移行李過東山。

又

故人多住城東寺，還許相過結淨緣。海寇求降荔子

熟是中風月，可忘年

乾元副寺欲還雲門

子有四方志，雲門尋舊游。溪山往時夢，江海向晚秋。
物態隨高下，生涯任去留。閑將問菴主，如以是禪否。
慶克侍者以詩相贈，偶成絕句謝之。

滿城車馬雜塵埃，所至如雲撥不開。只有兩禪克侍
者，肯衝劇暑送詩來。

渴雨簡張仲宗

強讀文書不補飢，只今一飽尚難期。薄雲未肯蘊禾
稼，細雨才堪濕荔枝。

又
雨溼平林松桂香
斷雲冉冉拂踈篁
江山故自可人意
從汝歸休策最長

謝楊紹祖惠玉友

我來閨居中中熟
久斷酒端居苦無
事神氣思內守
故人憐我病小缸
送玉友極知汝不
凡嶺海見未有
感君意則重納約
况自牖欣然洗盞
嘗不待捧素手
空盈貯玉色一洗
市沽醜坐令百病
去敢復望升斗
從今破酒戒可以
入道不

與李似宗別後奉寄

昔者相過今幾時
心期雖在事多疑
滯留江海君先
病悵望雲山我欲
歸老境猶存作詩
苦故人多有食
言肥漢陰老父如
無事肯復逢人論
是非

作雨不成旱暑愈甚未能就道

三日陰風雨不成
坐嫌衝暑作宵征
敢因貧故累公
子尚欲閑時尋友
生兵甲未休心已
醉詩書頗費眼
猶明便須準擬庵
居用拄杖繩床折
脚鐺

聞鵲

一夏病如此它鄉
閑未回踈簷聞鵲
喜知有遠書來

荔子

南征未厭苦關山荔子今年已厭餐時有野僧來獻
供每煩佳士約同槃門前炎暑三伏旱生上冰霜六
月寒它日一尊頌念此中州傳買半黎乾

乾元真歇教約它日同庵居

與君俱自走天涯何處雲山不是家城市少留真夢
事林泉高卧亦空花之無佳句彫肝腎漫有微言到
齒牙它日一庵如可必願分齋糲半甌茶

將發福唐一云李林易兼簡士珪

盡此一囊粟我行當有期玄風吹天涯增我別後思
結束向行在問子還來一作何時初無濟時策處事多

參差環視中所有無一施可宜形骸久已病敢微當
世知不蒙明友責定遭兒輩嗤矧此世外人勸歸常
恐遲相尋有如日請盟吾此詩

聽雨

日數歸期似有期故園無語說相思芭蕉葉上三更
雨正是愁人睡覺時

末利

香如含笑全然勝韵此比醑醺更似高忽報諸郎例升
進顏容老子便歸休人傳胡虜三年早勢合山河一
戰收頌我迂踈最宜病祇應隨處是菟裘

夜涼早起尋李貽季陸慶長所惠詩有作

夜長忘陰晴忽聽簷雨滴空房閉重門涼氣通枕席
欣然欲攬被如覓舊相識那知庚伏內得此睡通夕
起尋兩君詩令我生氣力成蹊長桃李已自除荆棘
遠游得數士舍此百無益桃燈視皮膚不顧蚊蠶赤
因之不復寐為子增嘆息

聞大倫與三曾二范聚學并寄夏三十一

我思臨川居欲往意未慊每懷三二子歲月多荏苒
後生名御所習正是絲在染未須極軒昂且須就收斂
舉動思古人此志豈不遠才雖有高下事亦要強勉

顧為江海深莫作盆盎淺

又

世人爭錙銖未語色已變居然面頰亦自處亦已賤
寧知烈士腦渠自有志願一介不妄取萬鍾我亦倦
古人有伯夷名冠太史傳

又

見人輒有求所以百慮非但能守箠瓢何事不可為
愚夫飽欲死志士固長飢出門萬里塗其亦御所之
又

莫惜一日勤而忘終身憂農夫力耕作其必歲有收

秋前不鹵莽久亦有倍收少年不努力長大渡何求

別法一上人

我有江浙役子能乘興來便同湯院浴却為故人回
此道恐遂絕後生良可哀試尋鑰匙子一一與重開

別後寄蛙粹中一作鼓山

海上相逢兩過秋飄然乘興亦悠々送行百里還歸去
同是江湖不係舟

哭王元邁

紛紛舉手爭毫末砥柱當河獨不流一夕便隨波浪
沒天涯黃葉更悲秋

別林氏兄弟

二年住閩嶺所閱足青紫那知萬衆中得此數君子
相從不我厭但覺歲月駛高論脫時俗如風濯煩暑
出處雖未同氣味固相似人生有離合一作昂所畏為
物使要當啜英華不必計植萍一作昂它年肯相尋在彼不
在此

本中欲謀它日復來福唐之東山林少穎請
作詩以記兩絕

老大馳驅百不宜敢將筋力蹈危机它年更欲眠雲
住同過東山嘗荔枝

又

更作東山住尋盟尚有詩看君騰踏去及我未歸時

謝人惠陳家紫

煩君惠我陳家紫萬里漂流合得嘗莫道聞名不相識奮隨邊實到吾鄉

閑居感舊偶成十絕乘興有作不復詮次

四海交游一信民後來情分更誰親可憐相伴谿堂

老一去塵寰三十春汪信民謝無逸

又

一世聲名高與閑亦知不合住人間不令整頓乾坤

了虛逐松聲半夜還

高茂華秀寔閑沼訛叙

又

壁老投冠去學禪堂一一一作鼓陳無前平生老伴

唯均父馬病塗窮不着鞭旣節德操夏倪均父

又

屏醫却藥病良已絕學捐書我又休却到舊時行履處五湖烟水上漁舟

又

萬里飄然不繫舟老來專憶舊交游西風日落中原路虛度江湖數十秋

又

唐子直心絕可憐夏侯苦節更難傳諸晁事業風流

在各有殘詩十數篇唐廣仁充之夏侯髦節夫晁載

之季此冲

又

平生親愛獨諸晁叔也相親共寂寥半日不來須折

簡暫時相遠定相招并用

又

病夫長病合長飢豈復輕隨世上兒雲雨覆翻渠有

分江湖潦倒我無知

又

曾郎學行冠姻親趙子才能又絕倫仲弟故應同二

妙一時先後委埃塵曾元似趙才仲及余仲弟也

又

便欲長休老未能爾來頻愧住庵僧直須棄盡人間

事始見從來一點燈

溫泉一作福州湯院

海上秋來早晚涼客愁蘓醒似還鄉歸途尚欲撩瘡

疥剩乞溫泉一勺湯

將去福州

委曲隨人久未甘
脩然午枕睡方酣
功名到此終無
分身去從來百不堪
為已工夫今粗曉
住山話計久
相語它時不用求
三徑投老才須住
一庵

初秋

涼風驚木葉
意欲作深秋
客病渾如昨
囊空却自由
因閑得飲酒
端坐勝封侯
寄語平生友
當能為我謀
奉呈鼓山雲門二老

汝水相逢今幾年
只今同住海南偏
月明本自無虧
缺山色何嘗有變遷
它日會逢鼎鼎語
一時驚散野
狐禪倘因居士閑
開口却作冲和二月天

從叔巽叔覓茶

疾病侵凌轉不堪
時思一室奉清談
嗣宗已餉兵厨
酒當有新茶惠
阿咸

福建界首寄福州親舊

海上秋風吹客衣
屢煩親舊送將歸
今朝更入江東
路便恐書來即漸稀

嚴州九日坐上贈胡明仲常子正

今年得交舊
九日會嚴州
城角風雲暮
天涯景色秋
功名有長缺
行李付扁舟
苦恨三年別
聊因一笑留
病添文字懶
老恥稻梁謀
活國須公等
吾生便可休

方允迪挽詞

已矣儒林老今為地下郎空山留几杖遺稿漫文章
徑狹風霜遠溪深草木長傷心釣臺路千載閔幽光

又

惟君好兄弟少小共聲名豈止千人傑俱為一代英
云何卧兵壑使至公卿慟哭松風遠悲雲咽莫聲

程伯禹母夫人挽詩

久矣閨門秀端知主在淵相夫成令德教子作名賢
遽逐秋色盡空令莫景遷傷心江左地松柏閉新阡
舊隨賢子後每得熟嚴規未獲升堂拜空成相挽詩

爵頻賜湯沐壽不期願它日家聲在流傳世未知

送范師厚宣諭四川

老境侵尋久廢詩送君寧復似當時
路偃蹇寒松只舊枝想得山川瞻使節使令父老識

家規忠宣公嘗聖朝本意惟寬大網漏吞舟始合宜
王導嘗遣八部從事之部顧和在傳還從事見導
人為各言二千石長短和獨無言導問之和曰明公
為政當使網漏吞舟之與豈可採聽風聞察口為政
導嗟其言

贈了老

前年見公滄海上法會堂萬騎將今年見公浙江
東猶是當年舊老翁送行更有天童老騏驎齊驅獵

東萊先生詩集
霜草野狐射干瞻欲破不但獨噴群馬倒我衰且病
百念絕便得從公不為早忘情適跡亦未是言與不
言俱一掃世人擾不歸家公行問渠有何好

東萊先生詩集卷第十五

東萊先生詩集卷第十六

呂本中居仁

送楊景當時赴夔漕

楊侯從舊名籍：吳中一見如舊識憐我衰頽已侵
怪我辛勤百無益今君遽作巴蜀行江頭宿昔春水
生路經三峽不艱阻遍與疲民間疾苦隨身長劍莫
輕舞試伐蛟蠃斬豺虎北來人士衆如雨得君此行
慰羈旅君但垂情一咲許勝使區：入州府百成因
之遂安堵亦勝無事閑坐否

送徐林稚山赴江西漕

總角相從四十年如見衰病已一作華顛久無耆老

東坡先生詩集
可訪事尚喜交游不三賢未使從容持從橐却令辛
苦上江船百城編戶皆疲瘵日望公來與息肩

將發金陵奉懷張彥實

老矣君何往翩然我欲歸文章晚未用歲月事多違
江接鄱陽路風吹遊子衣不應蘧伯玉獨悟昔年非
初離建康一云鍾山寄范十四弟諸人

嘗憶他年出舊京汴堤榆柳與船平寧知此日鍾山
路亦是東行第一程

又

彷彿車馬未言還我獨支離便得閑尚有同門二三

子肯同今夜宿鍾山

寓會稽禹迹寺

陰雨靜不出端居還自由客來從短褐天氣已深秋
所在兵猶闕中原亂不休廟堂如有意便與萬人謀

會稽初秋

今來留滯浙河東想見閩山荔子紅雖有故人家在
彼可無方便託西風

又

張侯問舍復何時我亦留連去未期便欲為君草堂
客幾時先寄落成詩

故固回首但斜陽所至奔波避賊忙天下何曾有定處越南燕北是中央

又

病來每有居山興老去初無住世心三尺枯桐無舊譜始知三歎有遺音

○錢遜叔侍郎奉京師舊墳改葬天柱謹成挽

詩一首

錢氏霸吳越功德在斯民遜王早退居身退道益尊至今二百年盛事傳後昆文彩震本朝豈惟光一門

後來翰林公又以直聲聞累葉其外家世：悉殊勳善惡久乃效其報於此分商孫傑立者迎喪自中原遂令擾攘後得安久旅魂依：天柱山不必京洛塵死者如有知當言吾有孫小人托末契所恨老不文睹此一時盛忍終無一言越水流不竭越山早不昏孝子亦不墮錫類到仍雲

重陽日西興寄臨安親舊

我來西興口君在龍山旁如何阻一水不共作重陽別浦湖猶白深秋菊未黃遙知對盃酌不記是它鄉

范伯言藥隱一每送范彥西行歸西山

烈士故狗名中民但榮官寧知陋巷士堅坐有餘歡
出後聖師遊歸坐守一簞出門視天壤密迹心自寬
范侯懶仕官決意歸西山有葉隱此地可盤桓
誓將從古人上追孔與顏有田可以耕可屋可以安
寧能伴兒曹日夜不得閑我亦倦游者去味更百難
夢寐想君家父子兄弟間便當卜隣居一生長往還
相依得情話出語清肺肝後生有郢質更為斲其漫
君行問安否此盟當未安

題趙祖文盤谷圖

趙郎落筆寫盤谷正是太平無事時今日太行那有

此滿山樵採盡胡兒

送胡明仲知永州

君行西遊浮沅湘洞庭岳麓天一方嶽前老人望君
久歲晚不嫌歸路長晴天萬里去鴻鵠韞玉未售猶
深藏遠行固是君素顧多奇謀羞自獻後生紛
了目前大策定非凡所見簿書汨沒渠自忙道里崎
嶇我不倦百川東下例無澗要君疑然如斷山我老
無用途多
契間曾次偏塞 未寬日
夜矯首須 汴 風君不難不使量炎漫 端

孫首之短堂

孫郎囊空意且滿因謂身長才則短以短名堂未
成長短是非俱不啻嚴州一見 滄浪贈我新詩如
夜光何時到君短堂上更話如今歸興長

贈孫首之

予窮非一辟丹塵固長久自從太平時以至戎事從
今茲益窮甚所至但縮 遂令甑生塵不止 見肘
未能脫身去且作避地走金盤貯火齊熟視不取
溪船一濤江亦未遮南斗固知松栢坐必不 矮
見我嚴州城世事懶到口念子抱奇才有節空
箠輒在陋巷世亦知此否乖離勿重言 甚且飲酒

朱成伯秀野堂

客愁固多岐我懷亦蕭散連年尋故人見予二水岸
官居少閑暇歲月忽已換有堂名秀野未入俗眼看
得名自君子可當清淨觀未能菽桃李且自飽藜藿
荒涼城一隅初不越門限脫身少年場念此已熟爛
嗟子老病侵閱世益多難相逢默無語自足洗憂患
窮冬足雨雪近市乏薪炭時來上堂尚得一聲桀

次秀野韻

忽見新亭起廢基暮雲踈雨兩霏霏憑欄一望長江
遠鑿石新開小徑微治世從今可招隱至今何苦更

東坡先生詩集
藏輝使君不厭賓朋集正為飄流到眼稀

○又

舟中來往開回環今日陪公得暫閑
漸喜著身人迹外勝如隨衆馬蹄間
縈紆細數溪頭路蒼翠遙看雨
後山正恐朝廷須舊物不容常此面孱顏

甘棠樓

高樓面：好舉目是溪山急水瀉湍瀨諸峯呈髻鬟
聊為半日出得伴使君閑作者風流在承平氣象還
身雖住世網心已離塵寰未厭陪遊數惟愁覓句慳
高風雖在望逸韻恐難攀咫尺蓬萊路惟公指顧間

師奴病化

伴我閑中氣味長竹輿游歷遍諸方火邊每與人爭
席睡起偏嫌犬近床能与兒童校幾許賢於臧獲便
相忘他生尚欲隨吾在要奉香爐澆水囊
受戒不捕鼠聽經如欲鷹誰知兩溪畔今日送亡僧

舟行至相廬

乘舟待潮發一日到相廬物色寒初甚溪山西不如
往來真是夢親舊不須書猶勝鷓鴣夷在時容托後車

示兒

忍窮吾有味離句汝無功客舍鶯塵裡春隨浩蕩中

東坡先生詩集
初無買山費真與住庵同更恐顏回宅簞瓢亦屢空

陳朝奉坐化

東風吹雨欲翻盆杏樹前頭柳暗村試問老人何處
去夜來新月又黃昏

嚴州春晚

居閑病常嬰出郭春已老微陰淨親綠轉覺原野外
故人各漂散頗恨來不早尚有壁間詩猶堪寫懷抱
是月之陰晦暮春常苦寒閉門猶疾病春物豈相干
堅坐客已少長貧心自安幽蘭有花在尚肯結餘歡
予將為三衢之行下塔僧惠道求詩留題因

成絕句遺之

欲過城東病不能飛簷高棟想層：半年夢作嚴州
住一首詩留下塔僧

將遣三衢而七弟欲往臨安臨行作詩奉寄
弟要題詩別人還勸我留如何南去路更送北行舟
處事須遠畧擇交當廣求秋風理歸棹為我上衢州

椿閣

往時椿閣老盛德傳鄉閭至今風流在遺芳殊未踈
有孫仁者靜遠近服其賢定知建德民祝令如翁年

弋陽魏全賞音亭

東坡先生詩集
高亭已寂莫山水自清音主人去已久此意誰復尋
夢回還舊觀川上有微吟於焉繼前作因見平生
建安熊述之為令建德不言而民治將適三

嚮笛詩美之

熊卿治建德隱几心若水民肥吏乾枯亦不用管箠
問子何能然此豈力可使建安今多賢於子可見尔

又

建安固多賢故人劉與胡山川古秀潤珠生崖不枯
我病日已懶觸事見迂踈行當脫身去一屢從子居

擬古樂府

高堂陳八音同聽不同樂狂飈送鴻鵠萬里翔寥廓
一去三十年事非前約當時綠綺琴塵埃無處着
時節非不久此意但如昨

已未重陽

病無佳思只深藏漫遠東籬菊未黃最是一年秋好
處可能無酒過重陽

李城拙軒

念彼巧者勞知此拙者安拙者固無營一生長得閑
子豈真拙者托此以自安何嘗曳長裾願肯卑小官
世人極變態翻手覆手間子獨如不聞默坐安如山

東坡先生詩集
九衢走紅塵不自不相干我老始見子古井久不瀾
贈子拙軒詩留子靜處看當蒙一咲許敢言愁肺肝

清慎軒

清慎軒中一事無午寤高枕似吾廬世人稱意何須
道乃祖風流正不踈

將往城南觀音菴阻雨未果

野寺他年別溪山浪作秋初涼頗宜出小雨故妨游
僧老渾無念田荒近不收猶思五更懺清切勝蠻謳

余廸漫浪齋

顏子在陋巷無一當其心日惟聖之學正自惜分陰

子生千載後此意尚能尋齋雖名漫浪迹豈計浮沉
文字浩今古不受俗務侵端如貯美酒妙處當自斟
臨卷有得如未君義臨即此是聖域子行無滯淫

無題

我病無能到處窮子才安得尚漂蓬如何共飲重陽
酒相對無言似乃翁

又

重陽共採東籬菊却似乃翁年少時顧我無能甘老
病相尋惟有向來詩

又

東坡先生言集
聞鐘即起待天明客舍無聊坐五更何日長風破巨
浪看渠萬里出門行

又

平生飽我飯脫粟靜夜一眠尋細書可見烏衣諸子
弟從來志業不如渠

邊愁

胡人吹短笛一半是離聲想得南飛烏雲間亦厭聽

又

愁聲晚來急邊塞乍寒時不似江南日愁多只自知

招范四弟

涼風忽滿簟江漢有歸心顧我病如昨憐君窮至今
苦嫌歸夢短不厭酒杯深試問玉川老何時許降臨

衢州路中

今日衢州路師奴不共行阿童渾似汝只是太麤生

憶福州舊居菊花

問訊堦前菊如今屬阿誰祇應風露底猶記摘殘枝

求趙表之墨

超然堂中墨如戟支撐宗門渠有力恭得諸方一味
禪以此示人：不識病夫見之喜折屐便欲投詩恐
無益主人各是家風會見琅：送珪璧

陋巷

陋巷客自稀短日寒未到感君時一來得以慰懷抱
論文有根柢落筆清且與如歌五絃琴促軫有餘操
黃花開正繁薄酒可相勞請君尋此盟妙處同一造

示聞生

形容落魄猶須酒疾病因循久廢詩忽見聞郎七字
句却如王謝少年時

簡何居厚

我乏濟勝具子懷經世才寒窓得一咲陋巷絕纖埃
白酒難克醉黃花只強開更憐事日時有好詩來

謝八送酒

他鄉逢故人已覺意氣盛得君雙榼酒起我終日病
清如兩龔潔氣出徐邈聖乃知無功鄉欲往有捷徑
一杯我已足不必有歷聘扁舟下東陽此計或未定
尚欲尋舊盟短拙恐未稱先生昔降臨時掃一室靜

東萊先生詩集卷第十七

呂本中居仁

聞蔡九弟十四弟到行在

苦懷吾表弟別久費相思
愛客能忘酒長負不廢詩
每蒙高士喜終少貴人知
試問遊吳興何如在蜀時

贈蔡九弟十四弟

年來疾病日衰頽
忽報山中兩弟來
徑欲相從營一
醉未須辛苦便輕回

病中

貸米供晨炊尚欠數
束薪平生甘此味
此去未為貧
新霜已嚴厲况我病
經旬但守此心足
無為思古人

病中曾端伯見訪

不見倉曹十五年
江城相遇各華顛
何時更踐隣居
約判斷諸方五味
禪浮生擾亂初定
久病昏閑
始便欲問小童
尋大隗勝於猛將
画凌烟

無題

一任衡門可雀羅
時容歌枕聽懸河
因君小試屠龍
手要與午窓降睡魔

送曾吉父

吾道從來到處窮
八珍常與一簞同
子房故是青雲
士地上乃逢黃石翁
聖學有傳為可喜
宦遊少味自

無功亦知湖嶺如
江湍盡在先生指
顧中

次曾吉父蘭溪

夜窓相對不成眠
苦為離愁定不然
政以蒼生未獲
息思君日夕望回船

又

春信先尋嶺上梅
兩年零落待君開
非關使節須重
到自是溪山未遣回

又

久藏身不厭深
舊遊風物要追尋
書來肯附銅魚使
記得今年病不禁

窮臘有懷

冰霜底窮臘伏枕久亦倦思公如和風咫尺未得見
人生無賢愚各自有志願但得所趣公固不我賤
何須肱九折始見金百鍊平安望中原棲息各異縣
尚欲從公遊衰年保窮健

病中聞諸范日赴飲會

諸公相隨日酣飲我病昏：困衾枕人生苦樂故不
同世味再尋如拾瀋良醫更在肱九折曾子從來日
三省不離方丈走諸方萬事只如驢觀井

深居

深居如山林初不遠城市塵凝喜事少犬吠知客至
生涯付衰疾日力破昏睡欣然一笑足自省甘若薺
收身當在早過恐少味

慶大悲閣成

自離閩嶺罷叅禪疾病深藏不計年尚得閑人相印
可隔門惟有白衣仙

贈人

堅卧因循欲過冬故人無復馬牛風得君好句能忘
病笑我長飢不諱窮清夢肯嫌齋舍冷破囊常伴酒
盃空新正所願長窮健剩作歌詩準備公

送廣東漕范子儀

為我三衢居君作番禺行君行我方病歲序仍崢嶸
嶺海未寂莫斯民亦憔悴得君鎮臨之固可以卒歲
嗟君盛德後窮獨與我同比年數見之長在苦寒中
番禺盛賓僚莫如元帥賢君行問安否道我如昔然
夜聞諸生讀書因成寄趙十七姪
紛：藥裏了新正北望蘭溪不數程且喜諸生會勤
苦夜窓如子讀書聲

夜坐

所至流連不計程兩年堅卧厭南征荒城日短溪山

靜野寺人稀鶴鶴鳴藥裏向人閑自好文書到眼病
猶明較重定力差精進在：蒲團坐五更

簡李巽伯

愛酒舊無敵能詩新有聲荒城時過我長句屢尋盟
厭病時招客因行不計程祇應有餘暇未肯賦閑情
一本後四句云往事十年夢生涯
三尺檠却憐陶靖節着意賦閑情

追記昔年正月十日宣城出城至廣教

嘗憶它年在宛陵好山松竹面層：江城氣候猶含
雪草市人家已掛燈每怪愁腸難貯酒時隨拄杖出
尋僧如今轉覺衰頽甚病坐南窓冷欲冰

病中上元

病久仍多事深居未識春慙慙今夜而且為阻遊人
三衢上元

俗事紛：避作煩夢中時厭兩聲喧但看閑客時來
去勝說群兒手覆翻事業不同俱可笑形骸如此尚
何言他年更有相逢話同是三衢過上元

贈人

剩作閑官不計年得公相近轉脩然飽語文字能生
病始信虛室不住禪水溢船回休進棹路長
加鞭漫成拙句為公壽要作新正第一篇

官閑贈人

自喜閑官不計負月叨微祿勝歸田藥囊往：充詩
藁米券時：當酒錢忍病作勞吾不厭對人無語子
差賢不須更見盧溪老會得安心即是禪

正月十七日

今節今安在晨鐘奉夙興空庭留素月廣殿有殘燈
笑語已難已經遊如未曾吾衰得堅卧差勝住房僧

病中得舍弟信

頻通婺女訊兼得稽書歲月呻吟裏文章困睡餘百
年判憔悴萬事付迂踈尚欲身強健相從得定居

疥

癢痒挽膚無春冬為害畧與惡疾同只有瘡痂不相
負夜闌長滿寢衣中

正月十九日暴熱

一夜飛蚊逸鬢鳴都忘時節是新正祇應朝暮須風
雨便作踈簷瀉竹葭

即事

十年不調張廷尉一字拔人山巨源萬事重尋已陳
迹此公相對不忘言故人久已音書絕古寺終嫌市
井喧更欲移家近深僻漫留書冊教兒孫

送何仲告往西

江西

紛、車馬鬧如雲膏火煎熬祇自焚亦有故人來問
疾苦無佳思與論文江湖老矣頻搔首毛髮脩然政
似君但日卜隣猶有約靜中風景要平分

寄臨川親舊十首意到輒書不復次序

偶從行李轉江湖所至脩然一物無午枕久拚閑事
業夜寔新有靜工夫

又

少小交遊不乏賢二三豪俊聚臨川自從老大飄零
盡獨有殘詩數百篇

又

屢試吳中千里葦
關中荔子亦嘗親
獨遊每恨無佳
思正好溪山少故人

又

故人自失稔中散
疾病氣顏轉不堪
猶喜閑居有賢
弟且隨長缺住江南
季平

又

張卿別後且郊居
無復黃公舊酒壚
試問今年有閑
暇亦隨書劍入城無
文叔

又

交遊疇昔位臨川
博士高風世不傳
饒謝得名三十
載當時已道小汪賢
叔野

又

故人子弟惟汪謝
每一思之忘寢興
莫道臨川便寂
寞後來相繼有諸曾

又

吏部聲名動一時
中原人物未全衰
衰依推不用還歸
去坐守遺經可療飢
子禮

又

金谿比復何如二
董風流却未疎
聞道移家遠城市

欲携書籍更深居彦先彦連

又

愛賢如渴吳夫子不染世間兒女塵老病不逢終不
悔後生離復記斯人吳迪吉

奉懷季平范文獻成兩絕句錄呈

形骸已病尤宜懶歲月長貧屢有詩。猶得深居少塵
事只如今在嶺南時

又

新年為况復何如尚有心情打酒無。只恐後生行樂
處轉嫌吾輩白髭鬚

病中寄胡原仲劉致中

累月不羈書我病亦在床仰見出林鶴如覩二子翔
冰壺貯秋月所至有輝光。僻郡足風雨酒春猶雪霜
閨水遠而清閨山深且長。何時一尊酒更復議行藏

才元相遇三衢偶成近體詩一首奉呈

紛々俗事起如毛病起南窓厭作勞。正欲往來求飯
飽敢將辛苦治名高。長閑似稱三冬卧舊學虛蒙一
字褒他日相逢有餘地尚容衰晚鬪堅牢

無題

衾綯尚冷知春早。意緒無聊覺病深。夜半改詩緣底

東坡先生詩集
事向餘習正關心。

寄人

世久無高識斯人我獨知子行吾羨子雖病敢忘詩

又

念昔無事日同升夫子堂江湖晚相見猶喜共行藏

○寄祁居士

世久趨浮末於時爾獨賢閑遊衆目外却立萬夫前

老驥空伏櫪長琴有斷弦傷心共隱地回首更茫然

贈人

野寺猶堪隱人言懶復聽十年事夫子今日得儀刑

又

病欲相尋久未能虎丘山下在家僧諸方本末須君
記拈出叢林舊葛藤

又

昔年曾侍老姑傍誨我全身只退藏長恐風流便疏
遠子犹他日及升堂

識

跬步無功已厭遲後生誰復肯從師無人謝子閑居
意手冷深藏只自知

又
三江古路更深居白首窮經一丈夫借問新年入城
市亦曾頻到虎丘無

寄朱希真

幕下諸侯老微言衆不聽祗應有論時復注前經都
古踈還往官閑任醉醒主人鵝可換更為寫黃庭

寄向縣丞

念子他時兩頰紅十年奔走變衰翁耐官丞相風流
在坐守箠歎不訴窮

病中

藥裏關心老不宜只今筋力已全衰何由更得身無
事却似他時把酒時

山城

山城雨雪繁春色來不早思君如和風未見意已好
時蒙枉車騎笑語得傾倒我能知子賢亦憐我老舊
交半鬼錄在者迹已掃慨然念平生念人惡懷抱相
從飽喫飯此計或未保東遊有前約預恐別草豈
無一言贈妙句寫默藁出戶仰高山猶堪慰枯槁

病夫

病夫坐穩懶出門底事逢春作癯瘦故人相尋不悞

遠欲以一盃為我壽鋪張古昔別大義勸使忍窮如
忍詬感君意氣但如昨願我情懷已非舊平生甘作
蟻旋應萬事只如船放泊十年參差故鄉夢一心守
待靈芝秀辱身竊比柳下惠疾惡幸逢朱伯厚他時
城市望雲山歲晚何由數相就

無題

心廣體故胖意肅氣自屏顏然萬物表樂於一室靜
念君久安坐轉覺此味勝踈籬過野馬破牖行日景
但令此意真不必費譏評想當溪山橫更有松竹映
隱几得晝眠此固可補病

偶成兩絕句奉寄文若庾列

強欲馳驅老不宜故人雖在費相思祇應大府多還
往職事雖忙不廢詩

夏子經時不寄書十年奔走尚窮途不知自到高安
縣亦有心情寄我無

寄閩中親舊

濃陰蔽烈日小院有餘涼頓覺枕簟好時聞芰荷香
秋成今可必衰疾未相妨徑欲閩中去尋僧不裹糧

廖用中世綵堂

廖氏居七閩土俗變齊魯子孫仁且壽每繼先父祖

作堂名世綵此意天所予近者得矜式遠者快先觀
今公怀直道和正有區處還家上此堂父祖當笑許
小人慕清風想像濯煩暑孰知少年場有此毛髮古
何時望世綵得聽公笑語老松卧歲寒亦以蔽風雨
人或不予知亦莫予敢侮

劇暑

劇暑先庚伏經旬在炮燔今夕驟雨過我病亦少安
涼風醒病骨好月上更闌尚恐賊報急凌風無羽翰
閩中故人書日夜望我還無車載家具欲往故不難
所恨去已晚不及荔子丹家々有白酒自足解愁顏

即事

經旬困炮燬今夕有微風市井囂塵外溪山嘯傲中
秋涼亦不遠吾道恐終窮準擬閩中士今年一笑同

秋日

斟酒莫辭酒琺寬酒寬琺少寬令心安客遊無聊思
舊歡舊歡新愁千萬端如何不飲空長歎歲云秋矣
風落山白露應節衣裳單南遊並海當不難雨雪欲
下何時還

懷秋

秋風日夜至念我少年時新涼喜欲舞至今心未衰

心雖未遽衰老病則已甚頽然坐前楮乃若兩鳥喋
予病少則爾衰羸非獨今徘徊以傍徨何以異夙心
死者合已死空費子百慮在者亦已老契濶少相遇
洗心西方觀子復未肯然胡然競日力今年如去年

贈范十一

君去留不得我窮前未聞如何出籠鶴更送離山雲
歲晚逢同志人稀莫離群肯思臨別語只用十年勤

秋日

少年固長貧長歲復多疾閉門取堅坐到此多事日
不嫌冷如漿所要甘似蜜舊書堆几案老眼厭塗乙

不如壁角坐萬事付以寔况今雨澤足已覺憂患失
秋成日在望所至有梨栗賊報雖未哀一飽良可必

讀書

老去有餘業讀書空作勞時聞夜蟲響每伴午雞號
久靜能忘病曰行當出遨胡為良自苦膏火自煎熬

宿昔

宿昔尚煩暑平生悲遠遊長貧不貴酒雖健懶登樓
晚節勞千慮經年走數州新涼事一好只是追防秋

謝人送詩

堅坐少愉樂欲行還滯淫特蒙七字句可慰十年心

歲晚日晷短天寒霜雪侵主人不厭客敢避酒盃深

水仙

澹綠衣裳白玉膚近人香欲透衣襦不嫌破屋聽聽
甚肯與寒梅作伴無

其二

破臘迎春開未遲十分香是是苦寒時小瓶尚恐無
佳對更乞江梅三四枝



東萊先生詩集卷第十七

東萊先生詩集卷第十八



呂本中居仁



暑暑

平時遇暑暑庭戶有餘涼一紀走南國炎天非故鄉
寥々秋尚遠杳々夜先長尚可留連否年豐秔稻香

教授鄭國材挽詩

松桂在荆棘所趨故不同維云被剪代所至仰清風
念子行古道簞瓢生屢室我來則已病不復能從容
平生務躬行聖處久收功堅坐想顏子欲往吾其從
丹旒忽已遠暮靄千萬重論文一尊酒堅坐更誰逢

無題

柴門羅雀懶頻開
喜有新詩到眼來
聞道繫舟城脚底
莫乘溪漲便輕回

又

入秋多病渾無酒
學道無成却讀書
莫謂窮居便寂寞
天涼犹枉故人車

潘義榮惠木犀

年々無酒對新秋
辜負涼天懶出遊
想得故人憐我病
故分巖桂洗窮愁

又

掃除炎暑脫氛埃
色似菊花香似梅
知是西風要清

賞少留陰雨候晴開

次潘都尉富季甲冬日採梅韻

暑退園林物々新
過溪風好月初晨
酒壺葢茶具偏宜坐
細草殘花別是春
但得主人令客醉
不辭秋冷和詩頻
從來禮節生疎放
見我狂歌意自親

又

開府新從日下歸
却尋山水對煙霏
剩披詩律留花住
不使親知到眼稀
但見鯢鵬常遠舉
應憐蜩鷓只卑飛
此遊尚恨還家早
未許溪頭送落暉

次韻木犀

折送幽花與做秋溪頭風物未重游已憐多病逢三
盃更喜詩成擬四愁

又

洛陽車馬走塵埃一歲顛狂自探梅還識此花風味
否年秋後兩番開

謝潘義榮送菊

經旬霖雨足莓苔忽喜双盃送菊來已似風霜憔悴
損主人云是待晴開

又

漸開粉白間微黃肯與新橙一例香送與衰翁元未

稱且留青藥作重陽

畜犬

主人長年閉柴戶終日閉雖云伴我懶常有跋扈志
端如在籠鶴又若伏櫪驥舉首望道路久欲從此逝
恨無陸探微寫此師子戲如何尚搖尾更作求食計

疥

刺刺齧疥欲作今年去年只如昨人生縱病莫病
此病雖輕更作惡寒窻夜長燈燼落敗人禪觀妨
人樂安得壯士挽天河盡洗此瘡閑處著

潦倒

潦倒心猶在，哀遲分獨深。如何一朝淚，空費百年心。
好月思同步，清樽懶獨斟。惜哉王子敬，誰復歎人琴。

贈人

他年好兄弟，見我嶠南時。相對能忘病，清言可療飢。
後生寧復有，末俗漫相疑。尚想閑居處，踈燈守破帷。

無題

疾病侵凌我，亦哀後生誰。復更相知可，憐日落長安。
路不見驂駟，整轡時。

寄京口使君

使君鎮京口，隱若一長城。詩律有同社，溪山聊主盟。

囂塵不挂念，鷗鳥自忘情。曾記貧交否，哀顏判此生。

再贈

婺女勝京口，公來歲已秋。閑雲出山寺，好月掛星樓。
往事付情話，故人多倦遊。十年浪奔走，今日為公留。

贈友

子來已冬深，僅得數夕款。寒窓聽談道，未厭白日短。
從來不飲酒，萬事付茗盃。別去今幾日，荒塔月猶滿。

歲暮

歲暮少懽愉，况復嬰病苦。閉門每厭客，幸此連日雨。
寒爐火復熾，乃若相媚媮。披衣坐壁角，妙處時一睹。

風殺耿初夜有句或未吐還書問故人可復一笑許

戲成絕句

老讀文書懶不前亦無餘地可逃禪閉門省事郡囂
遠惟有狸奴附日眠

又

病犬虺隤唯附日懶猫藏縮尚逃寧寒知兩馬霜風
下更有長途不道難

久病

久病畏人事長閑增道心寧貪風日好不避雪霜侵
跼躄身犹在高低手自斟酒盃休厭滿茗盃向來深

又

未愈俱生疾空懷宿昔憂時曰發孤尚足慰窮愁
月落初無念花開不自由如何雁南鄉不共水東流

偶作

不嫌羸病守繩床世念紛紛久已降一夜月明如白
日驟聞急雨打天窓

又

膏火從來只自焚何曾野鶴駐鷄群如何死亦無公
論地下猶存衛府勳

謝滕尉送梅

破帳冷落不禁風疾病深藏稱懶慵忽有梅花來陋
巷喜聞春信出初冬未湏趁雪爭先睹尚恐衝寒不
滿容會約君家好兄弟他年尊酒更相從

遊山

世味日可厭茲遊那得忘稻田疏宿雨木葉犯新霜
潦倒交遊在追隨氣味長僧窓有靜供茗盞侑爐香

李丞相挽詩

舊學邈難繼相期從少年初看騷伏櫪遽作鶴冲天
烈平生志高名萬代傳如何事未濟此老下黃泉

又

兄弟俱英妙毅名萃一門論才無不可於道獨為尊
未定千年策終嫌萬丈渾天乎乃如此不使拯乾坤

又

事業懷蕭相曾襟識謝安流風有餘烈志士只長歎
淮海他年竭冰霜此夜寒向來交友淚南望不曾乾

以一縑寄范四弟

中原厭胡馬所至是賊窟念君室懸罄何以備倉卒
窮冬霜雪繁欲救乃無賊兒號君莫厭婢怨君莫恤
平生師顏子於此見髣髴此縑君所知自我機杼出

江梅

東坡先生詩集
江梅消息未真傳，微露芳心几杖前。不信冰霜能作
惡，要令桃李便爭先。斜枝似帶千峯雪，冷艷偷回二
月天。準擬從君出城去，作輿仍勝百花韉。

鼓山頌法眼語在裏，即求出云大家合眼跳。

黃河戲成四韻奉答

合眼跳黃河，未有過得者。豈惟不能過身，亦須判拾
告君過河妙止要具船筏。來時等風去過此，無別法。

夜深歸家聞鄰家小兒讀書，可喜有作。

還家更寒三鼓餘，鄰巷小兒猶讀書。王侯相將乃無
種，紈袴綺襦寧似渠。北風颼々霜被草，聽汝讀書般。

轉好莫言翁媪惜膏油，有兒如此可無憂。

梅花

野水依城竹映沙，江梅開處又人家。天晴徑欲花前
醉，只恐衰顏不稱花。

無題

德盛不狎侮，玄談多作俳。居然少壯語，無乃近齊諧。
恨此達者趣，猶乖壯士怀。故當先復禮，方得盡梯階。

又

聖學邈難繼，斯文當望誰。還能養志氣，且務揖威儀。
曾子但三省，子長徒愛奇。從來要功處，本不在多知。

贈李元亮之子季子

往時諸李在江都文采風流一代無每得清詩如小
謝已聞前輩許封胡好松久已埋深澗老馬今猶憶
旧途今子相逢初未識尚容衰晚見規摹

二月七日與群從遊陳氏園

平居羸病每相妨今日尋春有底忙何似主人常不
出看人衝雨度浮航

又

橋北橋南花亂開小園和雨掃莓苔不嫌拄杖衝泥
入更許乘閑着屐來

懷許子禮

寒松厭庭院老馬倦維繫偷然出塵去粗免朝夕急
我友隔湖嶺尚作一日葺平生學道心擇善有固執
豈不在行路自遠霜露濕百川灌河來砥柱乃中立
何時一樽酒更與交舊集

雪

窮巷無人對雪小詩自可逃禪看取一年三白喜歡
共入新年

又

堅坐正宜養病開門便當幽尋一夜雪深一尺與誰

取酒全斟

報暉菴

春草仰生活奉暉常照臨不知欲報德何以見此心
江漢有時竭此心無淺深魏氏有令德傳家非獨今
結庵在山阿日瞻松栢林仁風被遠迤猛獸不敢侵
令子守直道意往無崎嶇遂令此鄉人得聞金玉音
我行時序晚回望西山岑延頸長太息聊為純孝吟

贈莊李裕

老矣莊夫子居厭閑肯厭病盛時更讀易憂道不無人
記往詩猶在相逢意倍親尚期香火社文字約遺

民

李尚書挽詞

李氏三吳秀尚書一代英立朝惟直道守已但純誠
報國心雖在憂時病已成入推四兄弟氣壓百公卿
未就養生術獨收強諫名傷心奮遊地城郭漫溪穀

李器之履齋

人履、險巖君履、平地平地信可履行穩居亦易
責已不責人為道不為利熟視履險者豈不心有愧
君家天台守固學有餘味微言化子姪自足警一世
初無舉足勞寧肯半途滯君能識其然我亦從子逝

野寺

曉窻日未融野寺雨欲作
經旬少客到靜坐差可樂
平生遭病擾今更不如昨
囊空畏高醫何以致良藥
所幸秋已至所在身可着
洗耳聽涼風不待一葉落

辛酉立春

中原擾、尚胡塵堅坐江南
懶問津漫讀舊詩如昨
夢都疑往事是前身子桑
自了經時病原憲長廿一
味貧刺忍雪寒君莫病土
牛花勝已迎春

雪夜

破屋除燈雪自明案頭無用
讀書繁老慵已慣跣趺
坐昏夢尤便松竹吟知有
故人來問道久無佳興與
尋盟明年更有闔山興但
辦行纏莫計程

謝方倅惠炭

寒壓新春雪不融布衾如鐵
坐哀翁煩君又送南山
炭更放殘爐一夜紅

即事四絕

老來於世轉無求事業最名
種、休伴得鄰僧忍飢
慣閉門無飯讀春秋
忽、和夢別星樓擾、隨緣
住信州尚笑長江少方
便只教溪水暫西流

問柳尋花懶不知登山臨水病難為
日長客去松陰靜強課兒曹吟和詩

經旬却怕酒盃深野寺雖閑病至今
莫謂閑居厭醫藥未妨隨證檢千金

贈人

中表多離隔情親子獨賢心遊衆日
外氣出萬夫前米賤猶堪飽官閑不
記年春風上巖瀨為我略回船

辛酉之冬周提官墮憲行過

深冬坐窮閭未厭風日惡今晨起
濃陰正恐雨雪作故人憐我寒垂
意到丘壑虛堂排竹牖已覺煖勝
昨

初無穹室勞漸有閑適樂我生甚
易足所至况旅泊不為禦冬計敢
復備墮穽偶蒙戡者念僻處未蕭索
從今作新年對酒且斟酌

寄張仲宗

聞道張夫子今年已定居偶緣荔
子債遂絕故人書歲月足可惜溪
山莫負渠它年得相近不必遠庖
厨

周仲固尚論齋

周侯不出何所為閉門讀書心自
知簞瓢陋巷君不厭讀書万卷能
忘飢上奉羲皇下秦漢來取英華
幾脫腕是非榮辱姑置之忽若乘
船到彼岸古人之學

有傳授君生寂寞千載後問君何以識古人袖手無
言坐清晝以此讀書為尚友是事渺茫人信否人信
不信君不問松栢因難生培塿朝來落葉滿荒城青
山照人溪水橫往來車馬作塵土想君深夜讀書聲
吉州段秀才粟庵

大千非有餘一粟豈不足須彌納芥子豈復論盈縮
今君住世網何以得此獨始知陋巷居已悟不遠復
自如齋

朝為事所奪莫為飢所驅不知六合間何人能自如
永新段夫子屋小心有餘教之有家法逃禪猶作書

醉經堂

紛々入醉夢一語令渠醒段子閉門居云何猶醉經
其醉蓋非醉初無能解醒問經何所說明善故能誠

題焦寺丞詩冊三絕

一世奔波在別離君家孝友獨天知己令好夢傳消
息更有賓鴻效羽儀

路旁來報定何人物理替通自有神想得三衢相見
地至今草木亦長春

河朔家人墮渺茫江南風日正舒長已知原上鶴鷄
處更入雲間鴻鴈行

暴物

暴物者日景頃刻未嘗停隨景移暴物目示令心驚
寓此不停景乃復望長生忽々駒過隙悠々池汎萍
况兹兵火中而每疾病嬰野寺過毒暑早氣浮高城
出門君莫厭宿昔已秋聲

次葉守喜雨

群鷺寂寞已收聲預怯秋房獨夜情忽聽僧簷鳴宿
雨定知田舍舞安眠盡消積暑經時早不厭新涼數
日晴更喜此知賢太守樂為詩頌教諸生

無題

學詩漸老博銷聲末路蒙山此日情尚有文章能起
疾豈惟田里解虫忙近郊秔稻成秋熟遠郭溪山入
晚晴剩繞長廊和新句不知庭下薄寒生

次韻曾宏甫木犀

風吹早暑未成秋辜負江村事々幽巖桂敢煩先折
送好詩仍不待邀求自憐疾病常高枕坐想風流換
此州他日出門尋舊約未嫌踈嬾作人不

贈鄭侍郎二首

便欲深居過一寒破窓重覓舊蒲團莫年生活如何
做子細煩公指示看

幾時不過西禪寺
真自初秋到晚秋
聞道主憐我病
天寒酒未送新筓

東萊先生詩集卷第十八

東萊先生詩集卷第十九

呂本中居仁

次曾宏甫九日韻

僧園晚色散
栖鷄強起新詩整
復斜正想故人披宿
霧恐蒙佳句洗
昏花舊遊社
之違心事老病昏
之漫
歲華辜負重陽一尊酒
且來占雨又朝霞

九日贈曾宏甫二絕

茶花過雨十分香山後
山前已帶霜
何事東籬數株
菊已持青蘂
趣重陽

漸退中原胡馬塵
溪山未厭往來頻
雖無名酒酬佳
節尚有新詩答故人

送徐止秀才歸小葉

後生少規摹子學有根源紛然衆說中獨識孔氏尊
古人雖不作此理固常存滄海無津涯寧有衆水分
鑑明不受垢盡亦無痕子還訪師友當自得其門
躬行見日用餘事不論文

次葉字韻

新正無所為出戶亦乘興欲尋林泉幽不避風雪逆
搜腸乞佳語分外若贅癭故知藜藿樂不受珍果釘
清詩洗病目鄙陋知不稱披雪見新月乃悟本來性
溪山况蕭麗復有松竹映何須待醇酒然後有醅酌

○寄題曾黃州重脩睡足齋

雲濤際天江北路郡古人稀春欲暮平生想像睡足
庵頗見王杜安身處十年兵火庵已壞草莽連崗穴
孤兔使君初來席未暖重就新齋立窓戶疎疎脩竹
帶泉石歷歷幽花點煙霧竹樓月波不寂寞雪堂東
坡復共住昔者全遭盜賊擾今者定蒙神物護使君
忘言坐搔首抖擻衣襟腕中屨下簾高枕百吏散一
任江頭風漸渡會思王杜與新詩夢裏相逢得奇句

重陽前一日作

涼風策策旁江城道路猶寬遠去程秋晚情懷常索

莫夜長更漏轉明未償臍腹三年艾不負膏油二尺
藥明日黃花一尊酒苦思親舊與全傾

春晚

春色忽已晚悠悠此心深居有閑暇令節廢追尋
更老愁何在長貧病亦侵一盃聊自勸不為落花斟

寒食二絕

梨花雪白柳深青也似中原舊驛亭猶記往來寒食
下客房無酒卧空餅
今年春物更怱怱野杏山桃取次紅底事無錢作寒
食可無新語記車公

送曾宏甫知黃州四絕

雨餘天氣欲嘗橙栗可煨炮芋可羹正是一年秋好
處忍令無酒送君行

口脣白醜未嘗聞正始餘音挽復回他日鑪香為誰
起公曾親見了翁來

君到江頭不問津雪堂草木幾番新一生未得文章
力要掃中原胡馬塵

騏驎徐行不離群却行江北訪斯文潘何子弟能傳
業當奉遺書與使君

題范才元畫軸後

昔年曾過嶺南州曾看湘江萬里流妙手可傳詩外
意亂雲寒木更孤舟

送尹少稷賢良還懷玉山

青松在庭檻乃受衆目憐念彼歲寒枝肯爭桃李妍
不如卧澗壑歲久霜雪前尹侯東州英炯若珠在淵
避地走南荒因循田瘴煙歸來懷玉山草三屋數椽
深居絕萬慮讀書欲忘年偶出到城市頗厭塵囂煎
搜腸出妙語贈我以長篇行潦被注挹朽木煩彫鐫
紛々車馬間孰能知子賢別歸值短晷肯復更留連
我老百事廢鈍馬難加鞭清霜粲屋瓦白雲常在天

悵望子所居欲去無寅緣

閑居即事

新鷲音書寂不來略無一事可縈懷春風寂寞花侵
路野寺荒涼草上階剝欲出門留客坐不妨扶杖看
僧齋無人會得龐公意只道淵明是匹儕

偶出謝客

才過清明日更長竹輿頻出度浮梁雨侵田水連溪
白春入山花帶蜜香數有故人相勞苦不嫌俗事且
窮忙今年尚有湖湘興不代待秋風便促裝

蔬食三首

殺物以活己由食固多慙况無一事勤敢於滋味貪
今晨病少間調羹有酸鹹居然飽筍蕨自足慰清饒
磨刀向猪羊渠有十種苦厨人尽心力博汝一笑許
此道在忠恕觀彼更觀汝聖人雖未言寧可自莽鹵
夫子釣不網于理已不隱浮屠斫食由比語說始尽
人生慣便習奉法乃不謹要當守淡薄万事可堅忍

戒殺八首

勸君勿殺犬之有為主心為主反見殺君何無淺深
君貧犬不去君富犬分憂熱以付鼎鑊於君心穩否
畜犬被縛時猶為主人吠之聲不絕口渴涕主已退

主人調醢鹽欲以作滋味持此望身安世間寧有是
犬雖有小過未至不得活賣錢與屠宰使得恣鬻割
君兒小不安君夜不得眠何獨于此犬如此安忍然
勸君勿殺雞之能伺昏曉聞雞君即起一之家事了
一朝被烹煮不念前日功主人取轄飽雞苦固無窮
縱犬使殺鼠之害生百畏其飢使之出此亦有何罪
犬鼠俱勿殺莫計有無功苟以無功死還與殺犬同
願君普斷殺能益君壽數子孫亦長年皆以不殺故
君子遠庖厨非有意于善但能觀自身此理即可見
高臣殺其父身亦烹楚國世民殺其兄亦未妨大福

以此知報應未必在此時此時雖無他終久君試思
虎狼非不仁天機使之然蛇虺肆百毒此亦受之天
顛君勿憎怒憫此心謬用仁氣苟薰蒸終皆變麟鳳

寄初居之

苦憶均陽初處士只今全似住庵僧何時更得相從
去細話叢林舊葛藤

送韓念八迪功

君去留不得我行還未忙漂零更遠別衰疾且深藏
野水千山綠荷花一路香猶思往還地相望隔浮航

謙上人清漪亭

道人結庵殊未就先起小亭山左右不將溪水濯塵
埃且以清漪為客壽雲煙晻霏作春濃草木堅枯辨
秋瘦客來相對兩無語豈有浮辭問時候一生行脚
如夢賚天意似於君獨厚我今尚滯未得往想像此
亭如故舊再三伸紙誦清詩已勝開尊飲醇酎上人錄寄
彦禮彦冲原仲諸公題詩簞瓢可樂不淡薄蘭菊重生足滋茂他
時有暇更分題此遊未落諸公後

送韓臨亨提舉

君有千里行我獨留此居君行赴何許流江闕重湖
我留此山中欲去尚躊躇沅江道里僻罷民待君蘇

君亦憐其民溼沫勤煦濡涼風促君旆小雨膏君車
漸去鶯塵遠及此夏景初野色望行路東門初首涂
風土日已好誰能懷舊廬舉手謝拘束有若縱壑魚
路逢舊交遊相見問何如道我且貧病因風時寄書
和伯少穎迂仲梓歸福唐偶成數詩欲奉寄
無便未果也辰叔常季南還因以奉送
紛々走道途擾々雜泥滓既為風俗移又以血氣使
百川灌何來夫豈有涯涘故人林與李始可與語此
方子獨立士德順歲暮亦深居林李從之游欲出更
躊躇紛華晚不願浮湛同里閭時從陸丈人共此一

篇書 諸公皆從
陸亦顧若

閩山固多奇閩士亦多傑弱水不勝舟有此積立鐵
胡劉守節意亦豈待言說原仲堂之混衆流此固不
得折

經時望子來慰我終歲病西行道路迂欲見復未定
秋毫論得失比豈不有命嘗聞安身要其本在無競

王輔嗣卦解云安身莫若無競
自保守道則福至求祿則辱來寔法言

才叔策名時已自能不動中年謫南荒與世作梁棟
生平所踐履自待九鼎重失固不足言得亦何所用

才叔謙議張公也初登
科時已無喜色矣

送范才元

胡塵犯中原冠蓋走東南同時辟地人不存二三
相逢各衰病豈復能清談君今尚行役未暇脫征衫
聲名自宿昔文字性所耽誰能隨少年下筆令人慙
並海雖名邪嗜愛殊酸鹹君但撫罷民未須嚴轡嚼
開堂宴賓客清詩消半酣時寄荔子來尚能憐我饑
自餘君不問只向鼻端參

贈魏邦達張彥素

公更深居我更衰山林膏壤偶全時西年疾病略相
似二老風流應自知苦學養生猶有累不知閑過是

無為初冬穿遠無他物半夜才成一首詩

送南上人

閑居病益侵俗事初一掃南公犯寒來為我略傾倒
論詩已得妙不必在窮討我懶百慮廢識子恨不早
歸途見徐董明叔彥光更問此二老所恨聊復翁向者骨
已槁彥連拭目看遺文令德惡懷抱南上人叔二董時與明叔墨妙甚富

贈曾吉甫

荒城少往還居處喜相近欣然得一笑渠敢有不盡
詞源以欲竭此道或少進作氣在一鼓軍士况未慙
涼風動高梧塵土朝作陣臨溪惜暫別溪淺雨復吞

宣無一言贈以當百鎰。瞋沉綿我未瘳。李君更慎。

贈魏邦達張彥素

橘綠冬未黃。菊老霜變紫。不知風土佳。但覺日月駛。
聞居得養疾。調氣實在此。從今便休去。敢復為物使。
誰能明吾心。亭邑有君子。

次韻汪教授木犀

治藥呼醫懶出門。每聞樂事漫消魂。秋花帶雨寒猶
在。老病尋詩目更昏。但見晚霞翻雨脚。不知山石是
雲根。主人有意留巖桂。要使貧交奉一尊。

送詹慥秀才

子今來幾時。歲月忽已晚。今當別我去。道里初不遠。
家山霜正濃。馬草寒更短。何以奉親懽。一笑和氣滿。
邇來游學士。已見如子罕。讀書要躬行。俗事不厭簡。
故鄉多老儒。歸日正可款。時能寄餘論。尚足起我懶。
兩州多使人。自可數往反。

靜軒

紛々逐人行。擾々與事競。不知一世間。能得幾人靜。
公今默無語。種々以靜勝。人來漫相接。事至聊復應。
開軒道院旁。足以補我病。日高公事散。轉與靜相稱。
千載師蓋公。此理久已證。爐煙裊晴窓。松聲韻鍾磬。

簿書勿勤來公方在禪定

贈吳周保

舊琴無譜亦無絃子獨深求不計年正以安閑有餘
地不因言語悟先天論詩再到新刪後讀易仍窺未
畫前老病相逢聊一笑非閑無地可逃禪

尹穡少稷方齋

人圓君方君但方鑿圖拙方君不忙富貴可取君則
忘閉門讀書聲琅々舊書重叠堆在床點勘同異分
偏傍運精竭思心力強十年足不離僧房荒山野路
秋水長客雖欲來嫌路妨幽蘭無人為君芳采菊落

英充餽糧客雖不來有餘香

送義先上人歸古田

斷雲無水去無蹤回望關山指顧中何處尋君問消
息古田南路已春風

送范十八

范子閑行之不窮袖中詩卷敵清風野僧道士有餘
意同學故人多近功已辦辛勤十年讀時須談笑一
尊同相看又作韶州客却望臨川是夢中

徐師川挽詩三首

江西人物勝初未減前賢公獨為舉首人誰敢比肩

時雖在廊廟終亦返林泉今日西州路臨風更泫然
異日逢明主端居不復歲一心扶正道極力拯頽綱
已病猶軒轅臨衰更激昂始知操韞露餘事及文章
念昔從耆舊公知我獨深意猶如昨日愛不減南金
撫事思前作於時媿夙心素琴理舊曲無復有知音

即事六言七首

老來與世相忘尚喜攤書滿床憶得少年無事苦心
更學文章
少年與母無求老覓心情自由 倒文章事業追隨
倦鳥虛舟

不入樂天後會不隨淵明酒徒看取簞瓢陋巷十分
晝夜工夫

百壯艾能已疾一盃酒便生春熟睡覺時意思罷勞
歇後精神

游夏一辭不措非閔未究源流直至孟軻沒後無人
會讀春秋

養生不能延年忘言未是安禪聖學工夫安在重尋
曲礼三千

畢竟學書不成誰道能詩有聲點檢平生交舊幾人
曾是全盟

揚雄

讀易先知未盡前聖人何事絕韋編始知揚子多閑
暇更有工夫草太玄

嚴君平

千秋蜀道一君平氣象從來不近名可惜下簾無一
事才將老子授諸生

賈誼

孔丘墨翟並稱賢始信先生學未堅何事退之傳此
謬亦將餘論點遺編

晉二絕

紛々禮樂付浮埃一取玄虛禍始開但見出言齊老
易始知胡馬不虛來

晉朝二士安知禮盡出紛々篡賊餘漫便當時辟世
士放言高論祖浮虛

畜犬雪童點甚勝人壬戌夏暴死作詩傷之
它生與我有微因來見防家最後身共住世間均是
夢未因心境不如人浮雲屢見本無迹又路多歧莫
問津此後窮愁走南北更誰隨馬踏埃塵
伴我走道途直前無葛藤三年貧病裏幾度送亡僧

又作二絕

荒山古寺欲黄昏
梁上諸君欲到門
雨濕雪童埋處
土向來精爽更誰論
客至書來捉不知
都緣通日吠聲稀
蛛絲網通常行
處猶道奔逃未肯歸

攬日

禦盜犬新死放生羊尚存有書消永日無客到衡門
山色熱猶存溪流雨不渾還須止雜念數息度黃昏

懷雪童

若來於世漫多悲夢幻推移且自知想得開山歲骨
處却如搖尾乞憐時送行識我貧無蓋閑坐思渠悶

有詩從此窮居添寂寞夜長誰後^復遠簾帷

即事

畏事成閑厭出遊
故人不見如曹逃
一寒一暑便哀
老如夢如幻無堅
牢客遊滾々漫南
北往事悠々增
鬱陶此去還能安
坐否割雞元不用
牛刀

念舊

俛首思疇昔常期不負渠
事隨心境轉人與舊情疎
少日猶相憶多年遂絕書
况於生死隔寧復似平居

和汪教授

羨君須作綠波竹飯飽成詩聲徹屋閉門不出動經

旬坐看禪房花柳簇却記水霜動地時半夜小園風
折木一尊相對任濁清三徑閑行漫松菊長篇短句
動盈軸想像清香有餘馥問君何以得此妙未聞只
綠山有玉我窮猶敢和君詩不留和氣滿臍腹搜尋
險韻少工夫敢與諸公鬪遲速

癸亥歲正月二首

閑居足因循所至漫冬夏今年忽六十稍覺日有暇
孔子固大聖未害六十化同時蘧伯玉六豈出此下
莊周與惠施初未識此語何因為此語百世呈縫罅
不如姑置之以俟一朝霸

孔子六十時入耳心則通所造不可知誰能強形容
當世設梯級聊發百世蒙如何陋巷顏年少兩頰紅
出門請從之便欲齊此翁心知路不遠試用一日功
還家對簞瓢此士正不窮

寄蔡伯世李良宇

兩君羈旅宦西蜀我亦江南住僧屋想像平生肺腑
親晴天何處飛黃鵠庾郎故是豐年玉道兒更是見
不足慕羨脫粟有餘味富貴薰天果非福死生契濶
今誰在世事悠々陵谷改他年乘興下瞿塘見我衰
顏莫驚怪別尋好語和君詩償盡平生難韻債掃除

壁土更焚香下酒如今有鮭菜

贈魏承事二絕

雨漲溪渾欲折橋水鄉風物轉蕭條煩君下筆留春
住令我寒窓不寂寥

四十餘年別歷陽舊遊如夢費思量眼明見此老居
士聽話舊遊如到鄉

送魏縣丞之官餘杭

君去我愈靜我病君得知如何便相遠未有再見期
溪橋已春晚紅紫久離披初無一尊酒慰君別後思
君才則甚長所用無不宜但當歛光芒匣劍深藏之

初非擊刺肯顧庸人嗤平生富事業餘事尤長詩
當官倘見念琢句敢嫌遲上以寄難兄下以愈我飢

葉尚書普光明庵

日月豈不明之乃有昏晝四時所出火更自表新舊
寧知普光明亘古不傳授獨照萬物表不見所成就
遠乃包須弥近不聞圭竇茫茫獨水源我此明亦透
尚書所居庵草木甚癯瘦收葺万丈光歛退著懷袖
至室久不耀却立万夫後我願從公游昏病方待救
光持此微言遠寄為公壽

焦復州惟正寄鼎復兩州喜雨詩來以近體

詩一首寄之

聞道復州賢太守只如前在武陵時相逢未說為州
樂所至先傳喜雨詩行比曾參仍不魯以君居家政
公龔遂更何疑懸知此去長閒暇定是愚民不敢欺

送范十八還江西劾白樂天體

與君此別重依然再得相逢又幾年無使人言長似
蕩况教人道不如前窮通軒輊皆由命貴賤高低搃
是天只有脩身全屬我少遲留處更加鞭

晁公詩九經堂

人家有屋但堆錢君家有屋定不然一堂無物四壁

立六藝三傳相周旋人言君貧君不顧以此辛勤立
門戶聖人遺意要沉思暫脫楚騷辭漢賦他年相見
問何如且說九經得力處

送端印上人歸福州

不須布襪與行纏參得諸方五味禪散盡白雲見明
月虛空只是水中天

東萊先生詩集卷第二十

呂本中居仁

尤美軒在玉山縣小葉村喻子才作尉時名
之取歐陽文忠公醉翁亭記所謂林壑尤美
望之蔚然者後數年舊軒既毀復作寺僧移
軒山下汪聖錫要詩叙本末因成數句寄之

茲軒在何許遠在洞巖側洞巖山水勝自與塵土隔
天以奉幽人寧肯媚過客尉曹昔吏隱到此若有獲
名軒日尤美盡去眼界窄坐令歐陽公餘意轉明白
車馬走道路我久度此厄茫々六合間予此有安宅
軒雖有成壞山本無異色舉頭見林壑不必更遠索

金雞董需彦光凌岑庵

我為江南遊衰病轉不堪往來信撫問未上凌岑庵
凌岑賢主人清峻如山巖避事若荼苦守貧如薺甘
平生好交游十不存二三令弟又繼往世不聞清談
高風故絕俗想像令人慙浮生有欣戚此味久已諳
請君但高枕客來睡方酣茫茫岐路間與渠為指南
乘風本餘事不向鼻端參

盛華彦光立壑軒

盛侯少時偉儀觀下筆不休人共歡胸中別自有立
壑萬里溪山歲几案往來車馬鬧泥玉盛侯何嘗著

眼看較量今古攷同異并藪胸襟別真贗今朝示我
故人詩老病窮愁得消散故人相繼在鬼錄君雖獨
存飽憂患且住溪南數間屋坐穩不憂時節換人言
丘壑殊不惡君守一立只如昨文章若健氣如虹不
向山巖何處着

送晁公慶西歸

頃從君家諸父遊談經語道久未休死生契濶風塵
起往事追尋三十秋疾病衰頽且深坐喜見後生勤
勝我臨行索我送行詩短句長篇無不可少年學問
要躬行世人營々勿與爭閉戶忍窮心自樂簞食瓢

飲殊不惡紛々得失誰厚薄得此失彼莫籌度

曾吉父橫碧軒

鷺塵等山林此理久未盡君今住世網於此已自信
僧居隔長溪屋古柱礎潤不知市聲遠但覺山色近
開軒有餘地草木嘗夏閏一身船轉頭萬事燈落燼
譬如養在體搔抑吾已認青山故在眼已絕封閉吝
悠然有遐想此語君所印

送邢道州趙邵州歸湖南

相逢不得款柰此別離何長涂已新秋從此風雨多
欣然出殘暑如鳥離網羅我獨此淹留衰病日婆娑

跋足望二子洞庭秋始波道州通家舊口辯如懸河
邵州我表弟玉也保不磨無由得相就相近日經過
黃塵翻馬足未暇眄庭柯何時寄書來與我消睡魔
天涼不飲酒為子一高歌

送方豐之秀才歸福唐

我居江東惟信之州子來自南而與我游問其所友
一時之秀其兄韞德亦既有就子學既立子志甚遠
何以終之止在不倦貧賤勿厭自然無悶富貴勿羨
害德之本彼古之人能聖與仁我胡不能歎其絕塵
今子歸矣歲亦有秋何以告子惟聖之求水流有源

木生有根惟源與根人德文門求望根源惟正之守
正之不守棄師皆友絲毫之偽勿萌於心無有內外
亦無淺深由此則聖舍此則病是以君子所守先正
予以贈別亦以自警為別後思且以三省

向敦弼挽詩

耐官丞相後世固不無人位下能安命身閑不厭貧
還能死異域便足繼前塵此日何山路空悲草木新

向簽判母挽詞

懶作塵寰住靈隨雲雨山人皆欽懿範天不予長年
室靜如歸聽心安勝學禪傳家有令子尚得慰重泉

贈眼醫張子驥郎中

人生所有疾萬種皆眼病由眼不得明故視有不正
指白以為黑遠邇皆未定如何少醫膜遂失本來性
今君有妙手與世脫機穽病雖有多端但以一理勝
不須望奇功藥病自相應吾觀世間物唯眼為至爭
不容着纖毫况復計少刺自古大醫王其治有捷徑
不能添汝明但要除此證鏡有塵則昏塵本不在鏡
塵去鏡自明豈必與物競皎潔玉壺水澄澈秋月瑩
坦然望長途欲往不待倩其說甚易知在汝聽不聽
請君明其然說法我已竟

送晁侍郎知撫州

與君相從四十載，老病昏昏君不怪。交游大半在鬼錄，一時輩行惟君在。前年簪筆侍明光，論議風流傳梗槩。邇來同住此荒城，笑語瀾翻絕機械。薄酒重尋他日盟，新詩未了平生債。今君奉詔作鄰郡，共喜朝廷有除拜。定知惠政及斯民，一洗從來州郡隘。甕頭春色早晚熟，遠寄還須例霑丐。為君試草德政碑，蕭何自昔文無害。

晁留臺劉夫人挽詩三首

白首聞諸父，文章漢兩京。

原父侍讀貢父舍人夫人諸父也

風流傳

壺範烜赫振家聲，睦族今無匹。能書舊得名，如何江

左即今日望銘旌

故家劉與魏，我亦忝姻親。

夫人劉姓魏出也

久矣思前作居

然愧後塵遺芳接，惇史舊德見夫人。悵望鵝湖路，新

新年草木春。

留臺無恙日，樂善出誠心。文采不復見，聲名空至今。半生資內助，三歎有遺音。撫事思前輩，于誰覓斷金。

贈鄭侍郎

鄭公一勺酒，時與故人傾。况茲中和天，草木日向榮。山茶逞獨艷，著意呈軒楹。坐中四五客，還來尋此盟。

主人久未厭頻得倒屣迎燒燭夜照花知公有餘情
清歌洗俗耳軟語令心醒豈伊鶴頂丹獨自能傾城
要令同二妙相伴作三英紛々桃李花開謝略不停
誰知此深院別有高世名我老百事廢對此眼暫明
還家不能寐起坐數殘更明朝有新句更欲煩公聽

送宗紀上人歸福州

道人海上來訪我江外寺春風吹行李飄搖不得住
手中主人書足下千里路臨行請一語懇款遇外慕
人生未入道所至皆旅寓急叅庭前栢會取末後句
相逢與相別惟此是先務

郡會分韻得蠻字

柳外高樓四面山使君携客共躋攀塵埃不動日方
永桃李無言春自閑未厭簿書時到眼每逢詩酒亦
怡顏夜闌一倍園林勝尚覺清歌欠小蠻

郡會賞牡丹分韻得裳字

敢辭深坐嬾衣裳便欲追陪恐病妨小戶常憂勸酒
滿短才仍怯和詩忙牡丹花在逢寒食群玉山如望
洛陽不是使君尋舊賞更無人會憶姚黃

次蔡楠韻

交舊悠々西復東建昌南望水連空蔡侯念我有新

句猶似灞橋風雪中

送王提舉赴淮東七首

君為千里行我此一室住清風隨畫舸已過江北路
君如暑伏承所至自清靜脩然接新秋已復天地性
隨行萬卷書既足以自娛因知君所樂不在使者車
入門雖多塗其究有安宅君能識其然一語在物格
學道貴積習天地故相似不容有秋心毫髮在胸次
海陵我舊游歲月亦已久不知兵火後尚有昔人否
官閑有新作寄我莫憚遠兼書海陵事令我開病眼

送財用歸開化二首

年來相聚欲無言懶說諸方五味禪所恨歸程太忽
遽不收吾骨瘴江邊

疾病支離欲著床爾來殊不負秋陽頭童齒豁西風
裏尚費縈簾一炷香

謝范子儀見寄因次其韻

疾病深藏一事無眼從昏澁廢看書清詩忽觀驚人
句遠道如瞻使若車頗放溪山時入座不妨賓客醉
騎驢傳家事業風流在早晚還朝得盡壚

謝周侍郎送木瓜

染以猩血綠以刺繡文天生此碩果似是百果君

杯槃快先觀便足張吾軍雅宜椽燭照正合備金樽
環橙與大柑其從蓋如雲我病日已衰故人時見存
晨興有竒事此果蒙先分開絨見珍異坐使童僕奔
把玩不去手舉室生清芬所恨茅屋底著此大不倫
瓊琚未足報拙句聊相聞

謝幽巖長老送荔枝二首

年來疾病日衰頽咫尺閩山嬾便回不是幽巖老尊
宿更無人寄荔枝來
荔子焦乾久未嘗今年霜下始聞香幽巖閣略庵前
事容得先生為口忙

撫州俞隱居挽詩

臨川俞處士獨擅隱居名嬾倦不復出風流聞後生
自甘長寂寞肯作大鮮明松栢新阡路傷心秋後聲
贈汪信民之子如愚

四海同門一信民近淮來往七經春生平坎壈不如
意死去聲名多悞人漫以文章付兒子略無毫髮仰
交親請君但自傳家學陋巷簞瓢莫道貧

識曾台州送梅

不辭深坐轉衰頽養病仍無酒一杯尚喜故人相勞
苦臘前先送一枝梅

甕間吏部久不見江東步兵那得知故人憐我太寂寞
冥一枝梅送兩篇詩

送范子儀將漕湖北五首

君行欲何之乃在湖水北湖水多近縣使者曷為德
其民淳而古其吏朴以直官閑足賓客歲稔少盜賊
得君清靜化用教不以力但自養根苗勿苦厭蠹蠹
許昌無事時地固多英豪况君忠宣子譽望素已高
讀書不出戶俛首自作勞脫身走江南始為時所褒
每念其先人水靜絕波濤時從文字嬉餘事及風騷
忠宣在朝廷每欲消黨與以我廣大心盡使變齊魯

同門有不察平地鬪豺虎君昔住許昌閉口不復吐
靜思前人意皆是神所許自守泥塗間肯復許齟齬
今兄守家學曰自文正始惟不早小官至死而後已
其間有富貴乃是偶然爾人欲學古人豈不識此理
奈何厭貧賤乃不退就已君今久縮之可為吾黨喜
我懶百事廢尚四交舊知時蒙寄書來索我送行詩
我詩老益退久為人所嗤君獨不見鄙論相不舉肥
送君湖北去無事隔山陂時應有佳句尚足慰相思

梅花二首

白玉花頭碧玉枝水邊籬下雪晴時暗香別有閑情

處却是春風未得知
占得先開不待春風饗
雪虐長精神老人不是尋花
者要與尊壘洗世塵

周承務延求諸已齋

為腹不為目貴久不貴
達人皆求其餘我獨心
易足人皆重外慕我獨
御其獨閉門想顏子默
坐相追逐壽夭有定分
簞瓢乃其福脩身雖多
遜要在不遠復

送程伯禹歸浮梁

不見程公二十年前
上饒相遇各華顛平生
氣節君先立老去安閑
我未然即看歸來上廊
廟未容休歇住

林泉飽山間上憑欄處
合得道遙第一篇

○疾病因循懶出門
茅簷終日坐昏昏
雨聲點滴松藏寺
人迹稀疏犬吠村
時得使君相勞苦
勝於書札問寒溫
只應比去添憔悴
又欠先生酒一尊

寄題王珉中玉通判夢山堂

青山甚不遠每因塵事
踈百念攪胸次豈知山
有無君無適俗韻常似
山中居出處本無二夢
覺固不殊不知此山堂
始性從何途未嘗走道
路亦不用舟車溪流與
山色相對若有餘此地
甚閑曠如君心地初行
雲映遠樹中有此田廬
如今遂安處始驗實不
虛

得非神所相無乃道力扶親朋在左右不待折簡呼
往來一笑樂勝有十輪朱何須從范子辛苦泛五湖
亦不學沮溺遠亦斯人徒從容萬事表在我不在渠
欣然理前夢已勝在華胥

去冬以紙衾遺劉彥冲劉有詩來謝以二絕

句答之

初無一物獻高人紙被封題意却真想得蒙頭忘百
慮滿山風雪自成春

錦綉堆床已不宜芬芳淑郁又成癡心知此被無他
巧能與山翁換好詩

送曾季直下第歸臨川

老病侵凌重別離爾來瘦欲不勝衣信州城北荒山
寺兩送親知下第歸曾子不愁歸泥路臨行索我送
行詩頭童齒豁衰顏甚不似京城相別時

送趙十一弟之官南安

君為千里行我有一樽酒把酒持勸君欲以為壽南
安傍庾嶺瘴癘亦時有德人固天相和氣生戶牖斯
民得安樂如我屈伸肘居然變遠俗共感賢太守我
病居上饒忽三歲月久杜門百事廢亦復厭奔走得
君暫相從感嘆成皓首頗念河朔時相從誦詩否人

生只此是不必更抖蕪有便即寄書頻來問衰朽

寄劉彥冲兼寄胡原仲劉致中

故人別去兩經冬今歲書來第幾封正以空疎少製作不因窮約廢過從養生漫說終難效學道無心亦未逢若問真歸是何處五更常聽寺樓鐘

去歲嘗以紙被竹簡遺劉致中後為大水所漂致中有詩以二絕句答之

念君無愛亦無求一室儵然冷欲秋尚恐深居有餘念更將衾簡委洪流

紙被公無笑不才兩公相繼有詩來五更睡足天昏

黑也似他人錦繡堆

吳傳朋游絲書

君不見往時文學顧八分中郎之後典型存又不見先朝文惠書堆墨大榜濃雲照南北未似只今上饒守靜寫游絲不停手非煙非雲斷復續緩步徐行不拘束斷崖一落千丈滑遠望筆行如一髮鬼神竭力覩不見鐵礦消亡細作線之舞飛揚不自由縱橫自在勝銀鈎知君此意非安排妙處不從筆下來心凝形釋萬事去信手却立無纖埃滿堂回頭莫見猜我自悟此忘曾懷操舟相馬在事外顏氏識此由心齋

如君下筆少有意錦綉寧不悞剪裁君惟無心故若
此秋毫自可纏風雷鍾王斂手謝不敏長史懷素慙
衰頽病夫睹此心目開向來窮愁安在哉

東萊先生詩集卷第二十

文集莫盛於唐亦莫盛於

本朝唐則韓退之柳子厚

本朝則歐陽文忠公實為之冠是數公固出類拔萃
巍々乎不可尚已編次而行于世退之則李漢子厚
則夢得文忠公則東坡先生或其門人或其故舊又
皆與數公深相知蓋知之不深則歲月先後是非去
取徃々顛倒錯亂不可以傳近世張文潛秦少游之
流其遺文例遭此患知與不知之異也

東萊呂公居仁以詩名一世使山谷老人在其推稱
且不在陳無已下然即世多歷年所而編次者竟無

人焉墨客詞人相視太息曰 公所謂知吾者希則
我者貴歟

儀真沈公宗師名鄉之子少卓犖有奇志方黨禁未
解時不顧流俗專與元祐故家厚 公尤知之往來
酬唱最多沈公之子公雅以通家子弟從 公游
公稱之甚乾道初元幾就養吳郡時公雅自尚書郎
擢守是邦暇日哀集 公詩略無遺有次第歲月為
二十通鈇板置之郡齋蓋公之知 沈氏父子也深
故 公雅編次之也備幾亦受知于 公者也 公
雅用是屬幾題其後竊自伏念與公皆生于元豐甲

子又相與有連雅相好也紹興辛亥幾避地柳州
公在桂林是時年皆未五十 公之詩固已獨步海
內幾亦妄意學作詩 公一日寄近詩來幾次其韻
因作書請問句律 公察幾至誠教幾甚至且曰和
章固佳本中猶竊以為少新意又曰詩卷熟讀治擇
工夫已勝而波瀾尚未濶欲波瀾之濶須令規模宏
以涵養吾氣而後可規模既大波瀾自濶少加治擇
功已倍于古矣幾受而書諸紳今三十有六年顧視
少作多可愧悔既老且病無復新功而 公之墓木
拱矣觀遺文為之絕歎因記 公教幾之言于篇末

使後生知前輩相與情實如此且以見幾于公之
言雖老不忘也乾道二年四月六日贛川曾幾題



咸豐辛酉嘉平手校一過恨無佳本
五勘時年七十有五 養園